

**Evangelium medici: seu Medicina mystica; : de suspensis naturae legibus, sive de miraculis; reliquisque en tois bibliois memoratis, quae medicae indagini subjici possunt. Ubi perpensis prius corporum naturâ, sano & morbo corporis humani statu, nec non motûs legibus, rerum status super naturam, praecipuè qui corpus humanum & animam spectant, juxta medicinae principia explicantur. / A Bernardo Connor, M.D. è regia societate Londinensi, nec non è regali medicorum Londinensium collegio.**

### **Contributors**

Connor, Bernard, 1666?-1698  
Wellington, Richard, -1715  
Nelme, Henry, active 1696-1697  
Briscoe, Samuel, active 1691-1727

### **Publication/Creation**

Londini : Sumptibus bibliopolarum Richardi Wellinton [sic], in Coemeterio D. Pauli; Henrici Nelme, in loco Royal-Exchange dicto; & Samuelis Briscoe, in loco vulgò dicto Covent-Garden, MDCXCVII. [1697]

### **Persistent URL**

<https://wellcomecollection.org/works/pyektjpg>


### **License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.

**wellcome  
collection**

Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>

















Q

arb

L. LVIII

7/c

18585/9/3

~~1107~~

067

~~B~~  
10895

Mathias Town  
4.08


26c.c. ①

no

20211

2.5.11







*Evangelium Medici :*  
 S E U  
**MEDICINA MYSTICA;**  
 D E  
 Suspensis Naturæ Legibus,  
 S I V E  
**De MIRACULIS;**

Reliquisque ἐν τοῖς βιβλίοις Memoratis,  
 quæ Medicæ indagini subijci possunt.

*Ubi perpensis prius Corporum Naturâ, sa-  
 na & morboſo Corporis Humani Statu,  
 nec non Motûs Legibus, Rerum Status  
 ſuper naturam, præcipuè quæ Corpus Hu-  
 manum & Animam ſpectant, juxta  
 Medicinæ Principia explicantur.*

A BERNARDO CONNOR, M. D.  
 è Regia Societate Londinenſi, nec  
 non è Regali Medicorum Londinen-  
 ſium Collegio.

*Londini, Sumptibus Bibliopolarum Richardi  
 Wellinton, in Cœmeterio D. Pauli; Henrici  
 Nelme, in loco Royal-Exchange dicto, &  
 Samuelis Briſcoe, in loco vulgò dicto Co-  
 vent-Garden, MDCXC VII.*



# IMPRIMATUR

Hic liber cui Titulus, *Evangelium  
Medici, seu Medicina Mystica  
de suspensis Naturæ Legibus,  
&c.*

*Tho. Millington, Præses,*

*Tho, Burwel*

*Rich. Torlesse*

*Guliel. Dawes*

*Tho. Gill*

} *Censores.*

Datum ex Ædibus Collegii  
nostri in Comitii Cen-  
soriis nono die Aprilis,  
1697.



i

---

Honoratissimo Viro  
**D. CAROLO MONTAGUE,**  
Fisci Regii  
**CANCELLARIO,**  
E Supremis Angliæ Thesaurariis,  
Regi à Secretioribus Consiliis,  
Nec non Regalis Societatis Londinensis  
**PRÆSIDI.**

**D**Ivina, Vir Clarissime, cum  
Humanis, Sacra cum Pro-  
fanis, Vacillantes Naturæ Vires,  
& fluxiles Effectus cum Mira-  
culis, & cum Summi Numinis Po-  
tentia, juxta Medicinæ Principia,



conferre, & collata explicare, arduum nimis, & forsan temerarium plerisque videbitur. Cum præcipuè hoc tam sublime Opus, hoc tam cœleste Iter à nemine hætenus susceptum fuerit. Mihi ipsi ante Annos quosdam Effectuum eorum, qui juxta simul ac supra Naturæ Leges fiunt, Causas & Modum fortè contemplanti, visum est, quòd Illi prorsus Operam ludunt qui reconditam Miraculorum Naturam obtusiori cæcutientis Rationis Acie perlustrant. Cum reliquis enim omnibus tunc existimavi quòd Effectus, qui sancitas Naturæ Leges superant, Ingenii quoque Captum excedunt. Cum tamen deinde mecum diutiùs perpenderim, quòd omnes Corporum & Spirituum Effectus, tum illi, qui juxta

Na-



*Naturæ, vel Motûs Leges peraguntur, tum illi, qui Naturæ conatus exuperant, ab uno eodemque Æternæ Voluntatis Decreto immediatè producuntur; mihi statim proposui per Effectuum Naturalium Cognitionem, ad Effectuum super naturam notitiam, quasi per diversos gradus, paulatim ascendere, & utrosque effectus juxta ejusdem Legis Tenorem in hoc Libro illustrare. Ut autem sub tanti Nominis Auspiciis à mordacis Censuræ aculeis, & malevolorum dictariis incolumis evadam, Tuæ, Vir Spectatissime, Tutelæ novum hocce Tentamen committere non dubitavi. Cujus enim nomen hujus Operis fronti præfigere magis gestirem, quàm illius quem tam Prudens & Sagax Princeps suo*

A 3      præfi-



præficere *Ærario*, & *Sanctiori-*  
*bus* interesse *Consiliis* voluit? *Cu-*  
*jus* *Fama* *decori* magis esse potuit  
& *Ornamento*, quàm *illius*, qui  
*Tot Tantorumque Magnatum stir-*  
*pe* est oriundus? *Cujus Præ-*  
*sidium* ardentius exoptarem, quàm  
*illius*, quem tanta *Literatorum*  
*Societas* ad omnium vota semel  
atque iterum elegit *Præsidem*? *Cu-*  
*jus* denique *judicio* *præcocem huncce*  
*Ingenii mei Partum* rudi adeo  
*penicillo delineatum* lubentius *subji-*  
*cerem* emendandum, quàm *Illius*,  
cui *Judicii in Publicis Rebus Sa-*  
*gacitas*, cui *Ingenii Perspicacitas*,  
cui notissima *Cunctis Merita*, tan-  
tam per totam *Angliam famam*,  
tantam in *Senatu auctoritatem*,  
tantam apud *Regem gratiam* &  
*favorem acquisiverunt*, quod *Re-*  
gi



gi ipsi æquum fore visum est, Te  
ad Supremos Reipublicæ Hono-  
res evehere, ut suis Rebus domi  
& foris tutius consulere, ut Populi  
votis responderet, & ut tua meri-  
ta, collataque in Regnum Beneficia  
pleniùs compensaret.

Spero, Vir Illustrissime, quòd,  
etiamsi publica Regni Negotia to-  
tum Te, quasi continuos inter flu-  
ctus, agitatum detineant, Tibi  
tandem, compositis aliquando tantis  
Rebus, aut saltem, ad relaxandum  
Animum, aliquandiu prætermis-  
sis, vacabit identidem dicatas Tibi  
Orbis Literarii Curas & Studia so-  
lito genii candore intueri, & admit-  
tere, nec non gravioribus subinde  
Curis interponere. At, si forte in-  
cultum hocce meum Opusculum vi-



vidiorem Ingenii Tui perspicaciam  
satiare minus valeat, meminisse  
saltem haud dedigneris, quanto  
cultu & observantiâ hoc quale-  
cunque Munusculum offert, dicat-  
que,

Vir Nobilissime,

Tibi

Devotissimus,

Bernardus Connor.

---

EPISTOLA



---

---

# EPISTOLA

A D

*Meritissimum suum Amicum, D. B. M.*

E X

Anglico idiomate ab erudito J. W.  
Studios. Oxon. in Latinum con-  
versa, & Præfationis loco hic  
præfixa.

**N**ondum ex animo Tibi, Vir Litera-  
tissime, penitus excidisse reor nupe-  
rum isthoc Colloquium, quo Tu &  
Ipse de *Miraculis* disseruimus, & de opinione ar-  
gutiisque quorundam, qui negant ullo sese pacto  
concipere, quibus Viribus, quove *Modo* effici pos-  
sent. Cuncta, quæ congerunt in partes suas, Argu-  
menta frigida nimis, & infirma visa sunt, utpote  
quæ



quæ hæc tantum suadere voluerunt, Omnes nimirum Effectus, qui Intellectum Humanum superant, vires utique summi Numinis superare; aut saltem necessum esse, ad expugnandos Incredulorum animos, ut Deus non solum *Miracula* coram edat, sed eadem etiam efficiendi *Rationem Modumque* patefaciat. Hoc sumus palam professi, Illos nempe stupendos Effectus, quos pro *Miraculis* jure quidem exhibent Sacrae Paginae, aliquem supra sanctas Naturæ Leges Autorem fateri, ipsamque summi Opificis dextram virtutemque deprecere. Protinus in nostram ibant sententiam, quippe quos hac in parte diutius hæsitare merito puduit. Quamvis autem non potuerunt non persuasum habere istos hujusmodi Effectus, quos Historici spectatissimæ gravissimæque fidei narrant, inter *Miracula* jure censeri, ac præstitutas Naturæ vires omnino respicere; nè tamen opinioni nostræ facile nimis assentirentur, ut ipse mecum paulo diligentius perpenderem, utrum *Modi*, juxta quos *Miracula* Deus efficit, sub *Rationem* humanam cadere possent, & quis mihi tandem *Modus* vero similis videretur, sibi ut exponerem, efflagitabant.

At licet hoc Opus non sit Provinciae meae, quippe quæ quotidianos tantum, vulgaresque Naturæ Effectus, seu *Medicinam*, complectitur, (quæ profecto quicquid est Ingenii vel Oris mihi

pror-



prorsus exhaurit, & ex quâ magis indies perspicio, gratusque demiror providam summi Numinis Curam) eorum tamen votis morem gerere cupiens, Rem totam mecum expendere, ac, quantum possem, enodatam dare pollicebar.

Non equidem tum primum, & hic & alibi gentium eadem hac de re Argumenta audiveram, & Opusculum quoddam ad hanc rem dilucidandam aliquot abhinc annis inchoaveram. Sin è tenebris suis rudiores istas, neglectasque Schedulas non eliciuisset hæc Disceptatio, in scriniis usque meis delituissent, nec unquam mihi fortassis, aut alii cuiquam legenti tædium fecissent. Cum autem hoc Operis parùm consultò in me receperam, visum est Chartulas illas meas incudi denuò tradere, iisque deinde perlegendas dare, ac Tuo demum & Amicorum quorundam iudicio cuncta permittere.

Rationes eas, *Hypothesefque*, quas ad expediendos hujusce rei nodos excogitaveram, & sibi tunc primum visas esse professi sunt, & plerisque pariter inauditas fore crediderunt; & quamquam pro re omni ex parte compertâ non habuerunt, hos nempe *Modos* ipsos eos esse juxta quos Deus effecit omnia, quotquot usquam facta fuerint, Miracula, hoc tamen haud ægrè sibi persuadere visi sunt, posse nimirum eos, qui Naturam Legesque Motûs non penitus ignorant, stupendos



pendos hos Effectus aliqua saltem tenuis hinc intelligere.

Cùm verò nonnullos hunc in modum Consilium mei participes fecissim, esse scilicet in animo mihi aliquam hac de re *Dissertationem* edere, iidem obnixè rogarunt, ut saltem ipsa summatim Argumenta, quasi prælibanda, in manus Hominum darem. Illis autem hoc postulantibus ideo minùs obsequi visum est, quod nondum in eundem quæque ordinem digesseram, quo fortè tandem Prælo committerem, quodque pro libitu inferendi quicquam, aut rescandi jus me penes diutius esse volui. Cùm verò Tabula quædam Operis minùs consultò evulgata parum aliis, mihi meti autem minimè placuit, & cùm plerique Conjecturis exinde perperam factis nescio quid sibi Monstri præfinxerunt, visum est tandem ipsam totius instituti rationem immutare, immutatæque Exemplar paucis hisce in lucem dare.

Quod itaque, Vir Egregie, molior, hoc est. Cuncta *Miracula*, quæ sacra recenset Pagina, & quæ ad Corpora, præsertim Humana, spectant, per Rationem, Medicinæque, seu Naturæ, Principia dilucidare, Intellectuique subicere in me recipio. Contendo autem (si modò revera unquam extiterint isti Effectus, & si omnes juxta pariter, atque supra Naturæ Leges Effectus præsentem *immediatamque* summi Numinis virtutem deposcant, quod nemo sanus negaverit,) non magis arduum esse conceptu *quo Modo* infinita



*Proæmium.*

V

nita Numinis Potentia sese Corporibus immiscens *Miracula* efficit, quàm quo repetit indies neglecta Naturæ Phænomena. Hinc mihi polliceor persuasos iri illos in Religione nostrâ *Pyrhones*, *Deistas*, iisque saltem *Miraculis*, quæ commemorant optimæ fidei Autores, protinùs assensuros, cum non perspicuè minus eadem fieri, quàm stipulam ab igne exuri, posse cognoverint.

Humani Corporis fabricæ totum Opus innititur, cujus singula sæpè Membra Anatomice perlustravi, eademque porò ope Chymix in Elementa sua primaria, minutæque Particulas sæpè resolvi: non minus enim Constructionem ejus penitus eum intueri oportet, qui dilucidare velit stupendas illas, quas præter Naturæ Leges subit olim, Mutationes, quàm qui istas explicare aggreditur, quas secundum Naturæ Leges quotidie subit. Ob miseram suam hac in parte Ignorantiam plurimi paucis abhinc sæculis Theologi, qui hujusmodi Effectus susceperunt explicandos, aded crassas pinguesque nobis *Miraculorum* Ideas effinxerunt; & ipse nonnullos in iis, quas peragravi, regionibus vidi, qui aut quæstu, aut inscitia ducti, minus observata Phænomena, rarioresque Naturalium Causarum Effectus pro *Miraculis* venditarunt: Hæc aut fraus aut ignorantia primam penè originem *Scepticismo*, *Deismo* vires & incrementum, dedit.

Corporis



Corporis autem Humani fabricâ hunc in modum pro fundamento positâ, variisque ejus Partibus, quantum per ipsos Sensus, Microscopia, Anatomiam, Ignem, aliâque id genus Experimenta potui, perspectis; pergo deinde diversos explicare *Modos*, secundum quos Naturalem ejus Statum præter Naturæ Leges à suprema Numinis Potentiâ mutatum olim fuisse accepimus. Cum enim pro comperto habebam è Materia solâ extructum esse Corpus Humanum, & hanc ipsam Materiam nihil aliud esse quam Particularum quarundam, quæ *Molem*, *Figuram*, & *respectivum* ad se invicem *Situm* habent, arctissimum Nexum & Unionem; omnes porrò Mutationes, quæ præter Naturæ Leges eidem quoad *Molem*, *Figuram*, *Situm*ve queant accidere, Intellectui quopue subjici posse illicò mihi persuasi. Antè verò quàm reconditiora hæc Argumenta occipiam, quæ subtiliorem poscunt Indaginem, non abs re fore videtur, *Causam*, *Naturam*, *Legesque Motûs* accuratius exquirere; quippe quòd à solo Motu omnes, qui juxta Naturam, & ab ejusdem *Motûs Legum suspensione* omnes qui præter Naturam fiunt Effectus, seu *Miracula*, causas & ortus habent. *Leges autem Motûs* triplici *Modo* suspendi posse contendo; juxta quas *Motûs suspensas Leges* non magis arduum est ipsa *Miracula*, quàm secundum receptas ejusdem *Leges* quotidianos Naturalium Causarum Effectus, explicare.

Quam-



Quamvis autem moneo ad hasce *Motûs suspensas* *Leges* commodè posse referri omnia, quotquot unquam fuerint, *Miracula*, non est tamen in animo mihi cuncta *Miraculorum* genera considerare, sed ea solum quæ omnium hætenus Eruditorum Ingenia maxime torserunt. Cætera verò, quæcunque forsan occurrant, à quopiam acrioris Judicii ad aliquam *Suspensionis* nostræ legem possint aptè referri.

Inter omnes, uti spes est, aliquando tandem constabit, Librum hunc nostrum (etsi de industriâ memet à Sacris Literis & Religione abstinere, utpote à Provinciâ meâ prorsus alienis) magno usui fore : prout Eruditi nonnulli, cautiſsimique hac in parte Theologi mihi coram fateri non dubitarunt. Non enim Cogitata hæc de re mea publici juris unquam fecissem, nisi quorundam Amicorum hortatu jussuque, qui Rerum Sacrarum commodo melius, quàm ipse poteram, visi sunt providere. Hic etiam libet palam profiteri, me nihil aliud in hac *Dissertatione* moliri, quàm ut exquiram quantum stupendos eos in Corporibus Effectus, qui Naturæ vires superant, per Medicinæ Principia perscrutari possimus, & confirmare. Hoc enim Argumentum & à Theologicis Studiis prorsus alienum est, nec idem, quod sciam, ullus unquam Medicus, nedum Celeberrimus Ille, omnibusque, & Tibi præ cæteris ex affinitate notissimus, *Religionis Medici* Author, attigit. Omnes, uti spe-



ro, quotquot hunc Tractatum perlegerint, me  
in hoc Opusculo Religioni tantum & Medicinæ  
promovendæ operam dedisse pro comperto  
habebunt; aded ut abs Te, Amico simul & æ-  
quo Rerum æstimatore, hoc gratiæ duplici no-  
mine mihi met ausum polliceri, Te nempe vindi-  
cem fore

*Tui*

Lond. Octob. 22.  
Anno æræ salutis,  
1696.

*Cultoris**Humilimi,*

**B. Connor.**

---

**Evangelium**



EVANGELIUM MEDICI:

Seu

Medicina Mystica,

DE

Suspensis Naturæ Legibus,

Sive

De Miraculis,

Reliquisq; ἐν τοῖς Βιβλίοις memo-  
ratis, quæ Medicæ indagini  
subjici possunt.

ARTIC. I.

*De statu Corporis, præcipue Orga-  
nici, secundum naturam.*

**I**N primo huius Operis vesti-  
bulo necesse visum est obser-  
vare, quod uti supremus Re-  
rum Opifex duas creare dignatus  
est substantias, *Materiam* nempe  
B &

Artic. I.  
Scopus O-  
peris.



*Artic. 1.* & *Spiritum*, sic duas sancire voluit  
 Duæ natu- in Natura *Leges*, quibus effectus  
 ræ leges, earundem peragantur, *Leges* nem-  
 leges mo- pe *Motus*, quibus corporum ef-  
 tus & mo- fectus producuntur, & *Leges Mo-*  
 rum. *rum*, quibus animi affectus &

munia reguntur. Hæ autem duæ  
*Leges*, nullam inter se affinita-  
 tem, nullum commercium, aut  
 mutuam à se habent dependen-  
 tiam; quia non solum diversis,  
 sed etiam plane oppositis rebus  
 dicatæ sunt. Medicorum est *natu-*  
*ram corporum* atq; *leges motus* illu-  
 strare, & *Morum Legibus* obtem-

perare tantum; vel <sup>a</sup> iis *Legibus*  
 quæ nobis à natura sub *rationis*  
 nomine insitæ sunt, vel <sup>b</sup> iis quæ  
 coelitus nobis ipsis sunt traditæ, vel  
 per <sup>c</sup> alios nobis inde patefactæ:  
 Divinarum vero rerum Interpre-  
 tes, non tantum *Morum Legi-*  
*bis* obsequi ipsi, sed etiam eas-  
 dem aliis <sup>d</sup> instillare, & palam  
 promulgare debent. Quoniam  
 autem

[<sup>a</sup>, <sup>b</sup>, <sup>c</sup>, & reliquæ in-  
 termixta  
 literæ quæ  
 ad margi-  
 nem referri  
 deberent, ad  
 notas fini  
 libri ap-  
 pensas re-  
 feruntur.]



autem sancita jam tum <sup>e</sup> *Nova*, Artic. 1.  
tum <sup>f</sup> *Veteris Legis*, pro regendis  
moribus decreta, multis confir-  
mata sunt, & quasi figillata <sup>g</sup> *mi-*  
*raculis*; & quoniam hæcce *Mira-*  
*cula* in solis fere corporibus pro-  
ducta sunt, & in humano præci-  
pue corpore transacta, congru-  
um mihi visum est, juxta *Motus*  
*leges*, & juxta *Medicinæ principia*,  
Miraculorum naturam investiga-  
re, ut non tantum veritas Legum  
Morum atq; æquitas, sed etiam  
provida summi *Legislatoris* maje-  
stas elucescat. Ut autem res tota  
clarius in lucem prodeat, diver-  
sos Corporis Humani status, &  
motus ipsius naturam prius ex-  
plorare necessum erit.

De Humano igitur Corpore  
supra naturæ suæ terminos elato  
præcipue tractaturus, haud abs-  
re fore existimavi, quidpiam de  
genuina *Corporis*, præcipue *Orga-*  
*nici*, indole obiter prælibare; ut



*Artic. 1.* clarius pateant ea quæ de *miraculo* ipsius *Statu* dicturus sum. Uti enim necessum est, *insitos Corporum* affectus & proprietates dignoscere, ut proprios & naturales ipsorum effectus concipiamus & explicemus, sic quoq; ut supernaturales *Corporum* status elucidemus, *Corporum* ipsorum natura, quæ utriusq; status est fundamentum, prius erit investiganda.

Natura  
materiæ.

Etiam si dubitare nullatenus liceat de vera multarum<sup>h</sup> *Rerum*, à *corporibus* natura penitus discrepantium, existentia; nihil tamen perspicua concipimus mente, præter *corpora* ipsa, seu *materiam*. Nihil autem per *materiam* exprimimus, nisi substantiam in omnes dimensiones vere extensam, quæ varias habet partes sibi applicatas, & extra se positas; quæ partes, in minores adhuc particulas, & hæ adhuc  
in



in minores sine fine dividi pos- *Artic. 1.*  
 sunt. Materiei igitur cujuslibet  
 particulæ in eo conveniunt, quod  
 omnes longæ sint, latæ, & pro-  
 fundæ; discrepant tamen in eo,  
 quod hæ diversa *mole*, illæ pecu-  
 liari *figura*, aliæ citatori *motu* Materiæ  
species.  
 sint donatæ; & triplici hocce  
 discrimine innumera illa tam flui-  
 da quam solida corpora effor-  
 mant, ex quibus tota mundi ma-  
 china compingitur. Unaquæq;  
 autem materiæ particula ita in se  
 intime solida est, ita spatium,  
 in quo continetur, mole sua, etsi  
 exigua, vere replet, ut nullum Materia est  
solida, un-  
de impe-  
netrabilis.  
 prorsus aliud corpus in eodem  
 simul spatio admittere, nec aliud  
 corpus solidum ipsa inire, aut  
 penetrare valeat: Unde omnes  
 corporum, & Orbis totius par-  
 tes contigua quadam vicinia sibi  
 tantum succedunt, & sic sibi ap-  
 positæ in immensam seriem extra  
 ingenii aciem protenduntur.



Artic. 1.

Tota mundi *materia* in duas *Corporum* species formata est, *Organica* nempe, & *Inorganica*. *Inorganica Corpora sunt ea quæ moleculis* seu integrantibus partibus, nulla textura aut structura diversis, sed *homogeneis, & sibi ubiq; similibus constant.* Hujusmodi Corpora maximam mundi partem constituunt; qualia sunt, *Stellæ, Cœli, Planetæ, Aer, Aqua, Terra, Mineralia omnia, Lapides, Sanguis, omnes Humores & Liquores:* Omnis enim portio aeris, aquæ, lapidis, sanguinis, & reliquorum Corporum inorganicorum, eandem habet texturam & indolem, cum tota massa aerea, aquea, lapidea, sanguinea, & totius massæ nomine insignitur.

Quid Corpus Organicum.

Corpora vero organica sunt ea, quæ multis diversæ fabricæ organis totidem quasi machinulis efformantur, quæ, inquam, constantem & peculiarem habent diversarum



versarum partium situm, & dissimi- Artic. 1.  
lem cujusq; partis structuram &  
usum. Hujusmodi sunt Vegetan-  
tia & Animantia omnia: Quæli-  
bet enim Planta multis partibus  
fitu, textura, & usu discrepanti-  
bus potitur. Alia nempe Arboris  
pars vocatur radix, alia truncus,  
medulla alia, alia folia; quibus  
vegetatio fruticis promovetur.  
Animantia quoq; omnia multi-  
plici Organorum numero & fe-  
rie, cerebro nempe, corde, pul-  
monibus, stomacho, trunco, ar-  
tubus, variisq; id genus partibus  
gaudent, quibus vitales & ani-  
males motus peraguntur.

Hic autem de occulto Corporis  
Humani statu tractaturus, non  
de cœlis, aere, lapidibus, aut a-  
liis mineralibus, non de terra, a-  
qua, aut aliis hujusmodi inorga-  
nicis corporibus agam, sed de iis  
tantum quæ numerofo organo-  
rum apparatu instructa sunt, uti



*Artic. 1.* Animantia omnia. Præ cæteris autem animantibus de Corpore Humano, mirabili Medicinæ objecto, hic præcipue nobis sermo est instituendus. Hic autem Corpus nostrum non quatenus intra naturæ suæ gyrum comprehenditur, nec quatenus Medicinæ contemplandum pro conservanda aut restauranda valetudine subjicitur, sed quatenus supra nativum statum elevari potest, hic nobis præcipue tractandum est.

Tres corporis humani status.

Investigandum nempe quot & quibus modis genuinus ipsius status divinitus mutari potest: Omnes enim qui hætenus de Corpore humano scripserunt Medici, alii statum ipsius secundum naturam, seu sanum; alii statum præter naturam, seu morbosum, perquam accurate illustrarunt; nulli autem hucusq; statum ipsius super naturam seu miraculosum,



sum, perpenderunt, Quare no- *Artic. 1.*  
vum atq; arduum nobis tentan-  
dum est iter, & extra solitum  
Medicinæ stadium nonnihil ex-  
currendum est. Cum enim affir-  
ment omnes, quod præter sanum  
& morbosum Corporis nostri sta-  
tum, varii fuerint status ipsius  
super naturam, & cum nemo  
hactenus hosce status juxta Me-  
dicinæ principia illustrare tenta-  
verit, operæ pretium mihi visum  
est, eosdem, quanta possem soler-  
tia, ad rationis normam redu-  
cere; ut illi, qui de hujusmodi mi-  
raculis dubitarunt, eadem con-  
cipiant; & illi qui eadem ad-  
miserunt, ratione demum illu-  
strata, intensiori & vividiori fide  
credant. Ne autem in insolita hac-  
ce & quasi cœlesti indagine mens  
nostra per devia passim sine duce  
divagetur, *Naturæ* vestigiis in-  
sistendum est. Etiam si enim in  
illustrandis *miraculis* naturæ leges  
exce-



*Artic. I.* excedere necessum sit, ab illis  
tamen recedere non licet; &  
etiāsi Corporis Humani status  
super naturam juxta statutas *mo-  
tus* leges explicare non valea-  
mus, in illis tamen explican-  
dis infitos corporum affectus &  
phenomena perpendere oportebit.  
Quod ut rite peragamus,  
naturalis Corporis Humani fa-  
brica, motus, & munia prius  
erunt obiter prælibanda.

---

ARTIC.



ARTIC. II.

De statu Corporis Humani secundum Naturam.

**H**omo totus ex triplici co-  
alescit substantia, <sup>a</sup> *Spiritu*, *Corpore*, & *Anima*. *Spiritus* est pars hominis *cogitans*, quæ  
vulgo anima rationalis nuncupari solet, etsi nullum animæ ministerium vere exerceat, ut infra patebit. Anima sunt fluida corporis, *Sanguis* nempe ac *Spiritus animales*. Corpus vero ipsum est mira illa ac concatenata partium solidarum seu organorum series & fabrica, quæ *Spiritus* & animæ fulcrum est & domicilium. *Spiritus*, rationis iudex, cum libero agat arbitrio, animæ, quæ necessitate quadam operari cogitur, munia non obit, sed *sensus*

Tres hominis partes.

*Spiritus* non est anima.



*Artic. 2.* *sus* duntaxat est author, & motus voluntarii arbiter. Anima vero, seu humores & liquor nervorum, vitam corporis conservant, involuntarios nempe cordis & respirationis motus suo motu producant. Quibus motibus cessantibus, vita corporis extinguatur, moxque recedente ab exanimi cadavere spiritu cogitante, hominis natura dissolvitur. Hic autem de parte hominis cogitante, quæ suam ipsius cogitationem & captum superat, & quæ sensuum aciem fugit, agere non fert animus, sed de corpore tantum & anima, quæ rationis non solum, verum etiam sensuum scrutinio magis obvia patefcunt.

Corporis  
humani  
duæ partes.

Duæ in Humano Corpore observari possunt partes, *integran-tes* nempe, & *elementares*. Partes integrantes seu organicae, sunt conspicuae, aut saltem sensilis magni-



magnitudinis, uti cor, hepar, *Artic. 2.*  
manus, pedes; & Anatomix o-  
pe structura ipsarum detegitur.  
Particulæ vero elementares, seu  
*prima principia*, sunt exilissimæ  
& insensiles atomi, ex quibus in-  
vicem conjunctis, & in debitum  
situm, texturam, & seriem dispo-  
sitis, partes *integrantes* constru-  
untur; hujusmodi Elementa non  
cultri acie, sed ignis tantum Chy-  
mici ope extrahuntur. Atomi  
autem nomine hic nihil aliud in-  
telligi velim, nisi minimam cor-  
poris alicujus particulam ab aliis  
particulis vere divisam, & in se  
sine fine divisilem.

Si igitur minutissima corporis Partes E-  
nostri Principia juxta *Chymia* lementa-  
scrutinium perpendamus, to- res.  
tum corpus in quatuor materiæ  
species, in certam nempe parti-  
cularum *Terræ* elementaris, *A-*  
*quæ*, *Salis*, & *Sulphuris*, propor-  
tionem resolvetur. Quæ parti-  
culæ



*Artic. 2.* culæ variis modis, & in diversa quantitate sibi appositæ, moleculas discrepantis indolis & texturæ efformant. Et hæ moleculæ strictius aut laxius inter se associatæ, partes corporis alias fluidas, uti humores, alias solidas, uti carnem & ossa, constituunt. *Molecula est quævis vel minima mixti alicujus corporis portio, quæ ex quatuor primis principiis coalescit.* Sic omnis portio carnis vel sanguinis, ex terra, aqua, sale, & sulphure, constat: Ut autem hæ moleculæ ex atomis elementaribus constantes solidas partes efforment, in tenuissima duplicis generis stamina abeunt, vascula nempe, & vasculares fibras. Vascula sunt venæ, arteriæ, nervi, lymphæductus, & vasa glandularum excretoria. Ex his autem solis vasis non coalescit totum corpus, ut plurimi voluerunt; sed & adsunt præterea innumera

Partes Or-  
ganicæ.

Textura  
corporis  
humani.



innumera filamenta cava, seu *Artic. 2.*  
fibræ vasculares gracillimæ, quæ  
prout arctiori vel laxiori nexu  
stringuntur, partes alias aliis  
solidiores constituent; quemad-  
modum sunt ossa, cartilaginee,  
ligamenta, membranæ, tendines,  
musculi, & glandulæ; & hæ fi-  
bræ in magna quantitate sibi su-  
perpositæ multa strata, & quasi  
lamellas filamentosas efformant,  
quæ indies post ortum ab appel-  
lente & alente sanguine in lon-  
gum & latum turgentes, non ve-  
ro in numero crescentes, eximi-  
am tandem corporis humani  
molem efformant.

Corpus Humanum in duas *Partes fluidas & organicas.*  
adhuc alias partes, solidas nem-  
pe & fluidas, seu humores, divi-  
dendum est: Solidas partes jam  
recensuimus. Fluidæ partes sunt  
*sanguis, lympa, spiritus anima-*  
*les, saliva, mucus narium, fer-*  
*mentum ventriculi & intestino-*  
*rum,*



Artic. 2. rum, bilis, succus pancreaticus, adeps, humores oculorum, lachrymae, semen virile, ovi muliebris latex lymphaticus, humor pericardii, menstrua, urina, & sudor. Omnes autem hi humores præter urinam, menses, & sudorem, peculiarem habent usum in corpore nostro. Urina vero, menstrua, sudor, & faeces, excrementa sunt foras amandanda. Omnes humores à massa sanguinea tanquam totidem à communi parente fluvio germani rivuli derivantur.

Tres motus sanguinis.

Massa hæc sanguinis triplici motu, eoque perenni agitur, fluidi nempe, fermentationis, & circulationis. Tribus hisce motibus jugiter attenuatur, & principia ejusdem in tumultuoso hocce conflictu absumptis angulis atteruntur; unde indito impetu, & quasi æstro percita evolant & dissipantur; quare perenni egent reparatione, ut exhalantium



um particularum jactura ab in- *Artic. 2.*  
gestis alimentis refarciatur. Plu-  
rima igitur diversæ indolis pa-  
bula ab animantium & planta- *Digestio*  
rum familiis deprompta deglu- *& Chylus.*  
tiuntur. Hæc alimenta dentibus  
attrita, & à lingua cum saliva  
subacta à faucibus per gulam in  
ventriculum detruduntur; ibi-  
demq; partim à propriis princi-  
piis salinis, partim à fermento  
stomachi lymphatico, partim ab  
ambientium viscerum calore, par-  
tim à jugi diaphragmatis & mus-  
culorum abdominis motu com-  
pressa & attrita digeruntur, seu  
per quasdam horas dissolvuntur,  
donec in fluidum quoddam li-  
quamen, quod *Chymus* vocatur,  
convertuntur. Hicce Chymus  
per pylorum à peristaltico ven-  
triculi motu, & ab impulsu dia-  
phragmatis in intestina detrudi-  
tur, in quibus accedente bilioso  
& pancreatico succo, necnon oc-

C

cur.



Artic. 2. currente fermento à glandulis Peyerii intestinalibus eructato ulterius eliquatur & comminuitur. Quare tenuior ipsius & fluidior portio, relictis pone fœcibus per podicem excernendis, à sitientibus vasorum lacteorum ostioliis in cavitatem intestinorum hiantibus, sub *Chyli* nomine, consistentia, & colore albicante lac referens, absorbetur. Hinc Chylus per mesentericas Asellii glandulas ad Pecqueti receptaculum cum affluente lymphâ miscendus & ulterius diluendus vehitur. Illinc per ductum Thoracicum à rene sinistro ad jugulum usq; supra dorsi vertebrae porrectum in subclaviâ venam sinistram exoneratur. Istinc declivi tramite per venam cavam ad cordis ventriculum dextrum tendit, & tanquam rivulus cum toto massæ sanguineæ flumine à toto corpore huc confluyente commiscetur; ubi cum

Chyli pro-  
cessus.

Sanguifi-  
catio.



cum eodem subactus, per totum *Artic. 2.*  
corpus & per exilissimos & an-  
fractuosos partium canaliculos  
jugiter circulatur; ab inspirato  
aere rarefactus, intestina princi-  
piorum turba fermentescit, &  
cruoris tandem naturam assumit.  
Sanguis sic à sanguine elaboratus  
& confectus, perenni circuitu à  
corde, tanquam à machina hy-  
draulica ad omnes & singulas  
corporis partes per arterias pro-  
pellitur, & à corporis partibus per  
venas ad cor denuo revertitur,  
hinc iterum in orbem confestim  
agitandus.

Hujus sanguinis triplex est u- *Ufus San-*  
sus; præcipuus ut calore suo & *guinis.*  
variis motibus vitam conservet;  
tota enim corporis nostri vita in  
solo sanguine sita est: alter ut  
ad omnes corporis partes delatus  
easdem nutriat: tertius demum,  
ut in variis corporis glandulosis  
partibus diversos humores mul-



*Artic. 2.* triplici ufui dicatos deponat. Quicquid aliquem humorem à sanguine fecernit glandulæ, filtri, coli, vel cribri nomine solet appellari. Hujusmodi glandulas seu colatoria per totum corporis nostri habitum, per internos ejusdem recessus, & inter musculeas carnes, passim disseminatas reperimus, ut in diffitis & diversis hisce locis varia fluida ab appellente sanguine tanquam ab inexhausto fonte colentur.

Circuitus  
Sanguinis.

Totus igitur purpurei laticis torrens à dextro cordis ventriculo per arteriam pneumonicam ad pulmones propellitur, ibidemq; à subeunte & commixto aere rarefactus, & coccineo colore tinctus, ad lævum cordis ventriculum redit; inde mox per aortam ad totum corpus emissus protruditur. Ad cerebrum evectus animales spiritus, motum & sensum corporis partibus largituros in glandulosum



losum cerebri corticem, & illinc *Artic. 2.*  
in nerveos tubulos deponit. Ad  
lymphaticas glandulas appellens,  
limpidum, pellucidum, balsami-  
cum quendam & coagulari ap-  
tum liquorem exonerat, qui *lym-* Secretio  
*pha* dicitur, & in propriis *lym-* Animalis.  
*phæductibus* ad cor & sanguinem  
uti flumina in mare à quo sca-  
turiunt, revertitur. Per glandu-  
las lachrymales lymphaticum  
quoq; humorem in oculum, ut  
irrigatus facilius moveatur, ex-  
puit. Per glandulas *Membrana*  
*pituitariæ* muco nasum oblnit,  
ne à pertranseunte respirationis  
aere exiccatus are scat. Copiosam  
salivam in buccas diluendis cibis  
& lubricandis faucibus dicatam  
mandat. Per glandulas Stoma-  
chi, intestinorum, & pancreatis  
lymphaticum quoque succum di-  
gerendis dapibus destinatum lar-  
gitur. Lachrymæ, humor na-  
rium, saliva, fermentum ventri-  
culi,



*Artic. 2.* culi, succus pancreaticus, fermentum intestinorum, imo humor pericardii, ejusdem omnino indolis sunt cum lymphâ, & non nisi nomine tantum tenus ab ipsâ discrepant. Idem sanguis ad jecur properans succum biliosum per acinosas ejusdem glandulas ad duodenum intestinum sub *fellis* nomine transmittit. In renibus copiosum à sanguine serum fecernitur, ne cruoris principia à luxuriante phlegmate nimis diluantur, aut ne dissoluta nimis tumultuoso fermentationis conflictui inepta reddantur. In laxa & flaccescente lienis substantia motus sanguinis refrænatur, ne citatiori raptatus cursu citius quam par est circulum percurrat. In glandulis cutis milliariibus per totum corporis ambitum sitis, sudor & transpirationis materia ab affluente sanguine separatur. In testibus filtratur sperma-



spermaticus succus, quod semen *Art. c. 2.*  
perperam (ut infra patebit) vo-  
citari solet, ut non tantum ho-  
minis species propagetur, sed e-  
tiam ut robur corpori accersatur,  
uti vox eunuchorum gracilis, &  
languidæ eorundem vires satis  
demonstrant. Sicque sanguine  
ad omnia corporis colatoria ju-  
xta circuitus leges jugiter appel-  
lente *Secretio animalis* peragitur.

Sanguis porro ad musculorum *Muscularis*  
fibras accedens, & eorundem tu- *motus.*  
bulos subiens, necnon cum oc-  
currentibus ibidem spiritibus ani-  
malibus per appensos nervos af-  
fluentibus præter modum rarefa-  
ctus, vel, ut aiunt, explosus, e-  
asdem fibras dilatat, & dilatan-  
do abbreviat; & hoc modo mo-  
tus producit muscularis. Si  
musculi sic contracti musculos  
habeant antagonistas seu opposi-  
tos, motus erit voluntatis arbi-  
trio & nutui animæ subiectus; si



*Artic. 2.* vero muscoli nullis æquilibrentur antagonistis, uti cor, muscoli respirationis, & fibræ musculares œsophagi, ventriculi, & intestinorum, motu convellentur involuntario & perenni, qui ex arbitrio animæ neque accelerari, neque retardari, multo minus supprimi poterit.

Structura  
Corporis  
humani.

Tota igitur humani corporis machina ex plurimis organis, seu partibus integrantibus textura diversis compingitur. Quodlibet organum ex certo & determinato *fibrarum vascularium* numero constat. Quælibet fibra ex exilissimis & vilum fugientibus terreis, aqueis, salinis, & sulphureis diversæ figuræ particulis, tanquam ex totidem *elementis*, in miras formas, multiplices machinulas, & elateres abeuntibus constat. Omnes hæ partes solidæ perluente sanguine, aliisque fluidis irrigantur. Nativus itaque corporis



corporis humani status est, ut ex *Artic. 2.*  
solidis & fluidis partibus mutuo  
quodam & officioso ministerio fi- *Quid sani-*  
bi invicem subservientibus, effor- *tas.*  
metur. Solidæ enim partes situ,  
textura, & usu discrepantes flui-  
das partes seu humores conti-  
nent, movent, depurant, dige-  
runt, exaltant, sæcibus expurgant,  
variisque usibus idoneos reddunt.  
Humores vicissim perenni cir-  
cuitu eitati & effervescentia par-  
tes solidas alunt, alimento ipsi  
restaurantur; in diversis corpo-  
ris colis utiles & sæculentos suc-  
cos deponunt, naturales cordis  
& respirationis motus vitam no-  
stram constituentes producant,  
& omnia reliqua partium solidi-  
orum munia suo appulsu & in-  
fluxu moliantur, & peragunt.

Cæterum, corpus nostrum non  
tantum ex solidis & fluidis parti-  
bus constituitur, sed etiam ex  
accerfitis indies ab eduliis nova-  
rum

*Diversi  
Corporis  
Humani  
affectus.*



*Artic. 2.* rum particularum stratulis & aggerie, ad eximiam tandem, præfixam tamen, magnitudinem extumescit. Progressivis aliisque voluntariis motibus mentis imperio subjectis libere movetur. Quinque sensuum beneficio externarum rerum imagines & affectus animo per nervos conducit. Internos quoque animi conceptus, linguæ vocem & loquelam modulantis ministerio, exprimit. Omnes suas à natura præscriptas partes ita sibi semper continuas habet, ut non tantum in unico semper reperiatur loco, sed etiam omnia alia corpora à loco in quo continetur removeat. Quoad ipsius genesim, maris & foeminæ conjugio generatur. Post ortum, animantium & plantarum substantia pastum ad præfixum roboris & molis fastigium paulatim evehitur, donec post elapsos plurimos annorum orbis, si non morbis



morbis saltem sponte sua, laxa- *Artic. 2.*  
ta tandem & enervata partium  
textura, præ vappescente senectâ  
extinguitur. Sed de his omni-  
bus intra quosdam annos fusius  
agam in duobus Tractatibus quos  
publici juris facturus sum, unum  
*De Principiis Medicina & Fer-*  
*mentatione*, alterum *De Oeconom-*  
*ia Animal*i, illum Chymicis,  
hunc Anatomicis experimentis  
illustratum.

---

ARTIC.



## ARTIC. III.

*De Statu Corporis Humani præter Naturam.*

*Artic. 3.* **U**T Corporis humani statum super naturam rite perpendamus, necesse est ut non tantum statum ipsius sanum, sed etiam morbosum obiter illustremus, ut ad miraculorum naturam, causas, & effectus tanquam ad instituti nostri scopum & metam præstrato quasi per diversos gradus itinere paulatim tandem accedamus. Corporis nostri status secundum naturam, uti jam innuimus, est debita illa partium solidiorum & fluidiorum dispositio, qua per mutuum eorundem influxum, & concursum omnia corporis & animi munia rite peraguntur. Corporis autem status præter

Quid sanitas.

Quid morbus.



præter naturam seu æger, est de- *Artic. 3.*  
pravata aut perturbata earun-  
dem partium dispositio, qua om-  
nia vel aliqua corporis seorsim,  
aut animi, vel utriusque simul  
munia læduntur, vel quædam  
abolentur. Alii enim morbi u-  
sum tantum partium lædunt, uti  
ophthalmia, podagra: alii usum  
earum penitus diruunt, uti *gutta*  
*serena, surditas, paralyfis.* Qui- *Sedes*  
dam morbi totum corpus affici- *morbo-*  
unt, uti *febres, apoplexia, epilep-*  
*sia, convulsio.* Quidam corporis *rum.*  
tantum partem lædunt, ut Asth-  
ma, colicus dolor, podagra, hy-  
drops abdominis, gonorrhœa.  
Quidam corpus tantum affligunt,  
uti paralyfis: alii animam tur-  
bant, uti delirium, melancholia,  
insomnia. Alii denique corpus  
& animam cruciant, uti mania,  
phrenitis, soporosi & hysterici af-  
fectus, dolores omnes, & tor-  
mina.

Pro-



*Artic. 3.* Prolixum nimis hic foret, & procul ab instituto remotum plenior morborum historiam tradere, quæ sola in ingenti volumine vix contineri posset. Ne tamen res penitus intacta prætermittatur, morborum omnium sedem & causas contractiori obiter penicillo delineare licebit.

Tres mor-  
borum  
Classes.

Morbi  
Chirurgi-  
ci.

Morbi omnes ad tres classes reduci possunt, morbos nempe partium *solidarum*, morbos *fluidarum*, & morbos *utrarumque partium*. Partes solidæ, ossa nempe & carnes, quinque tantum modis lædi possunt. Vel enim tumore præter modum turgent, vel vulnere inciduntur, vel ulcere aut carie corroduntur, vel a loco removentur, uti in herniis, prolapsu uteri, ani, & ossium dislocationibus; vel à contusione aut fractura dissolvuntur. Hujusmodi partium solidarum seu organorum morbi, etiam si me-  
dicorum



dicorum digni sint consilio, Chirurgorum ut plurimum curæ mēdendi relinquuntur. *Artic. 3.*

Partium vero fluidarum morbi, qui perspicaci medicorum iudicio curari debent, alii in massa sanguinea siti sunt; alii in spiritibus animalibus hospitium tenent. Hospites sanguinis affectus ad duas species reduci possunt: *Morbi sanguinis.* vel ad eos qui cruoris massam nimis inspissant, seu quod idem est, ad eos qui motum ipsius tum fermentationis, tum circuitus retardant; & ad eos qui eandem nimis attenuant & dissolvunt, ac utrumque hunc motum nimis accelerant. Longe plures sunt morbi in quibus sanguis crassitie quadam nimis lentescit, quam in quibus ad citatiorem quam par est motum stimulatur. Ad hanc enim ultimam classem solæ Febres aut febriles affectus reduci possunt. Sub priori vero ordine reliqui



*Artic. 3.* liqui fere omnes massæ sanguineæ affectus collocari possunt. In statu sanguinis spisso principia ejusdem *salina* & *sulphurea* fixa sunt & crassa; moleculæ ipsius grandiores sunt, multo *tartaro* & *sale acido* fixo aggravatæ; unde torpido quodam & quasi testudineo gressu circulatur; Et sic in angustis partium canaliculis, & præcipue in tortuosis glandularum anfractibus, præ lentore nonnunquam retinetur & sistit. Itaq; in cursu sic impeditus sanguis, obstructions, inflammationes, scirrhus, sarcomata, verrucas, pustulas, œdemata, impetigines, variosq; alios tumores, & infarctus tum in visceribus, tum in habitu corporis juxta partium debilitatem, & peculiarem ipsius intemperiem producet; Corporis atq; animæ munia torpore quodam illaqueata retardabit, & corpus ad exercitium minus agile red-

Sanguis  
spissus.



reddet. Hinc somnolenti, he- *Artic. 3.*  
betes, melancholici, hypocon-  
driaci.

Si sanguis hicce spissus fale aci- *Sanguis*  
do luxuriante nimis sit aliunde *salus.*  
aculeatus, non tantum segniori  
circuitu agitabitur & intestino  
motu, sed etiam spiculis suis fa-  
linis hinc inde partium texturam  
dilaniabit, & in ulcus eliquabit,  
ut in *Phthisicis, Scrophulosis, Scor-*  
*buticis, Venereis affectibus, in gan-*  
*grena, carie, carbone, cancro, a-*  
*liisque tumoribus erodentibus,*  
juxta varios falsedinis & acrimo-  
niæ gradus videre est; in quibus  
sanguis salinis hujusmodi aculeis  
totus echinatus, non tantum mol-  
liorum carniū texturam strigi-  
lis instar paulatim dilacerat, sed  
etiam solidiorum ossium fibrosas  
laminas altius erodit. Salini ii- *Dolores*  
dem cuspides nunc *cephalalgiam,* *unde.*  
nunc *cardialgiam, colicum* nunc  
*dolorem, nunc nephriticum, arthri-*  
*D ticum,*



*Artic. 3. ticum, rheumaticum, nunc pleuriticum, variosque id genus atroces dolores & cruciatus acicularum instar stimulando excitant, corpusque nonnunquam, substantiam ipsius abradendo, furtim emaciant. Hujusmodi autem morbi in partibus simul fluidis & solidis hospitantur.*

Morbi  
spirituum.

Qui in spiritibus animalibus habitant morbi, alii pariter à suppresso aut retardato eorundem motu, vel à diminuta copia; alii à devio & effero eorum orgasmo proveniunt. Ad primam classem reducuntur *Catalepsis, Apoplexia, Coma somnolentum, Carus, Vternus, Paralysis, Stupor, Tremor, Lassitudo, Debilitas, Timor.* Ad ultimum vero ordinem redeunt *Mania, Phrenitis, Delirium, Fatuitas, Melancholia, Vertigo, Convulsio, Motus Convulsivi, Epilepsia, Hysterici affectus, Horror, Rigor, Ira, Dolor.* Uti omnes



nes sanguinis morbi à causis exter- Artic. 3.  
nis, nempe vel à *nimio cibo aut po-  
tu*, vel à *motu præpostero* aut *diutur-  
niori quiete*, vel à *somno* aut *vi-  
giliis immoderatis*, vel ab aere  
insalubri, vel à retentione excre-  
mentorum, aut excretionem reti-  
nendorum, vel denique ab ani-  
mi pathematis proveniunt; sic  
quoque omnes fere *spirituum*  
affectus aut defectus, præter *iram*  
& *timorem*, à sanguinis intem-  
perie, tanquam à causa conti-  
nente, ut plurimum procedunt.  
His autem diutius immorari fo-  
ret potius praxis medicæ funda-  
mentis explicandis insistere, quam  
propositi nostri scopum illu-  
strare. Quare relicta hac trita  
*sanitatis & morborum* indagine,  
per abruptam & insolitam viam  
ad statum Corporis Humani su-  
per naturam elati cursum diri-  
gamus.



## ARTIC. IV.

De statu Corporis Humani super  
naturam.

Artic. 4. **P**Ræmissis Corporis Humani sano & morbofo statu, nunc demum exploremus quot & quibus modis idem status super naturam elevatus esse supponitur. Nihil enim impedit quominus multa animo concipiamus, quæ sensibus percipi non possunt, quando ea quæ sensibus objiciuntur cum iis quæ sensuum aciem fugiunt æquo comparantur judicio. Quidni igitur perpendamus utrum *miracula* quæ circa corpus humanum nobis traduntur, cum corporis humani fabrica & cum ratione conciliari possent? Cum enim corpus humanum totum ex materie conflatum

Status supernaturalis corporis.



tum sit, & cum tota hæc materia ex innumeris particulis à se vere divisis & diversa mole, situ, & figura donatis exurgat; status ipsius mutari non potest aut conservari super naturam, quin varietur, aut conservetur moles, situs, & figura particularum ejusdem. Mihi igitur hic statui juxta *Medicinæ fundamenta* indagare, utrum omnes modi quibus corporis humani status, seu partium & particularum ejusdem moles, situs, aut figura mutata esse super naturam, aut supra naturam conservata esse creduntur, ad *rationis normam* & ad quoddam veluti *Systema* redigi possent. Quare perpenſis primum *motus* natura & legibus, nec non triplici *motus suspensione*, sequentia, & plurima alia stupenda circa corpus humanum *phænomena*, quæ *miracula* quoque esse fatebor, explicare aggrediar.

D 3.

Quo



*Artic. 4.* Quomodo nempe concipi potest quod Corpus humanum ardente igne cinctum non comburatur? Quomodo per mare aut super undas ambulare poterit, nec immergatur? Quomodo sine alimentis diutissime, imo in perpetuum vivere potest? Quomodo generari potest ex foemina sine mare? Quomodo formari potest sine mare & foemina? Quomodo recens extinctum, imo & ante plura saecula in pulverem jamdudum reductum ad vitam revocari potest? Quot modis multiplicari non potest ipsius praesentia? Ut itaque haec omnia clarius elucescant, de singulis seorsim paulo fusius agendum est.

Advertere obiter liceat quod longe alia est corporis humani cum tota sua mole spectati natura, seu status, & alia atomorum exilium ex quibus tota ipsius moles coalescit. Natura enim corporis



poris humani est ut omnes ipsius partes & particulæ in debita serie, ordine, positura, & structura simul cohæreant. Natura vero particularum exiguarum non est ut ita in organicam texturam sint dispositæ, ad omnem enim fitum & texturam perinde se habent; sed ut extensa quadam mole, & figura donentur; quibus nullatenus spoliari possunt. Nulla enim materia, nisi forte posset in nihilum redigi, potest unquam esse sine aliqua figura & magnitudine. Quare minutissimorum elementorum natura everti nunquam potest; potest tamen dirui corporis humani status. Partes enim ipsius dissolvi possunt, dissolutæ possunt ulterius dividi, & comminui; possunt citatori motu agitari, vel omni motu destitui: Particulæ ipsius proprias figuras exuere, & novas induere possunt. Brevi,

*Artic. 4.**Discrimen  
inter mix-  
tum &  
mixti par-  
ticulas.*



Artic. 4. miris & variis modis mutari potest corporis humani œconomia ; genuinus vero particularum ipsius status mutari maxime, vel everti penitus nunquam potest.

Supremus Rerum Opifex, qui solus est unica & immediata effectuum omnium causa, etiamsi juxta *motus leges*, quas ipse sancivit, omnes *naturæ* effectus hætenus utplurimum produxerit, poterit tamen pro arbitrio, vel easdem *leges* abolere penitus, vel suspendere aliquamdiu, prout ipsi libitum fuerit ; & suspensis hujusmodi *legibus*, eosdem effectus, vel novos creare poterit. Qui effectus sic creati, quoniam supra solitum *naturæ* cursum producuntur, *Miracula* rite dicuntur. Sed hæc *miracula* æque facile concipi poterunt mente, & explicari ratione, ac illi effectus qui juxta sancitas *naturæ* & *motus leges* produci passim solent ; quia  
uterque

Effectus  
naturales  
vere super  
naturales  
sunt, & vice  
versa.



uterque effectus, & ille qui legi *Artic. 4.*  
est conformis, & alter qui sus-  
pensa lege producitur, ab æqua-  
li ipsius voluntate, & æquali vo-  
luntatis efficacia unice & imme-  
diate dependet. Unde illi effe-  
ctus, qui vulgo *naturales* dicun-  
tur, æque vere *supernaturales*  
sunt, ac illi qui solent *miracula*  
vocitari; & vicissim *miracula* æ-  
que corporum, **I**n quibus produ-  
cuntur, conditioni & naturæ con-  
veniunt, ac phænomena, quæ  
juxta *sancita naturæ decreta* in ip-  
sis producuntur. Uti in decursu  
hujus operis fusius observabimus.  
Quoniam itaque omnes effectus  
vel à *vigente*, vel à *suspensa mo-*  
*tus lege* producuntur, de *motus*  
natura aliquid hic præmittere ne-  
cessum erit, ut effectuum super  
naturam modus & causa clarius  
innotescant.



## ARTIC. V.

*De vigentibus motus legibus.*

*Artic. 5.  
De Natura  
Motus.*

**O**Mnes naturæ effectus soli-  
us *motus* ministerio pera-  
guntur. *Motus* quidem *leges* no-  
vimus; quidnam vero sit mo-  
tus, aut quænam sit ipsius cau-  
sa, haud ita perspicue concipi-  
mus. Scimus quod *omnis motus*  
*est localis*, seu quod idem est, vi-  
demus quod omne corpus mo-  
tum transit ab immobili quodam  
mundi puncto, quod mente con-  
cipimus, ad aliud punctum im-  
mobile. Novimus pariter quod  
corpus motum non à seipso sed  
ab alio movetur. Observamus  
quoq; quod corpus ita motum  
juxta diversos *motus* gradus, qui-  
bus citatur, alia obvia corpora,  
si molis non sint immensisioris à  
loco



loco removet, illisque, uti pyro- *Artic. 5.*  
bolus à tormento bellico in mu-  
rum projectus, motum commu-  
nicat; & quantum de suo motu  
communicat, tantundem de ip-  
so deperdit. Quid vero commu-  
nicat, aut deperdit, non patet.  
Patet tamen quod nihil sui trans-  
mittit, aut deponit. Nihil enim  
in pyrobolo aut in alio quovis  
corpore reperitur præter mate-  
riam, aut materiæ partes. Nullam  
autem suæ materiæ partem trans-  
fert: Ejusdem namq; ponderis  
est semper & molis. Imo etiamsi  
aliquas suæ materiæ partes trans-  
ferret, inquirendum ulterius fo-  
ret, quomodo translatae partes  
motum inderent; natura enim  
sua indere non possunt: Quia in  
se nihil intus habent, aut natura  
sua transmittere nihil valent præ-  
ter suas particulas. Particulæ  
autem non sunt *motus*, neq; na-  
tura sua motu donantur, quia  
ad



*Artic. 5.* ad motum & ad quietem perinde se habent.

Præterea, si unum corpus sponte sua, aut insita quadam virtute aliud corpus movere posset, seipsum dubio procul natura sua moveret. Consentiunt tamen omnes quod nihil potest à seipso in motum cieri; sed quod primus corporum motus fuerit à solo Deo inditus; ac proinde ab eodem unice à primordiis rerum hucusq; in pari quantitate conservatus. Conservare autem motum idem est ac eundem jugiter reproducere. Quid vero reproducitur adhuc anceps est & abditum: Certum tamen quod nihil revera novum creatur, nec aliquid vere distinctum à corpore moto, & à spacio in quo movetur. Si enim observemus æreum centum librarum globum ad unius miliaris distantiam à tonante tormento bellico in murum  
pari-



pariter aheneum impetu pernici- *Artic. 5.*  
cissimo projectum; nihil clara  
mente concipiemus præter glo-  
bum, aerem in quo movetur, &  
murum in quem irruit. Verum  
quidem est quod comparamus  
feu colligimus mente punctum  
in quo corpus moveri incepit,  
punctum in quo moveri desiit,  
& omnia puncta, per quæ suc-  
cessive ad motus terminum tran-  
siit; ex qua comparatione ali-  
quem *motus* conceptum nobis for-  
mamus. Cum autem hicce de *Motus in*  
motu conceptus penes mentem *se nihil*  
duntaxat resideat, in se motus *est.*  
nihil revera erit ante intellectus  
examen existens, sed erit tantum  
mentalis de moto corpore respec-  
tus. Unde etiamsi motus dici  
quodammodo posset, *transitus*  
*corporis a puncto quodam mundi*  
*immobili*, quod mente fingimus,  
*ad aliud punctum immobile*; hic-  
ce *transitus* nihil percipitur esse  
vere



*Artic. 5.* vere distinctum ab animo concipiente, seu corpus motum cum spatio & utroq; *motus* termino comparante. Motus igitur non est qualitas ulla, aut ut loquuntur, Entitas, ab uno corpore in aliud corpus transiens: Nihil enim præter materiam sola figura & magnitudine donatam ex ullo corpore in aliud vere transmigrare potest.

Ex his igitur inferre fas est, quod cum motus alicujus corporis in se nihil revera sit, non poterit esse vera, efficiens, aut naturalis causa cur aliud corpus moveatur, in quod motum corpus irruit; sed corpus motum seu appellens est tantum *occasio*, cur quietum corpus juxta statutas motus leges à supremo motus Authore moveatur. Quare etiam si vulgo existimemus quod corpora omnia à se invicem moventur, à Deo tamen solo vere, immediate & unice



unice moventur. Moventur tamen juxta leges ab ipso stabilitas. Nempe quod unum corpus non tantum ex occasione motus alterius corporis appellentis & irruentis moveatur, sed etiam juxta diversas utriusq; corporis conditiones, diversis motus speciebus, nempe vel *fermentationis*, vel *fluidi*, vel *translationis*, vel *circulationis*, vel aliis id gentis motibus citetur. Medicorum igitur est *Chymie* & *Anatomie* ope diversas corporum conditiones, partium nempe figuram, molem, situm, & texturam investigare, ut diversas motuum occasiones & species, nec non effectuum differentias explicent; etiamsi motus ipsius naturam, divinam nempe voluntatem, explicare non valeant. Innumeris enim jam compertum est experimentis, quod unum corpus, etiamsi eodem mo-

tus

Artic. 5.  
Motus diversi à diversis corporum motorum conditionibus.



*Artic. 5.* tus gradu raptetur ac aliud, juxta diversam tamen molem & texturam, longe diversum ab alio corpore effectum producet. Imo etiamsi similis foret textura, par motus gradus, & æqualis utriusq; corporis magnitudo, si tamen figura discrepent, diversos quoq; effectus elicient & operabuntur. Uti in mixtorum corporum Elementis, *Terra, Aqua, Sale, & Sulphure*, videre est. Particula enim *Aquæ*, quæ ovalis supponi potest, longe aliam sensationem in nerveis linguæ papillis excitat, ac particula salis, quæ spiculis, & quasi prominentibus acutis monticulis hispida est. Obtusa quippe *Aquæ* corpuscula nullam vim exerunt, nullo sapore sunt sensilia. Asperæ autem salis particule quodam acrimoniæ sensu nerveas linguæ lanugines non tanum leniter titillant, sed etiam acriter vi nonnunquam



nunquam caustica mordent. Pli-  
catiles pariter & teretes sulphu-  
ris villi longe aliam à scabris,  
porosis & insulsis terræ particu-  
lis saporem inducunt. Facilius  
longe est corpus nostrum acuto  
gladii mucrone quam obtuso fer-  
ri extremo perfodere. Non satis  
itaq; est dixisse, quod omnes cor-  
porum effectus à motu eorundem  
peraguntur, sed sagaciori ulte-  
rius indagine corporum figuram  
& molem perspicaces debent me-  
dici investigare, ut *modus*, quo  
effectus eorundem producuntur,  
altius pelluceat.

Cum igitur *motus* sit effectuum  
omnium causa unica, & mo-  
tus unice & immediate à solo  
Deo procedat, *Deus* erit unica  
& immediata effectuum omnium  
causa. Ac proinde materia, ma-  
teriæ figura, & moles, quæ vul-  
go *naturales*, seu *secundæ causæ*  
vocantur, veræ causæ non sunt;

Nullæ sunt  
veræ cau-  
sæ natura-  
les.

E

sed



Artic. 5. sed tantum *passiva quædam*, apta tamen *instrumenta & occasiones*, quæ summum Opificem ad producendos, quibus destinata sunt, effectus determinant. Uti lutum, cæcis oculis applicatum, non est causa, sed tantum occasio, cur *cæcitat*is causa à supremo luminis Authore tollatur.

Hactenus itaq; observavimus, quod etiamsi Deus, non tantum primus sit, sed & unicus corporum *motor*, & quamvis naturales omnes corporum effectus solus operetur, mutuo tamen corporum concursu & conflictu utitur, ut hosce effectus juxta *motus leges* æterno liberæ voluntatis decreto sancitas producat. Nunc autem solerti disquiramus scrutinio, utrum eadem *immensa Potestas* varios in corporibus effectus sine ullo corporum ipsorum concursu, sine ulla



ulla motus lege, & fine ullo *Artic. 5.*  
prorsus naturæ auxilio, miro  
quodam & stupendo modo pro-  
ducere valeat.

---

**E 2    A R T I C.**

---



## A R T I C. VI.

*De suspensis motus Legibus.*

Artic. 6. **E**Tiam si ostenderim quod, juxta stabilitas jam *motus leges*, Deus ex occasione motus unius corporis, aliud corpus constanter ipse moveat; videamus tamen, utrum semper unum corpus ex occasione motus alterius corporis irruentis movere teneatur; vel, utrum unum corpus sine occasione motus alterius in motum ciere valeat. Durum fore videtur, quod supremus Legislator suis legibus quas ex immenso liberæ voluntatis arbitrio ante primordia rerum condidit, ita obstringatur, ut nihil præstare posset, nisi juxta regulas quas ipse rebus præscripsit; cum penes omnes hominum, nullius imperio

Leges natura suspendi possunt.



perio subditorum, societates, li- *Artic. 6.*  
bera relictæ sit potestas, ut, pro  
securâ personarum & rerum tu-  
tela, leges solemni decreto non  
tantum sanciant, sed etiam, ut  
sancitas, prout necessitas postu-  
laret, pleno senatu abolere vale-  
ant penitus, vel suspendere ali-  
quandiu. Nemo itaque aude-  
bit asserere, quod minor erit  
summi Numinis quam hominum  
tum in condendis tum in suspen-  
dendis legibus potestas & præro-  
gativa. Quare dubitare nulla-  
tenus licet, quin leges *motus*,  
quas libere sancivit, pro arbitrio  
suspendere poterit. Statuta au-  
tem semel legum *motus* suppres-  
sione, æque clare concipi pote-  
runt, & explicari *miracula*, ac  
communes naturæ effectus, &  
*apparentiæ*, quæ vigentibus *mo-*  
*tus* legibus per totam nunc mun-  
di machinam passim producun-  
tur.



Artic. 6.

Duo motus.

Motus solidi.

Motus fluidi.

Observare itaque prius opus est, quod, uti duæ sunt corporum species, solida nempe & fluida; sic duplex erit eorundem motus; motus nempe totius corporis, & motus insensibilium particularum ipsius. Corpora solida partes habent arcto sibi vinculo ita cohærentes, ut moveri non possint nisi motu totius, uti lapis vel lignum. Fluidi vero corporis partes ita disjunctæ sunt, ut non tantum communi totius mixti motu moveantur, sed etiam singulæ minutissimæ particulæ motu proprio & intestino circa axem à permeante rapidissimo *æthere* turbinatim rotentur: quæ rotatio fluiditatem conservat, uti in aere, fluminibus, mari, & in omnibus liquoribus videre est. Si autem hæc rotatio sensibus non percipiatur, uti in aqua in quiescente cyatho contenta, *fluidi motus* proprie vocatur; si ve-



ro sensilis sit, & cum spumoso quodam æstu, aut effervescencia sine igne aut aliqua alia causa manifesta turgescat, fermentatio rite nuncupatur. Uti in *aqua forti* cum argento, aut cum oleo seu sale *tartari* eliquato, rarefcente & fermentefcente cernimus.

Artic. 6.

Quid fermentatio.

His ita præmissis, nunc de-  
 mum sedulo exploremus, utrum  
 humana mente concipi potest  
*modus* quo *miracula* produci pos-  
 sunt. Creditur vulgo, quod quo-  
 niam *miracula* sunt effectus qui  
*naturæ leges* excedunt, ingenii  
 quoque captum superant: unde  
 miraculorum interpretes ad su-  
 premam numinis potestatem cœ-  
 ca mente recurrere solent. Di-  
 cunt enim, & merito quidem,  
 quod Deus omnia præstare po-  
 test, quæ sibi aut rationi repug-  
 nare non videntur: Miracula i-  
 gitur, inquiunt, etiamsi ratio-

Modus  
miraculo-  
rum in-  
quiren-  
dus.



*Artic. 6.* nis indaginem fugiant, rationi tamen non contradicunt, ac proinde Deus eadem, quoties ipsi lubebit, operari poterit. Verum hoc animum veritatis avidum non satiabit. Nemo enim non videt, quod supremum & absolutum est summi numinis imperium in omnia corpora, & in reliquas, quas ipse creavit, substantias; ipsius nutui subjiciuntur; à sola ipsius voluntate dependent, & conservantur; & in omnem statum elevari, aut mutari possunt, qui ipsorum naturæ non refragatur. Scimus quoque, & probavimus supra, quod non tantum *miracula* omnia, sed etiam solita, & communia naturæ phænomena, à Deo unice & immediate producantur. Non satis igitur est dixisse, Deum esse unicum rerum omnium, & effectuum, tum naturalium, tum supernaturalium, autho-



authorem & causam, sed ulterius *Artic. 6.*  
inquirendum, *quomodo* immensa  
ipsius potentia corporibus aut re-  
bus in quibus hujusmodi effectus  
producit, vere applicatur. Jam  
posuimus quod omnes naturæ ef-  
fectus juxta statutas *motus* leges  
peraguntur ; & Philosophi hu-  
jusmodi *motus* leges ad certas clas-  
ses, & ad quoddam veluti Syste-  
ma reduxerunt, ut naturæ phæ-  
nomena clare & perspicue expli-  
cent. Præcipuæ autem *motus* le-  
ges hæ vulgo recensentur.

1. Corpus quod movetur ab alio *Tres mo-*  
corpore movetur. *tus leges.*

2. Corpus in motu positum mo-  
tum obviis corporibus, si molis non  
sint ingentis, communicat.

3. Corpus in motu positum, in  
motu semper persistit, donec motum  
alteri corpori communicat.

Ex



## Artic. 6.

Ex tribus hisce *motus legibus*,  
 variæ aliæ *leges* deduci solent, ut  
 naturales Corporum effectus cla-  
 rius illustrentur. *Communia* igitur  
*naturæ phænomena sunt effectus*  
*vigente motus lege producti.* Ego  
 autem Corporis Humani *Status*  
*super naturam* hic explicaturus,  
 ad aliam longe causam recurram,  
 quam ad sancitas naturæ leges,  
 necesse est. Miracula enim nul-  
 lo naturæ ministerio, nulla mo-  
 tus lege producuntur. Ut autem  
 miraculosi effectus clarius eluce-  
 scant, sagaciori trutina perpen-  
 dendum est, quænam vere sit  
*miraculi natura.*

Quid mi-  
 raculum.

Quidam dicunt quod *miraculum*  
*est stupendus effectus qui sensus per-*  
*cellit & ingenii captum excedit.* Ve-  
 rum quam multi sunt naturæ effe-  
 ctus qui sensuum aciem & ratio-  
 nis indaginem superant? Quid  
 stupendius ortu & occasu astro-  
 ut



rum, vel, ut malunt, Telluris? Quid *Artic. 6.*  
æstu maris? Quid vegetantium  
germine? Animantium genesi?  
Motu muscolari? Aquarum stygi-  
arum effervescentia? Quid mira  
& constanti temporum vicissitu-  
dine? Quid materno Brutorum  
in pascenda prole amore & indu-  
stria? Quid sæviente morborum  
cohorte? Quid innumeris aliis  
abditis naturæ arcanis admiratio-  
ne dignius? Nihil enim verius  
unquam dici potuerit, quam quod  
*Ἐν τῶν τοῖς οὐκ οὐκ ἐστὶ τὴν φύσιν.*  
Si itaque allata hæc *miraculi* de-  
scriptio vera esset, omnes natu-  
ræ effectus continua forent mira-  
culorum series & catena. Quare  
non sat est dixisse miraculum es-  
se stupendum effectum, sed ulte-  
rius natura ipsius indaganda est,  
& ratio, cur tanto stupore homi-  
num census percellat, plurimi e-  
nim sunt *stupendi effectus* qui sacro  
*miraculi* nomine insigniri non me-  
rentur. Affir-



Artic. 6.

Vulgaris  
miraculi  
definitio.

Affirmant alii quod *miraculum* est *supernaturalis effectus ex peculiari Dei mandato productus*. Verum hæc quoq; definitio omnibus naturæ effectibus competit. Adverti enim hic superius quod omnia phænomena seu communes corporum effectus supernaturales vere sunt, seu à Dei influxu unice & immediate dependentes. Omnes enim naturæ effectus solo motus ministerio perficiuntur: Motus autem non à rebus ipsis motis, sed à suprema numinis voluntate vere & unice procedit; ac proinde motus huiusce effectus cum non à corporum motorum natura, sed à suprema potestate producuntur, *supernaturales* dici rite merentur; quoniam naturæ vires æque vere excedunt, ac illi effectus qui vera miracula vulgo vocitari solent. Unde hæc pariter *miraculi* notitia naturam illius nondum clare demonstrat.

Ut



Ut igitur genuinam *Miraculi* Artic. 6.  
indolem quanta possum perspi-  
cuitate detegam, observare opus  
est, quod etiamsi vera *Miracula*  
& communia naturæ *phænomena*  
in hoc conveniant, quod utraq;  
supernaturalia dici quodammo-  
do possent, seu à supremi Nu-  
minis nutu & imperio unice & æ-  
quali modo dependentia; illud  
tamen interest discrimen, quod  
solita naturæ *phænomena* juxta  
corporum conditiones & statutas  
*Motus leges* producantur; *Mi-  
racula* vero à nulla corporum  
conditione, naturæ auxilio, aut  
*Motus lege* dependent; sed per  
diversas longe, imo plane oppo-  
sitas *Naturæ legibus* vias pera-  
guntur. Unde quicquid de *Na-  
turæ Effectibus* dici solet, contra-  
rium de *Miraculis* dicendum est;  
ac proinde quoniam diximus  
quod *phænomenon* naturale *vigen-  
te Motus lege* producitur; sic *Mi-  
raculum*



Artic. 6.  
Vera mi-  
raculi na-  
tura.

*raculum* feriente eadem lege produ-  
cendum est. Miraculum igitur recte definiri potest *effectus*  
*suspensa Natura*, seu motus *lege*  
*productus*. Suspendi autem non  
possunt leges nisi ab eodem qui  
*Leges* condidit. Cum igitur *Mo-*  
*tus Leges* à solo Deo sancitæ sint,  
non nisi à solo Deo suspendi aut  
aboleri possunt; ac proinde <sup>a</sup> De-  
us solus poterit Miracula opera-  
ri, aut saltem <sup>b</sup> aliis operandi  
potestatem solus concedere potis  
erit. Concedere autem potesta-  
tem aliis, est iisdem suæ volun-  
tatis ministris vim infundere,  
cujus solius ope destinatos hu-  
jusmodi effectus in peculiarem  
quendam finem producant. Hæc-  
ce autem *virtus infusa* nihil vere  
concepitur esse, nisi *divina volun-*  
*tas* personis, quæ *Miracula* ope-  
rari creduntur, & corporibus, in  
quibus *Miracula* producantur,  
efficacius applicata; quæ hujus-  
modi



modi personis utitur tanquam *Artic. 6.*  
totidem instrumentis, ut de  
creta sua patefaciat. Unde quo-  
niam hæc <sup>c</sup> instrumenta, uti ma-  
nus calamus movet, vel pes li-  
gonem adigit, Deus applicat, ip-  
se solus vere *Miracula* operatur;  
quia sola ipsius potentia per ap-  
plicata hujusmodi instrumenta in  
corpora, in quibus miracula pro-  
ducuntur, transmittitur.

Non satis autem est asseruisse  
quod miracula omnia post su-  
spensas *Motus Leges* producun-  
tur, sed inquirendum ulterius  
quot modis eadem leges suspen-  
di possunt; & quomodo iisdem  
suspensis stupendi hujusmodi &  
miri effectus sequuntur. Uti e-  
nim ad varias *legum Motus* clas-  
ses omnia naturæ phænomena  
reducuntur, ita sub certis su-  
spensarum *Motus legum* capiti-  
bus miracula omnia non tantum  
locari, sed etiam clara mente  
con-



*Artic. 6.* concipi, & explicari possunt.  
Atq; ita, uti tres jam statuimus  
præcipuas motus leges, sic tribus  
modis eadem leges suspendi pos-  
sunt.

Vel enim,

Tres mo-  
tus legum  
suspensio-  
nes.

1. *Corpus moveri poterit sine  
occasione motus alterius corporis ir-  
ruentis.*

Vel,

2. *Data Corporis irruentis oc-  
casione Corpus poterit non moveri.*

Vel,

3. *Corpus in motu positum, mo-  
tum subito deperdere poterit, non  
communicato eodem alteri corpori  
ambienti.*

Hiscæ tribus legum motus  
suspensionibus omnes corporum  
status



*Status super naturam* explicari facile possunt. Non dico tamen quod hac legum æternarum dispensatione ita clare & perspicue *miraculorum* natura innotescat, & stabiliatur, ut alius forsan ab acutioris ingenii viris excogitari non possit eorundem producendorum *modus*. Sed affirmo tantum, quod *miracula* per *suspensas* has *Motus leges* æque perspicue solvi possunt, ac communia naturæ phænomena per sancitas *Motus leges*, in vigore persistentes, vulgo explicari solent. Uti enim unum naturæ *phenomenon* in se magis difficile non est quam aliud, ita unum quoq; *Miraculum* non est magis stupendum, nec in se vere magis difficile, quam aliud; quia æque facile potest suspendi una lex motus ac alia; & *Miraculum* non nisi suppressa una vel altera motus lege unquam produci potest.

F. Meum



Artic. 6.  
Animad-  
versio.

Meum autem non est hic probare, quod unquam fuerint *Miracula* à Deo producta. Sed ego tantum *Miracula* quæ ex longa argumentorum serie, & fido Scriptorum testimonio à mysticarum rerum interpretibus vera esse supponuntur, juxta suspensas *Motus* *leges* illustrare conabor. Non dico tamen quod *legis* *Motus* suspensio natura sua *miraculum* operetur, sed dico tantum quod posita semel *legis* *Motus* *suppressione* *miraculum* sponte sua sequitur. Advertendum autem quod aliud longe est *Motum* ipsum, & aliud *Motus* *Legem* suspendere. Lex enim *Motus* suspendi potest, etiam si *Motus* ipse in vigore persistat, uti contingeret, si forte corpus humanum in ardente igne positum non comburatur: & vicissim *Lex* *Motus* suspendi potest in corporibus, in quibus nul-

lusa



lus adhuc productus est Motus, *Artic. 6.*  
uti<sup>e</sup> in primo corporum Motu à  
*supremo Motore* sine occasione  
Motus aliorum corporum pro-  
ducto videre est. Ut autem hæc  
omnia clarius elucescant de *tri-*  
*plici Motus legum suspensione* si-  
gillatim & paulo altius agendum  
est.

---

F. 2 ARTIC.

---



## ARTIC. VI.

*De Prima Motus lege suspensa.*  
*Ubi ostenditur quod Corpus*  
*moveri poterit sine occasione*  
*motus alterius corporis irru-*  
*entis.*

*Artic. 7.* **T**otus hujus operis cardo  
 circa hanc unam volvitur  
 hypothesim, nempe quod *Leges*  
*motus a summo Legislatore conditæ*  
*ab eodem suspendi possunt.* Quare  
 plane sequitur quod etiamsi cor-  
 pora ex occasione motus aliorum  
 corporum impellentium moveri  
 soleant, sine ullo tamen hujus-  
 modi impulsu aut conflictu mo-  
 veri poterunt. Tribus autem  
 modis corpus hoc modo in mo-  
 tum cieri poterit: Vel enim cor-  
 pus motu sui totius uniformi &  
 cum tota sua mole movetur;  
 vel

Tres mo-  
 di primæ  
 suspensio-  
 nis.



vel singulæ minutissimæ ejusdem *Artic. 7.*  
particulæ non tantum communi  
totius, sed etiam proprio motu a-  
gitantur; vel singulæ exilissimæ  
particulæ non tantum moventur,  
sed etiam figuras deponunt, &  
novæ figuræ illis insculpuntur.

Juxta primum movendi mo-  
dum plane concipi potest quo-  
modo aspectabilis hæce mun-  
di *Materia* in tam diversas par-  
tes, in tam miras formas, in tam  
diffitos<sup>a</sup> orbes, & <sup>b</sup> vortices pri-  
mitus disposita est & coagmen-  
tata. Hoc pariter modo omnes  
mundi partes denuo dissolvi, si-  
tum mutare, invicem confundi,  
& in pristinum *Chaos* reduci,  
urbes condi, conditæ everti,  
montes transferri, poterunt. Cor-  
pus quodvis per aerem ad Ame-  
ricam ferri, ad <sup>c</sup> cœlum elevari,  
aut ad alia quævis remotissima  
loca sine ullo alio impellente cor-  
pore transportari poterit. Tota

Primus  
movendi  
modus.



*Artic. 7.* terrei vorticis <sup>d</sup> compages inter-  
stinis motibus convelli & succuti  
poterit. Possunt <sup>e</sup> maria remo-  
veri, ita ut pedestri exercitui ab  
Anglia in Galliam per medium  
Oceanum pateat semita. Aqua  
<sup>f</sup> *abyssi* intra nuclei terrei repagu-  
la inclusæ laxatis hinc inde clau-  
stris in altum ad Terræ margi-  
nem evehi, & Terræ superficiem  
si non fortasse totam simul, sal-  
tem successive, *diluvio* quodam  
inundare potest. Eadem <sup>g</sup> a-  
qua sub vaporum forma expan-  
sa, in tanta copia incumbenti æ-  
ri immisceri potest, ut densa ca-  
ligine noctis tenebras imitante  
solis radios transmittere non va-  
leat.

Secundus  
movendi  
modus.

Juxta *secundum movendi mo-  
dum* exigua omnium corporum  
elementa dissolvi possunt, disso-  
luta dividi ulterius, divisa per to-  
tum mundum dissipari, & diffi-  
pata demum in unum <sup>h</sup> cumu-  
lum



lum iterum coacervari, per ex- *Artic. 7.*  
lissimos omnium corporum po-  
ros<sup>i</sup> transmitti; brevi, omnium  
corporum partes, & particulæ,  
situm & texturam mutare pos-  
sunt. Hinc patet quod homo  
quivis, qui<sup>k</sup> ante biduum vel  
triduum ex motus intestini in flu-  
idis corporis defectu mortuus est,  
restaurato principiorum sangui-  
nis motu ad vitam revocari po-  
terit. Hoc etiam modo<sup>l</sup> morbi  
subito curari, vel subito infesta-  
re poterunt. Materia enim mor-  
bida in toto sanguine vel in ali-  
qua corporis parte latitans subito  
auferri potest, vel intus corrigi.  
Atque ita materia quævis, cor-  
neam, nervos opticos, auditori-  
os, linguales, cutaneos, vel ali-  
os corporis nervos infarciens, &  
paralysim producens subito ab-  
ripi potest. Sicque<sup>m</sup> cæci vi-  
dere, <sup>n</sup> surdi audire, <sup>o</sup> muti lo-  
qui, <sup>p</sup> paralytici sentire, & <sup>q</sup> clau-



*Artic. 7.* di ambulare poterunt. Vel huiusmodi nervorum canaliculi aliena materia infarciri & obturari possunt, unde <sup>r</sup> homines surdi, muti, cœci, paralytici evadere, & usu membrorum privari possunt.

Nec tantum peculiares corporis partes morbis curari & iisdem subito affici & cruciari poterunt, sed etiam totum corpus, & tota sanguinis massa subito corrumpi, & inquinari poterit. Non opus autem est novam ullam aut heterogeneam materiam sanguini addere, ut morbi in eodem producantur; sed sufficit latentes morborum fomites, salina nempe ipsius principia suscitare, & in novas figuras eadem formare, ut <sup>r</sup> *pestes*, febres, <sup>r</sup> *lepra*, scabies, & varii istiusmodi affectus sequantur. Possunt enim salia acris intra purpurei laticis compagem, & intra sulphurea ejusdem involucra



lucra irretita exaltari & iisdem totus sanguis aculeari: unde sanguis austerus vel acris evadet. Eadem pariter salina principia acuta spicula possunt & acrimoniam deponere, vel intra texturam sanguinis abscondi & involvi, ut sanguinem salso suo acore non inficiant. Unde memoratis jam morbis & symptomatis homo potest *ex eadem lege* curari. Potest quoque sanguis ab atroci dolore agitari maxime, atque rarefieri, & ita demum attenuari, ut per totum corporis habitum, & per hiantes cutis porulos sub *cruenti*<sup>u</sup> *sudoris* forma Sudor sanguineus. transudare valeat. Nec hoc ita mirum videbitur, cum in *Praxi medica* frequenter observemus, quod urina per stomachum in *obstructionibus renum* viam sibi pandat, quod sanguis per glandulas intestinales in *fluxu hepatico* & in *dysenteria*, per glandulas renum in



*Artic. 7.* in *mictu sanguineo*, per membranam pituitariam in *hemorrhagia naris*, per podicem in *hemorrhoidibus*, per pulmones in *sputo & tussi cruentis*, per uteri tunicas in *fluxu menstruorum*, per veretrum in *æstuosa & præfervida ténigine*, per ventriculi membranas in *vomitu sanguinis*, ab apertis vasculorum sanguiferorum ostulis eructetur. Quidni igitur sanguis rarefactus maxime per miliares cutis glandulas, & bibulos ejusdem porulos, sine ullo profus *miraculo* transire valeat. Innumeri enim pilosarum arteriolarum furculi ad summam cutem propagati sunt; unde sanguis ab extremis horum vasculorum ostiolis ibidem exputus, si aliunde subtilior factus maxime sit, per apertos *epidermatis* porulos foras fluitabit.

Tertius  
movendi  
modus.

Juxta *tertium* denique *movendi modum*, omnia cujusunque naturæ



turæ corpora in alia quævis corpora transformari possunt. Quod ut rite percipiamus, observare opus est, quod *particulæ unius corporis non discrepant ullatenus a particulis alterius cujuscvis, nisi quoad molem, texturam, figuram & proportionem*; ita ut si elementares partes ex quibus lignum constat induerent figuras particularum aquæ figuris similes, servata pari proportionem, lignum statim in aquam converteretur. Dubitandum autem non est quin tanta sit supremi Numinis potestas ut cuilibet vel minimæ materiæ particulæ omnes figurarum species vel excavando insculperet, vel incu-

Qualibet materiæ figura in omnes alias figuras mutari potest.

dendo imprimeret. Unde triangulus in cubum, cubus in conum formari, conus in rhomboeidem figuram, Rhomboeides in trapeziam, sphaericam, cylindricam, pyramidalem, stelliformem, fusiformem, ovalem, anguillarem,

&



*Artic. 7.* & reliquas id genus figuras transmutari possunt. Nec tantum innumeras figuras assumere possunt corporis alicujus particulæ, sed etiam innumeris modis sibi apponi & applicari possunt; quæ diversa particularum applicatio diversas texturas efformare apta est, & corpora diversæ naturæ & effectus constituere. Uti videmus quod aqua ex eodem fonte exhausta, & per hortum pro irrigandis plantarum radicibus aspersa, in mille diversæ indolis fructus abit. Quidam enim fructus sapore acerbo, quidam dulci, alii austero, amaro alii, hi acido, illi mordaci, juxta diversam pororum fruticis texturam, linguæ papillas titillant, vel pungunt; etiamsi omnes ex uno eodemque latice fuerint saturati. Cum igitur juxta *statutas motus leges*, aqua sponte sua in varias formas convertatur, haud erit con-



conceptu difficile, quomodo su- *Artic. 7.*  
premus motor, sine ulla motus  
lege, aut corporum ipsorum au-  
xilio, corpora omnia in omnes,  
in quas ipsi lubet figuras & tex-  
turas transmutare valeat.

Ex his igitur inferre datur  
quod quævis portio, imo parti-  
cula Aeris, Aquæ, Terræ, vel al-  
terius *simplicis*, aut *mixti corpo-  
ris*, multas & dissimiles figuras  
assumere potest; aliæ enim par-  
ticulæ salinis cuspidibus acumi-  
nari, aliæ in sulphureos & lubri-  
cos villos excudi, aliæ in scabras  
& porosas terræ figuras exca-  
vari, aliæ in læves & ovales a-  
quæ formas tornari possunt, &  
juxta diversam eorundem pro-  
portionem & contextum in *x* vi-  
num, in *y* sanguinem, in *z* panem,  
in *1* oleum, in *2* serpentem, in *3* pe-  
diculos, in *4* humanum corpus, cor-  
pus humanum in *5* salem, & in in-  
numeras alias formas, eversa fi-  
gura,



*Artic. 7.* gura, & mole, sine fine transmutari poterunt. Nec hoc ita stupendum cuiquam videbitur, qui advertet quod caro, panis, fructus, radices, & alia edulia solidiora in ventriculum ingesta, trium horarum spacio in fluxile quoddam, & albicans liquamen, quod *chylus* nuncupatur, resolvuntur; chylus in sanguinem, sanguis in carnem, ossa, reliquamq; corporis nostri substantiam quotidie convertuntur. Nec tantum tota alimentorum massa, sed etiam minutissima eorundem elementa figuras deponunt. Vinum enim, cerevisia, hydro-mel, & reliqua potulenta, panis, herbæ, fructus omnes, saccharum, sal, acetum, aromata, & reliqua fere quæ deglutimus pabula, præter animalium carnes, copioso sale acido luxuriant. Hic autem sal *Acidus* ita dstringitur, & ita mutatur ipsius figura,

Conversio  
unius sub-  
stantiæ in  
aliam se-  
cundum  
naturam.

Alimenta  
acido re-  
dundant.



ra, ut totus fere in sal *Alkali* Artic. 7.  
convertatur in stomacho & in  
sanguine; ita ut si centies lau-  
dabilis sani hominis sanguis de-  
stilletur, ne guttulam quidem  
salis *acidi*, copiosum tamen sa-  
lem *alkalinum* largietur; etiamsi  
ex omnibus alimentis solæ fere  
carnes, sale *alkalino* fuerint im-  
pregnatæ, & in reliquis cibis sal  
*acidus* prædominium exerceat.  
Præterea *Spiritus Vini*, *Cornu*  
*Cervi*, *Salis Armoniaci*, *Aqua*  
*Fortis*, *Spiritus Vitrioli*, *Sulpha-*  
*ris*, *Salis*, *Aluminis*, & reliqui  
*omnes Liquores Salini*, & *Sul-*  
*phurei*, repetitis sæpius destilla-  
tionibus acrimoniam exuunt, &  
in aquam insulsam convertun-  
tur. Aqua ipsa, uti mihi hic Aqua in  
terram  
conversa.  
*Londini* bona fide asseruit, & ip-  
se primus expertus est, vir egre-  
gius amicus meus *Edmundus*  
*Dickenson*, M. D. (& uti post il-  
lum denotat *Cl. Robertus Boyle*,)  
lenis-



*Artic. 7.* lenissima per triennium super ignem in vasis vitreis strictissime occlusis destillatione, in *Terram elementarem* servato fere eodem pondere transmutatur. Cum itaq; tot tantæq; corporum, & particularum mutationes juxta statutam motus legem præ oculis quotidie peragantur, non mirum erit quod suspensa hac lege, & agente suprema *Namini* potestate, nativus corporum status mille modis variari potest.

---

ARTIC.



ARTIC. VIII.

*De secunda Motûs Lege suspensa,  
ubi probatur quòd data Corpo-  
ris irruentis Occasione Corpus  
poterit non moveri.*

**U**Ti jam supposuimus, quòd *Artic. 8.*  
Corpus poterit moveri si-  
ne occasione motûs alterius Cor-  
poris impellentis, sic quoque pari  
ratione supponere licet, Quòd  
Corpus poterit non moveri etiamsi  
perniciissimo Corporis irruentis im-  
petu impellatur; unde planè se-  
quitur, quod etiamsi centum li-  
brarum pyrobolus ex tormento  
bellico impetu rapidissimo explo-  
sus projiciatur in meum vel aliud  
quodvis Corpus, ipsum nullate-  
nus movebit, sed ab ipso tanquam  
ab immoto muro resiliet. Eti-  
amsi ferocientes mille armati in  
ipsum sclopetis vel sagittis colli-

Quomodo  
homo po-  
telt fieri  
invulnera-  
bilis.

G

ment,



Artic. 8. ment, etiamsi gladiis, securibus, fustibus ipsum impetant, & mille modis cruciare conentur, nullo tamen contundetur, aut perfor- dietur vulnere. Etiamsi mille equis omnes ipsius artus in di- versas partes simul divellantur, non dilacerabitur. Etiamsi *Har- pyarum*, vulturum, aut rapacium id genus volucrum unguibus & rostris dilaniandum relinquatur, integrum permanebit. Etiamsi famelicis sævientium<sup>a</sup> belluarum rictibus, & balænarum faucibus devorandum exponatur, illæsum persistet. Etiamsi totum simul deglutiatur, & in<sup>b</sup> Cætorum ven- triculo sine ullo externi Aëris commercio contineatur, vita ta- men fruetur. Vel enim contento in capaci balenæ stomacho aëre, etsi exiguo, cum mediocri & in- sensili respiratione pascetur, uti foeminæ in *hystericis affectibus* si- ne ulla prorsus sensili respiratione vivunt, & pro mortuis non-

nun-

Feritas Bel-  
luarum re-  
frænata.



nunquam sepeliuntur ; vel sine *Artic. 8.*  
ullo prorsus aëre ambiente, sed  
ex retento inspirato prius aëre  
juxta *secundam legis motus suspen-*  
*sionem*, vivit ; evolaturus enim  
per habitum devorati Corporis  
aer in cursu impediri, ab ambitu  
Corporis ad internos ejusdem re-  
cessus repelli, & sanguinem de-  
bita sui quantitate intus fovere  
potest.

Ex hujus quoque Legis suspen-  
sione<sup>c</sup> *Corpus humanum*, <sup>d</sup> *Rubus*,  
vel aliud quodvis inflammabile  
Corpus, etiamsi ardentissimo ig-  
ne undique cingatur, poterunt  
tamen non comburi, aut in ci-  
neres reduci. Aut si forte flam-  
mas, uti *Rubus*, capiant ; coacer-  
vatis in vorticem flammis pote-  
runt non consumi. Igneæ enim  
particulæ, non comburunt ex  
innata ulla virtute, aut insito im-  
petu ut supra vidimus, sed quia  
supremus motûs Author voluit,  
ut, *ex occasione hujus impetû*,  
G 2 ipse

Potest  
flamma  
non com-  
bure.



*Artic. 8.* ipse dissolvat seu comburat projecta in ignem Corpora; velle quoque poterit ut eadem non dissolvantur, etiamsi rapidissimis ignearum scintillarum cohortibus vorticoso impetu irruentibus impetantur. Velle pariter poterit: ut à nullo alio Corpore impellente meum vel aliud quodvis Corpus diruatur, imo ne quidem à loco dimoveatur. In hoc autem casu motus ipse non supprimitur etsi motûs *Lex* suspendatur. *Lex* enim motûs in flagrante igne est, ut quodvis projectum Corpus accendat, aut dissolvat, seu partibus illius dissociatis motum communicet, poterit tamen flamma motum non communicare projecto Corpori, etiamsi motus ipsius proprius semper in vigore persistat.

Quomodo  
quis potest  
vivere in  
æternum. Cæterum, ex hac pariter suspensâ motûs lege clarè inferre possumus quòd homo potest fieri immortalis, & potest in æternum



num vivere sine alimentis. Pos- Artic. 8.  
sunt enim omnes Corporis par-  
tes in eodem situ semper retineri,  
possunt quoque omnes Corporis  
elementares particulæ à dissoluti-  
one cohiberi. Sanguis & alii  
humores, etiamsi perenni inte-  
stino motu intra se agitentur,  
impediri possunt quominus vap-  
pescant, seu quominus principia  
ipsorum diffringantur, aut eo-  
rundem abradantur anguli; quo-  
minus eædam particulæ per ha-  
bitum Corporis non exhalent, &  
reparatione non egeant. Brevi,  
tota quanta nunc est Corporis  
mei materia, cum eadem figura,  
situ, numero, fabrica, & usu  
partium, in statu in quo nunc  
est, in perpetuum conservari po-  
test; ac proinde Corporis mei  
Vita non solum per<sup>t</sup> quadraginta  
dierum spacium, sed etiam in  
<sup>e</sup> æternum sine alimentis perdu-  
rare poterit. Ideo enim nos da-  
pes ingerimus, ut sanguinis prin-  
cipia,



Artic. 8. cipia salina & sulphurea intesti-  
no conflictu nimis attrita, & dis-  
soluta, nec non per τὴν πηρε-  
σίαν Corporis jugiter volantia ju-  
gi alimentorum accessu refarcia-  
mus. Si igitur principiorum at-  
tritio & transpiratio juxta *suspen-  
sam hanc motus legem* præpedia-  
tur, nullum fiet eorundem di-  
spendium, ac proinde nulla opus  
erit reparatione.

Sanguinis ipsius principia ita  
aliquando spissa sunt, & tam vi-  
scido cæmento sunt alligata, ut  
sine ulla motus legis suspensione  
per quindecim, imo octodecim  
dies, uti in canibus ipse vidi, sine  
alimentis à dissolutione cohiberi  
valeant. Unde *pro miraculo*  
semper haberi non deberet si for-  
san aliquando quidam sine cibis  
per plurimos dies vitam protra-  
hant. Uti in Maniacis quibus-  
dam, aliisque nonnunquam æ-  
grotantibus videre est.



ARTIC. IX.

*De Tertia motus Lege suspensa.*

*Ubi cernitur quòd Corpus in motu positum, motum suum subito deperdere poterit, non communicato eodem alteri Corpori ambienti.*

**N**ON tantum Corpus quod-  
vis sine impulsu alterius  
Corporis moveri, & impulsui  
ejusdem resistere, sed etiam mo-  
tum suum subito deperdere po-  
terit, nec illud in aliud Corpus  
transmittat. Unde manifestum  
est quòd *globus tormentarius*, in  
murum projectus, in medio iti-  
nere fisti subito potest. Quod  
immanis rupis ab alto vi adacta,  
vel proprio ponderé decidens, po-  
terit suppresso motu in aëre li-  
brari. Quod<sup>a</sup> flumen ad mare  
properans in cursu fisti potest.

*Artic. 9.*



*Artic. 9.* <sup>b</sup> Solis, reliquorumque cœlestium  
Corporum motus supprimi po-  
test. Motus omnes animales,  
sanguinis nempe, cordis, respi-  
rationis, & spirituum suspendi  
possunt in humano Corpore, &  
<sup>c</sup> mors subito invadere potest sine  
prævia ulla morborum sævitie.  
Nec tantum motus Corporis so-  
lidi totius, sed etiam particula-  
rum minimarum fluidi cujusvis  
Corporis supprimi potest. Quo  
suppressio fluida omnia, ut Aër,  
Aqua, & Liquores omnes in so-  
lidum Corpus coalescent. Cor-  
pus enim solidum à fluido in hoc  
tantum discrepat, quod partes  
illius in mutuo quodam amplexu  
quiescant. Singulæ verò fluidi  
Corporis particulæ, motu pro-  
prio & intestino agitantur; quo  
motu sublato, in solidum Cor-  
pus abeunt, uti aqua fit glacies.  
Sicque <sup>d</sup> mare in parietes hinc in-  
de divisum solidescere potest;  
solidi quoque Corporis particulæ  
à



à mutuo contactu dissociatæ, & *Artic. 9.*  
circa centrum suum rotatæ, fluidæ evadunt, uti glacies in aquam  
eliquata, saccharum vel sal in aqua resoluta, uti particulæ auri  
in *aqua regali* natantes, fluitare videntur.

Nunc triplici modo concipere possumus quomodo <sup>e</sup> *Corpus humanum* super mare vel in aëre ambulare, vel quomodo <sup>i</sup> *ferrum*, plumbum, vel aliud quodvis Corpus grave super aquam natare poterit. Vel enim aufertur tota Corporis prementis gravitas, seu ambientium Corporum compressio, *juxta primæ suspensionis legem*; vel unda in fluore remanens gravitanti Corpori resistit, ipsumque subfulcit, *juxta secundæ Legis motûs suspensionem*; vel suppresso aquæ vel aëris fluore, *juxta tertiam hanc suspensæ legis regulam*, super solidam aream incedet Corpus. Patet enim quod si Corpus meum toto suo  
pon-



Artic. 9. pondere spolietur, etiã si fluidam aquam calcaret, nunquam immergeretur, quin imò per aëra volaret. Obvium quoque est quòd Corpus meum, etsi remaneat tota ipsius gravitas, ad fundum fluidi nunquam præcipitabitur, si prementi pedi mare, vel aër, sublato *fluidi* motu, renitatur; quin imò æque facile in aqua, & in aëre ambulabit, ac in pavimento marmoreo.

Longè autem plures difficultates occurrunt cur sublata gravitate super undas Corpus incedat, quàm cur ipsum remanente gravitate solidescens mare subfulciat. Quia si auferatur tota Corporis humani gravitas, Aër, & reliqua ambientia Corpora removeri deberent, aut saltem compressio ipsorum suspendi; removeri autem non debet aër, quia Corpus sine respiratione vivere non potest; aut si forte viveret, sublata compressione



one externa, tumeret nimis, uti *Artic. 9.*  
fit quando, aëre sub applicatis  
scapulæ cucurbitulis nimis rare-  
facto & attenuato, caro in mo-  
lem sublevare solet. Unde longè  
facilius & clariùs concipitur  
quòd Corpus meum cum toto  
suo pondere in renitentis & sub-  
fulcientis maris superficie ince-  
dat, quàm quòd tota sua exutum  
gravitate progrediretur. Hoc  
enim modo æquè clarè concipi-  
tur quòd<sup>s</sup> Corpus meum in aqua  
vel in aëre per horizontalem  
lineam ambulare potest ac inter-  
ræ superficie. Imo per divergen-  
tem vel perpendicularem lineam  
<sup>n</sup> homo poterit cum toto suo  
Corpore per quandam quasi sca-  
lam aëream per gradus & inter-  
valla calcantibus pedibus in ina-  
ni fluido resistentem, ad <sup>i</sup> *Cælos*  
ascendere; eodem plane modo  
quo nos ipsi ad altissimorum  
montium cacumina anhelis a-  
scendimus.

Longè



*Artic. 9.* Longè plures Corporum status super naturam sub *prima legis motus suspensione*, quàm sub reliquis duabus collocari possunt; non solum enim recensita superiùs in illo capite *Miracula*, sed etiam quæ hic inferiùs de multiplici Corporis humani ortu & generatione dicturus sum, ad illam quoque classẽ reduci possunt.

---

ARTIC.



ARTIC. X.

*De Humani Corporis genesi ex  
Mare & Fæminâ.*

**E**Tiam si juxta sancita jam *Art. 10.*  
*Naturæ Decreta* Corpus  
humanum, uti ac reliqua Ani-  
mantia, ex mutuo Maris & Fæ-  
minæ conjugio generetur, nihilo-  
minus tamen in peculiarem ali-  
quando finem à summo Opifice  
*ex fæminâ sine mare, ex mare sine*  
*fæminâ, imo sine mare & fæmi-*  
*nâ* stupendo quodam & insolito  
modo formatum esse perhibetur.  
Quoniam itaque mihi hic pro-  
posui diversos Corporis humani  
ortus illustrare, opus erit prius  
perpendere obiter *modum* quo ge-  
nerationis opus juxta statutas *Na-*  
*turæ* leges perficitur, ut clariùs  
pateant ea quæ de miraculosa ip-  
sius formatione dicturus sum.

Om-



Art. 10.

Partes generationis viri.

Omnia Corporis virilis & muliebri organa præter partes genitales similis omnino sunt fabricæ & paræ ubiq; proportionis. Vir pendentes habet duos *Testes* membraneo loculo inclusos; quorum uterque totus ex exiguis, tibiæ instar musicæ, perforatis canaliculis & serpentinis quasi ductibus constat, qui, filacei instar glomi, sibi superpositi sunt. In his canaliculis elaboratur & fercernitur succus quidam peculiaris, quem medici *semen virile* nuncuparunt; quem tamen Ego *fermentum* tantum viri *seminale* vocitari mallet; quia non in ipso, sed in sceminâ tantum semen seu germen continetur. Hic humor per proprios tubulos ad capsulas quasdam in penis cavitatem hiantes vehitur, quas *vesiculas seminales* nominant, in quibus coacervatur, & conservatur succus hicce fermentaceus, donec pro data occasione, ab æstuante

Ve-



*Veneris* ira per veretri urethram *Art. 10.*  
in uterum fœminæ prolem for-  
maturus ejaculatur.

Mulier autem sub imo ventre  
quandam habet cavitatem vesi-  
calem quam *uterum* solent nun-  
cupare. Hic uterus in duas *Tu-  
bas* versus dextrum & sinistrum  
latus protuberat. His tubis ap-  
pena sunt duo corpora glandifor-  
mia, quæ antiqui *Testes* mulie-  
bres, neoterici *Ovaria* vocant;  
*seminaria* tamen nuncupari ma-  
luerim. In his *seminariis* con-  
tinentur plurimæ membranosa  
*vesiculæ* limpidæ & ferè pelluci-  
do latice turgidæ; quæ in innu-  
meris distinctis loculis, uti gra-  
natorum semina, inclusæ sunt,  
& ab ambientibus vasis sanguife-  
ris succum nutritium jugiter ex-  
puentibus paulatim aluntur, do-  
nec ad præfixam quandam mag-  
nitudinem extumescunt. Hæ væ-  
siculæ hodiè *Ova* nuncupari so-  
lent; *semina* verò humana vocari

Partes ge-  
nerationis  
fœminæ.



*Art. 10.* tari potiùs merentur. Uti enim bombycis vel tritici semen totum bombycem & totam tritici spicam cum seminibus continet, sic unaquæque seminis muliebris *pyxis* membranæ omnes corporis humani partes comprehendit; imò longè ante commercium scæminæ cum viro formata & in debitum situm disposita in prolifico hocce liquore integra Corporis nostri stamina & rudimenta natitant. Uterus præterea longo canali *vagina* dicto foras hiat, per quam vaginam penis virilis ingreditur, & egrediuntur *menstrua*, *fœtus*, nec non *fluoris albi* & *Gonorrhææ* materia; & per labra ipsius *Urina* excernitur.

Quomodo  
generatio  
perficitur.

Præmissa partium generationi inservientium structura, nunc perpendendum quomodo *generatio* ipsa perficitur. Post elapsos quosdam ætatis annos, *Vir* & *Fœmina* ab aucto nativo calore  
&



& humorum fermentatione venereo quodam æstro perciti, ad oscula & mutuos amplexus, libidinem satiaturi, ruunt. Hoc in congressu, Vir, non sine voluptate, in uteri muliebris cavitatem feminale illud fermentum seu succum illum fermentaceum emittit, qui in testibus elaboratur. Hic succus partim cum circumeunte sanguine, partim rectâ viâ per *tubas Fallopianas* ad seminaria fertur, & *semina* in illis tanquam in totidem diversis nidulis latentia, *auræ* instar *prolificæ*, subit & penetrat; & prout unum aut alterum ex feminibus erit maturum, nempe prout debitam dispositionem seu magnitudinem acquisiverit, fermenti instar illud rarefaciet, intestinum inquam & expansivum motum cum limpido & lymphatico seminis latice, in quo delineata fluctuant Corporis stamina, inibit, eundem attenuabit, stamina ipsa expandet & distendet,

H

det,



Art. 10. det, porulos eorundem aperiet ;  
 sicque attenuatus ambiens liquor  
 dilatatos flaminum porulos sub-  
 ibit, ipsos ampliabit, & largiùs  
 nutriet ; donec, crescente indies  
 seminis mole, *membraneum domi-*  
*cilium* tandem præ magnitudine  
 disrumpet & per annexas *tubas*  
 in *uteri* cavitatem semen delabe-  
 tur ; ibiq; uteri parietibus, media  
 placenta leviter alligatum, ab  
 appellente matris sanguine per  
 umbilici vasa sine ulla respiratio-  
 ne alimentum constanter recipi-  
 et. Interim ab intestina hacce  
 seminis turgescencia, torpentes  
 antea humores in motum agita-  
 buntur, & agitati partes solidas,  
 Cor præcipuè movebunt. Cor  
 autem semel motum moventem  
 liquorem in appensas arterias ad  
 extrema Corporis propellet. Pro-  
 pulsus liquor antecedentem li-  
 quorem ad Cor iterum Urgebit.  
 Hic liquor seu Sanguis ad Cor  
 denuo redux Cor iterum move-  
 bit.

Punctum  
 saliens est  
 Cor, pri-  
 mum vi-  
 vens & ul-  
 timum  
 moriens.



bit, & à Corde vicissim in or- *Art. 10.*  
 bem movebitur. Sicque incipit  
 & conservatur partium solidarum  
 motus ac humorum circuitus.  
 Primus enim humorum motus  
 est causa primi & ultimi motus  
 Cordis, & motus Cordis est vi-  
 cissim causa cur humores perpe-  
 tim in circulum volvantur; non  
 verò cur inter se fermentescant.  
 Hæc enim fermentatio ab orta  
 inter dissimiles Sanguinis parti-  
 culas lucta & certamine depen-  
 det. Fermentescantibus igitur &  
 circulantibus *seminis* humani hu-  
 moribus, & fluidis, stamina so-  
 lida, & *Organicæ partes* ex sup-  
 peditato à matre fermentationi  
 & nutritioni continuo pabulo  
 indies magis magisque turge-  
 bunt. Sicque quod primò *se-*  
*men* fuit *germinis* nomine insigni- *Diversi*  
 nitur; quod Germen mox *Em-* *ætatis gra-*  
*bryo* vocatur, dein *Fætus*, hinc *dus.*  
*Infans*, *Puer* deinde, postea *Ado-*  
*lescens*, *Juvenis*, *Vir*, & tandem  
 H 2 *Senex*,



Art. 10. *senex*, pro diverso Corporis incremento & ætatis gradu nuncupatur. In quovis autem statu, etiam sub minima Corporis mole, *Homo* vocatur, modo *Spiritus*, qui anima solet appellari rationalis, Corpori reverà præsens sit. Unde fœtus æq; completus est homo, ac vir, aut senex; quia Corpus non fœtus duntaxat, sed etiam Embryonis æquè integrum est ac Corpus adulti, cùm ex pari Organorum numero, & cum simili eorundem situ & textura construatur.

Partus  
quomodo  
fit.

Eodem modo quo semen *fermento viri prolifico* turgescens, ex *seminario* viam sibi pandit in uterum, sic ex utero fœtus, mole grandior, & crescentibus viribus robustior factus, huc illucque volvendo sese, & calcitrando membranea dilacerat involucra; unde ruptis quasi carceris repagulis, foràs sibi sub auras exitum per vaginam, sequentibus pone *secundinis*, molitur. Ani-



Animantium igitur omnium *Ant. 10.*  
generatio (imò & plantarum  
vegetatio) in nova Organorum  
aut partium formatione non con-  
sistit, sed in hoc tantum quòd  
fermentum maris seminale sta-  
mina jam in semine verè deline-  
ata, & in brevi voluminis gyro  
comprehensa, expandat, & ap-  
tiora reddat, ut largius alimen-  
tum & incrementum sumant.  
Corpus enim humanum etiamsi  
totum, & omnibus Organis  
instructum, in semine, longè an-  
te fermenti virilis appulsum, verè  
contineatur, mole tamen *lentem*,  
aut *formicam*, animalcula exigua  
non superat. Ut igitur ad mo-  
lem extumescat majorem, per  
expansos & dilatatos exilissima-  
rum fibrillarum porulos mayo-  
rem alimenti copiam admittere  
debet. Sic observamus quòd  
granum *tritici* aut *hordei* facilius  
longè, & citiùs in æstivo quàm  
in hyberno tempore pullulat,  
H 3 quia



Art. 10. quia solis ardore germen laxatur magis & expanditur, ut succo nutritio è terræ visceribus à solis radiis elevato ad interiores seminis recessus per sitientes & bibulos ejusdem porulos capacior pateat aditus.

Cæterum, ut Generatio plenius adhuc illustretur, congruum foret solerti examine inquirere, quomodo disposita in ordinem *seminis*, seu *germinis humani* stamina primitus fuerint delineata. Rancida illa veterum Medicorum sententia jamdudum exolevit, qua contendebant quòd maris & fœminæ semina in utero commixta *virtutis* cujusdam *plastice* beneficio in plurimas & constantes diversorum Organorum formas sponte sua abierunt. Patet enim, ut jam vidimus, quòd nullum est in viro semen. Patet quoque quòd humor ille in præservida rentigine à glandulis vaginæ muliebris *lacunis* per  
*pudendi*



*pudendi* labra excretus, est po- *Art. 10.*  
tiùs titillationis & voluptatis sti-  
mulus, quàm fœminæ pro gene-  
ratione symbolum; si enim ge-  
nerando fœtui quid conferret  
hic humor, tantum abest ut  
effœti instar excrementi pro ly-  
bricanda vagina foràs amandare-  
tur, quin imo in uteri claustris  
pro formanda prole arctiùs in-  
cluderetur. Quare in sensu quo  
Veteres feminis naturam intel-  
lexerunt, neque vir, neque fœ-  
mina ullo forent semine fœ-  
cundi. Inter omnes itaque ho-  
die sanioris iudicii Medicos con-  
venit, quòd omnes Corporis no-  
stri partes in solius matris *semi-*  
*nariis* ante viri commercium à  
solo & supremo Naturæ Autho-  
re verè formatæ sunt. An verò  
in primordiis rerum omnia semi-  
na in prima muliere intra sese  
tanquam intra innumeras pyxi-  
des fuerint contenta, an per  
Mundi Machinam tunc fuerint  
H 4 dispersa,



*Art. 10.* dispersa, an in typis seminalibus post cujusque sceminae ortum formata, an verò hic & nunc, prout Naturæ necessitas exigit, a summo Conditore creata, prolixum, arduum, & supervacaneum foret hîc loci investigare. Quare sat erit cum cæteris asserere, quòd in compendioso seminis humani gyro tenuissima Corporis nostri stamina cum debito eorundem situ, cum solito Organorum omnium numero & figura ante Actum Venereum verè continentur.

Prærogati-  
va matrum  
præ mari-  
bus.

Ex his inferre datur quantas sibi Prærogativas vindicare possunt sceminae præ maribus; quantoque cultu & honore Liberi Matres suas prosequi deberent. Mulier enim sola totum ferè generationis opus perficit; ipsa sola semen, seu rudimenta Corporis, ante viri consortium continet; multis ærumnis obnoxia est gravida Mulier; multis tor-  
mi-



minibus in partu cruciatur; ipsa Art. 10.  
pascit fovetque in utero foetum,  
& post partum mammarum lacte  
alit; unde intensior est utpluri-  
mum Matris quam Patris in Li-  
beros Amor. Vir autem post  
unius momenti voluptatem ni-  
hil amplius de prole cogitat, &  
in ipso libidinis æstu tam parum  
generando foetui suppeditat, ut  
vix parentis nomen mereatur,  
nullum enim est in viro semen,  
& nihil largitur præter fermentum  
quoddam *seminale*, quod  
partes foetus non format, sed  
jam formatas expandit; uti e-  
nim agricola fimo, cineribus,  
calce viva, aut arenis, tanquam  
totidem fermentis terram colit,  
ut projecta ac sata semina pro-  
ducat, sic mas latentia tantum in  
fæminæ seminibus germina pro-  
lifico quodam fermento fecun-  
dat. Matres autem ex tanto il-  
lis à Liberis præstando honore  
superbire aut insolescere non de-  
be-



*Art. 10.*  
*Fœminæ*  
*non sunt*  
*vere ma-*  
*trices, sed*  
*matrices.*

berent ; quia ipsæ non tam *Matres* verè sunt, quàm *Matrices*, in quibus semina aliunde formata pullulant ; fœminæ enim semen ipsæ aut foetum non formant, sed ipsum tantùm jamdiu formatum nutriunt ; imò ipsum magis non possunt non nutrire, & parturire, quàm ferax solum sata semina ardente æstivo sole non potest non expandere & proferre : unde non ex libero matris arbitrio, sed ex necessaria *Naturæ* seu motus lege foetus generatur, & ex eadem lege in lucem prodit ; imò in lucem editus ex pari legis necessitate ob urgentem quendam & extus insitum amoris in prolem stimulum, non à Mulieribus duntaxat, sed ab ipsis belluis & volucribus, rationis, ut aiunt, expertibus materna quadam industria nutritur. Plura hic de naturali Corporis humani genesi subjicere, foret extra propositi nostri scopum divagari, quare ad  
 status



status ipsius super naturam tan- *Art. 11.*  
dem revertamur.

---

ARTIC. XI.

*De Corporis Humani genesi ex  
Fæmina sine Mare.*

**Q**UUM ex statuta partium  
Genitalium structura Ge-  
nerationis opus & natura ex so-  
lito maris & fæminæ conjugio  
nobis innotescat, nunc sagacius  
perpendamus utrum suspensa hac  
solitæ generationis *Lege* clarè  
concupere valeamus, quomodo  
ex sola<sup>a</sup> fæminâ, sine ullo pror-  
sus maris commercio, sed agen-  
te tantum supremo Numine Cor-  
pus humanum enasci poterit.

*Generatio*, ut jam supra in- *Quid ge-*  
nuimus, aliud nihil est quàm *neratio.*  
*staminum in semine muliebri con-*  
*tentorum debita expansio & rare-*  
*factio fermenti maris prolifici vir-*  
*tute*



*Art. 11. tute inducta*; cujus intestinæ  
turgescentiæ ope delineata *Ger-*  
*minis* rudimenta majorem ali-  
menti copiam sugere & in dila-  
tatos porulos absorbere apta red-  
duntur; undè molem acquirunt  
majorem, & paulatim crescendo  
ad eximiam tandem magnitudi-  
nem extumescunt. Cum autem,  
ut suprâ probavimus, Corpus  
motum obvium Corpus naturâ  
suâ aut vi insitâ non moveat, sed  
ipsum supremus *Motor* ex irru-  
entis Corporis occasione in mo-  
tum solus verè concitet; & cum  
expansio & rarefactio quædam  
sit *Motus* species, patet quòd  
spermaticus maris succus cum  
semine muliebri commixtus, il-  
lud non fermentat, aut expandit  
ratione motus ullius aut quali-  
tatis, quam verè & propriè in  
stamina germinis à se transmit-  
tit, nihil enim transferri potest  
ab uno Corpore in aliud præter  
materiam; sed quia ex occasione  
appulsus



appulsus fermenti virilis summus *Art. II.*  
Archetypus delineatas seminis fibrillas verè & immediatè distendit. Quid igitur impediet quo minùs *juxta primæ*, quam supra recensuimus, *legis motus suspensionem*, Deus ipse solus sine ullo Fermenti virilis appulsu, miscela, aut ope, stamina, quæ ipse solus sine viri aut sæminæ auxilio in debitam seriem & ordinem jamdudum primus disposuit, expandere, rarefacere, porulos filamentorum dilatare, ambientes seminis membranas, & involucra ampliare valeat. Ampliatis autem semel & motu cælitùs indito devolutis *Virginei seminis staminibus*, *Germen*, eodem plane modo quo per naturalem in imprægnata conjugè generationem, *in<sup>b</sup> cælibe & intacto uteri claustro* incrementem sumet, & in Embryonem, foetumque paulatim turgescet. Sufficiens enim alimenti copia à circumeunte & appellente sanguine per expansos & bibulos filamentorum porulos sup-  
pedi-



*Art. 11.* peditabitur, unde in tota sua mole  
indies tument, & claustra sua  
seu vesiculares *seminariorum* can-  
cellos, in quibus recondita sunt,  
disrumpent, inde per appensas Fal-  
lopii *Tubas* in uteri cavum delabentur,  
ibique media *placenta* tan-  
quam carneo & spongioso cæmento  
uteri parietibus adhærebunt, afflu-  
entem sanguinem per innumerass  
vasculorum *placentæ* propagines  
insugent. Sicque nutritis paulatim  
solidis seu organicis seminis parti-  
bus, & concitatis in motum vita-  
lem ejusdem humoribus, ex pusillo  
*Germin* fiet *Embryo*, ex *Embryone*  
fœtus, fœtusque, collectis sensim vi-  
ribus, ab angusto domicilio possit  
novem tandem menses per os uteri,  
& per vaginam, viam sibi foràs sub  
liberiores auras patefaciet.

Unde patet quòd non facilius e-  
rit primum hominem ex terra sine  
ullo maris aut fœminæ semine cre-  
are, quàm alios homines ex semine  
fœminæ sine maris consortio gene-  
rare.



rare. Imo si quis secum rem ritè *Art. II.*  
totam perpenderet, videbit forsan,  
quòd non magis stupendum est,  
quod Homo ex sola muliere gene-  
retur sine viri commercio, quàm  
quòd ex maris & fœminæ congres-  
su formetur ; cum concursus viri sit  
tantùm occasio cur ipse supremus  
rerum omnium Parens *generet*, qui  
est immediata, imò unica, utriusque  
Phænomeni, & effectum omnium,  
causa.

---



## ARTIC. XII.

*De Corporis Humani ortu sine Marie  
& Fœmina.*

*Art. 12.* SI retrò ad Orbis conditi primordia mentis nostræ aciem recto tramite retorqueamus, & continuam istinc innumerorum effectuum sibi hucusque hæreditario quodam jure succedentium, & à se mutuò dependentium catenam & seriem contemplemur, reperiemus, quòd uti cæterarum rerum, sic & *Generationis humanæ* origo cum *Mundi* tantùm origine incepit. Ut autem *Generatio* semel inciperet, formari debuit *primus Homo*, qui foret primævus cæterorum *Genitor*; generari autem non potuit ex *Patre* aut *Matre*, cum ipse primus fuerit humani generis parens: nec ex se, aut à se gigni potuit, quia non potuisset esse



esse sui parens & proles. Quare *Art. 12.*  
sine ullo prorsus maris & fœmi-  
næ conjugio ex rudi adhuc & indi-  
gesta<sup>a</sup> tellure à supremo Opifice  
coagmentari debuit. Si mortui  
quoque resurgerent, cadavera ip-  
sorum jam in pulvisculum redacta  
ex informi materia iterum construi  
deberent. Magis autem conceptu  
difficile non est, quomodo organi-  
cum grandioris molis Corpus ex  
eximia terræ quantitate cum vita,  
motu nempe & sensu, subito for-  
metur; quàm quomodo rudimen-  
ta seu delineamenta corporum no-  
strorum ex patris & matris congres-  
su generatorum in pusillo seminis  
germine sine prævia generatione  
creentur. Primaria enim corpo-  
rum, etiam nostrorum, stamina  
nullo naturæ auxilio, aut motus le-  
ge, in organicas hasce texturas &  
machinulas ante generationem pri-  
mitùs disposita sunt; sed suspensâ  
*primâ motus lege*, à summo Numi-  
ne immediatè delineata in compen-  
I diosum



Art. 12. diosum & vix præ parvitate credibile volumen contrahuntur. Unde prima Corporis nostri *delineatio* æque verè *Miraculum* est, ac primi Parentis *creatio*.

Corporis  
humani  
Analyfis  
Chymica.

Ut autem clarâ mente concipiamus quomodo informis glebæ materia in tam miras & multiplices Corporis humani partes & texturas converti posset, supponamus quod rei cujuscpiam sani in patibulo suspensi Corpus, centum libras grave, totum, cum ossibus, carne, & sanguine, vasis Chymicis destillandum committatur; peculiarem *salis volatilis alkalini*, *sulphuris* seu olei scetidi, *phlegmatis* seu aquæ insulsæ, *salis fixi alkalini*, & *terre elementaris* quantitatem in pari pondere largietur; ita tamen ut major sit *phlegmatis* quantitas quam *terra*, major *terre* quàm *sulphuris*, & major tandem *sulphuris* quam *salis*. quadruplex hoc particularum elementarium genus non nisi mole tantum & figura à se invicem discrepant.



screpant. Terra, quæ in porosis *Art. 12.*  
suis alveolis reliqua principia ebibit  
& fulcri instar sustentat, mole gran-  
dior est quàm sulphur, sal, aut a-  
qua. Sal, cum solus linguæ papil-  
las acredine quadam pungat, an-  
gulis acutis solus est hispidus; ter-  
ra vero, sulphur, & aqua, quæ in-  
fulsa sunt, obtusa figura, etiamsi di-  
versa donantur.

Cum itaque experientia doceat  
quòd Corpus humanum centum li-  
bras pendens, totum ex certa *Ter-*  
*ræ, Aquæ, Salis, & Sulphuris* pro-  
portione coalescat; nunc videamus  
quomodo *primum* seu τὸ πρῶτον  
Corpus humanum ex informi ma-  
teria formatum est. Ponamus igitur  
sumi centum *terræ & aquæ* vel  
alterius cujusvis materiæ libras, ut  
humanum solitæ magnitudinis Cor-  
pus cum centum librarum pondere  
construatur: Ut Corpus humanum  
inde educatur, peculiaris Terræ ele-  
mentaris, Aquæ, Salis & Sulphuris  
proportio formari subitò debet: Ex



Art. 12. hac particularum quadriga in diversa quantitate sibi mixtâ plurimæ: diversæ texturæ partes, tum fluidæ: tum solidæ, exurgent. Duæ hic: obviâ veniunt difficultates, quomodo nempè indigesta hæcce & uniformis materia in quadruplex hoc: particularum genus convertetur, & quomodo in tot dissimiles partes: conversa, in Corpus humanum abit. Ut autem harum difficultatum caligo experientiæ lumine dissipetur, observamus in *Arte Chymica* quòd sulphur elementare & sal in aquam & terram sponte sua convertuntur, quod denotat eadem fuisse ex aqua & terra primitus orta. Experimur pariter quod aqua cum pauca terra per hortos aspersa in salinas & sulphureas mille plantarum partes abeunt. Alimenta solida in chylum, sanguinem, carnem, & ossa mutantur. Cum igitur in naturali animantium & plantarum vegetatione aqueæ & terreæ partes in salinas & sulphureas, & hæ vicissim



cissim in illas, ex intestini earundem motûs Lege præ oculis quotidie convertantur ; mirum non erit cur à supremo naturæ Authore sine ulla intestini motûs Lege, aut Corporum ipsorum auxilio, *juxta primæ motûs Legis suspensionem* non tantum aqua & terra in salem & sulphur, sed etiam omnia cujuscunque naturæ Corpora in alia diversæ indolis Corpora transformentur. Si autem centum materiæ Libræ in diversas *aquæ, terræ, salis & sulphuris* proportiones fuerint mutatæ, concipietur facile quomodo Corpus humanum ex iisdem in solidas & fluidas partes dispositis conflabitur.

Qui seriò perpendebit quàm stupendas machinas humana ars constituere solet, non inficiabitur quin tanta sit supremi Artificis potentia ut ex debita *terræ, aquæ, salis & sulphuris* proportionem Corporis humani fibrillas & stamina texat, texta in *Organicas & diversas* for-



*Art. 12.* mas conjungat, disponat, & hu-  
moribus per totam partium & Or-

Stupenda  
instru-  
menta hu-  
mana arte  
confecta.

ganorum compagem fluitantibus,  
intus in motum cieat viralem. Vi-  
demus enim quanta industria & ar-  
tificio, horologia ex rotis, elateriis,  
& staminibus construuntur, ut  
tempus metiantur. Artificialia ca-  
pita efformantur, quæ vocem hu-  
manam imitantur. Factitia manus  
tantis machinulis movetur, ut spon-  
te sua seu motu proprio vocabula  
cum calamo scriptorio in charta i-  
naret. Psittacos rationis aliunde  
& sensus expertes docemus verba  
quædam proferre. Muti hominis,  
& ab ortu surdi lingua ita movetur  
aliquando, ut quædam verba arti-  
culari posset. Pyrii pulveris ope &  
pyrotechnicis instrumentis, currus,  
equos, & armatos homines in aëre  
repræsentamus. Æstuantis maris  
unda in oppositas rupes irruens hu-  
manas aliquando, & equinas for-  
mas in rupibus insculpit. Ex ar-  
gento in spiritu nitri dissoluto, &  
cum



cum mercurio in aqua diluto, post *Art. 12.*  
 quadraginta dies vegetale quoddam  
 sponte suâ cum ramis & fructibus  
 pullulat, quod *arbor Dianæ* à Chy-  
 micis nuncupari solet. Varia Or-  
 gana musica in symmetricum ordi-  
 nem disposita, miris illecebris irre-  
 tiunt, & suavi sonorum modula-  
 mine aures titillant. Nemo nescit  
 quòd in visceribus terræ varii repe-  
 riantur lapides, & alia mineralia,  
 quæ veram linguæ, rostri, dentis,  
 capitis, manus, pedis, veretri vi-  
 rilis, arboris, cornu, & aliorum  
 Corporum formam exhibent. Cùm  
 igitur juxta *statutas Motûs Leges*  
 tot tantæque stupendæ fabricæ, vel  
 naturæ industriâ, vel humana arte  
 construuntur, arduum non erit  
 concipere, quomodo supremus ar-  
 tífex peculiarem quandam aquæ,  
 terræ, salis & sulphuris proporti-  
 onem in Organicas diversæ texturæ  
 partes disponat, & partes ipsas in  
 humani Corporis formam compin-  
 gat. Poterit enim minutissimas

Corpora  
 stupendo  
 naturæ æ-  
 tificio con-  
 structa.



Art. 12. horum elementorum particulas in cava stamina, seu vasculares fibrillas formare ; poterit has fibrillas suis humoribus repletas & multis modis sibi intertextas in diversa Organa disponere ; & eadem Organa, in continua quadam serie, & in debito quodque situ sibi alligata in humanum Corpus sponte sua abibunt.

Si autem Corporis nostri stamina ex majori longè *terræ & salis* quàm *sulphuris* aut *aquæ* proportionem constant, & stricto præterea vinculo sibi adjungantur, solidas & graves partes, uti *Ossa*, cartilagines, Tendines, & Ligamenta efformabunt : Uti enim trabes tecta firmiter, & ossa Corporis nostri machinam subfulciunt, sic redundans in mixtis *terræ* solidum illis stabilimentum conciliabit. Si verò præ *terræ*, *aquæ*, & *fale*, sulphur seu oleum exuperet, adipem constituet : Si æqualis ferè sit *aquæ*, *terræ*, *salis*, & *sulphuris* miscela, partes laxiores quidem,



dem, sed solidas, construet, quales *Art. 12.*  
sunt Musculi, Membranæ, vasa om-  
nia, & glandulæ: Si tandem par-  
tes aqueæ luxurient penitus, & mi-  
nor sit salis & sulphuris, & minima  
terræ quantitas, sanguis inde orie-  
tur, reliquique fluitabunt humo-  
res.

Postquam itaque Corpus huma-  
num ex debito *Ossium, Musculorum,*  
*Viscerum, Membranarum, & Va-*  
*sorum* numero sic construetur, &  
postquam vasa cordi & cerebro ap-  
pensa propriis fluidis erunt repleta;  
Cordi & stagnantibus adhuc in vasis  
liquoribus motus indatur; *Sanguis,*  
*Spiritus animales,* & reliqua fluida  
in circularem statim motum agita-  
buntur, & cunctis partibus vitam  
largientur; quæ vita nihil aliud est  
quàm quinque Organorum sensus,  
nec non Cordis, Respirationis, &  
fluidorum Corporis motus. Unde  
Corpus ex terra sic confectum, non  
tantum erit Corpus Organicum,  
sed etiam animatum. Si præterea  
Corpori



Art. 12. Corpori sic animato Spiritus seu substantia cogitans uniatur, quæ ex lege suæ unionis Corpora externa percipiat, affectus Corporis regat, in Corpus imperium exerceat, & liberos ex voluntatis suæ arbitrio motus in eodem producat, Corpus non tantum erit *animale*, sed etiam *Animal rationale* uno horæ momento exurget.

Haud facilius erit Corpus humanum ex centum materiæ libris cum tota sua mole construere, quàm idem ob indefessam materiei cuiusvis ad divisionem & ad omnes figuras aptitudinem, ex uno materiæ granulo cum debito partium situ, ac numero conficere, & in breve imo invisibile volumen contrahere. Unde patet quòd Corpus humanum æquè totum ac integrum in exiguo seminis cuiuslibet muliebris germine, etiamsi non sit animatum, continetur, ac in prægrandi centum librarum massa; cum Corporis humani Natura aut integritas non in  
majori



majori aut minori ejusdem dimensione vel magnitudine, sed potius in peculiari & constanti diversarum partium situ, fabrica, & numero consistat. Art. 12.

Non solum *primum Corpus* humanum ex informi gleba formari, sed etiam ex <sup>b</sup> *costa*, manu, pede, aut alia quavis Corporis humani parte <sup>c</sup> *prima Fæmina* sine fœminæ concursu extrahi potuit, juxta eandem *Legis motûs suspensionem*. Si autem Corpus primæ parentis ex solo viri latere fuit constructum, non potuerat mole aut pondere superare quantitatem materiæ ex quâ *latus* ipsum constabat, quia quantitas materiæ, ex quâ Corpus quodvis conditur, est vera semper ponderis & magnitudinis ejusdem mensura. Quare vel paucæ virilis costæ materiæ, tanquam stabili basi nova statim superaddita est materia, ut fœminæ statura viri staturæ pro generanda prole aptè respondeat, vel fæmina primùm cum pu-  
fillo



*Art. 12.* fillo formata Corpore, ex assum-  
pto indies alimento ad debitam  
Muliebris Corporis magnitudinem,  
Puellarum more, paulatim adole-  
vit. Uti hoc modo prima Cor-  
poris humani delineatio explicari  
potest, sic prima quoque cætero-  
rum<sup>a</sup> animantium & <sup>e</sup> vegetanti-  
um formatio explicari posse vi-  
detur.

---

ARTIC



## ARTIC. XIII.

*De Humano Corpore redivivo.*

**U**lteriùs indagere necesse est  
utrum *juxta primæ quoque*  
*Legis motûs suspensionem* perspi-  
cua valeamus mente concipere,  
quomodo Corpus humanum ante  
biduum vel triduum, vel ante bis  
mille annos extinctum, ad vitam  
revocari posset. Qui ante triduum  
mortui sunt, alio modo reviviscere  
deberent, ac illi qui ante plura sæ-  
cula obierunt; quia illorum Cor-  
pora adhuc integra sunt, & incor-  
rupta, horum verò cadavera jam-  
dudum sunt in pulverem redacta.

Ut primò explicemus quomodo  
Corpora post<sup>a</sup> triduum à morte re-  
suscitari possunt, observatu dignum  
videtur, quòd Corpora omnia emor-  
tua, vel in patibulo suspensa sunt, vel  
in aqua immersa, vel subita morte,  
syn-

Diversæ  
mortis  
species.



*Art. 13.* syncope nempe vel Apoplexia correpta, vel vulnere effossa, vel morbo quodam interno, in cruoris massa vel in Spiritibus sæviente, extincta sunt. Qui in furca suffocatur, vel in aqua immergitur, perit, quia defectu *respirationis* sanguis in pulmonibus stagnans ad cerebrum ascendere, & Spiritus animales quibus imprægnatur in glandulosa cerebri filtra exonerare non potest; qui Spiritus vitam, motum nempe & sensum, omnibus Corporis partibus largiuntur, renovatâ postero post obitum die *respiratione*, & indito torpescentibus humoribus *fermentationis* & *circuitus* motu, Spiritus animales in debita copia secernentur in cerebro, & vitalis motus munia restaurabunt; quoniam solidæ partes adhuc integræ sunt, & putredine nondum eliquatæ. Qui syncope vel Apoplexia corripitur, moritur, quia Cordis & Spirituum animalium motus cessat; renovato utriusque motu

Diversæ  
mortis  
causæ.

Diversi  
modi qui-  
bus mor-  
tui ad vi-  
tam revo-  
cari pos-  
sunt.



motu exanime Corpus reviviscet. Art. 13.

Qui lethali vulnere effossus est, occidit, quia ab effuso nimio cruore Spiritus & vires prosternuntur: Sanguis effusus vel alius, iterum in venas remissus & in pristinum motum clauso vulnere concitatus exanguis Corpus ad vitam restituet. Qui morbo interno elanguet, ex defectu *intestini* & *circularis* motûs in sanguine, tanquam consumpto τὸ βιολυχνίς pabulo extinguitur, qui motus perit vel quia *salina* seu *fermentativa* sanguinis principia, præ nimio motu, uti in febribus, attrita, vappescunt, aut evolant; vel à redundante colluvie serosa nimis diluta sunt, vel nimis fixa, aut ab affuso acido veneno, vel à sævi-ente frigore coagulata sunt. Si elementa sanguinis evolarunt, iterum coacervari possunt. Si nimis attrita sunt, fragmenta & anguli apponi possunt. Si nimio phlegmate dissoluta, serum evacuari potest. Si concreta vel congelata sit cocci-  
nei



*Art. 13.* nei laticis massa, attenuari, rare-  
fieri, & fermentari potest. Sic  
quomocunque humanum Cor-  
pus pereat, post biduum aut tridu-  
um à morte, nondum resoluta par-  
tium solidarum textura, pristinum  
humorum motum, vitamque re-  
cuperare potest.

Nunc itaque solerti investigemus  
scrutinio quomodo <sup>b</sup> Corpus huma-  
num post plura secula putrefactum,  
& in tenuem jamdudum pulviscu-  
lum friatum iterum ad pristinum  
statum restaurari potest. Quomo-  
do, inquam, Corpus ante quatuor  
mille annos in mari immersum, à  
piscibus in frustulorum myriades  
discerptum & à pisce in piscem sæ-  
piùs transmissum, ad vitam revo-  
cari potest. Constat satis quòd  
non tantum hujus Corporis partes  
integrantes, sed etiam minutissimæ  
*Terræ, Aquæ, Salis, & Sulphuris ato-*  
*mi elementares*, à se invicem jam-  
dudum dissociatæ sunt, & dissitissi-  
mæ; quòd non solum quædam  
per



per totum Oceanum dispersæ sunt, *Art. 13.*  
sed etiam quædam in piscibus ma-  
ris latitant, quædam per viscera  
terræ penetrarunt; quædam ad  
telluris superficiem cum vaporibus  
& fontibus elatæ sunt; quædam ex  
superficie terræ vegetantium radi-  
ces subierunt; quædam forsan cum  
vegetantibus in animalia cum pas-  
cuis transierunt. Ita ut nunc for-  
san in omnibus Terræ plagis, in  
mari, & fluminibus, in piscibus, in  
terræ penetralibus, in vegetanti-  
bus, in animalium visceribus, in  
aëre ipso disseminatæ sunt unius hu-  
jus Corporis humani particulæ ele-  
mentares. Præterea fieri non po-  
test quin post tot annorum orbes  
hujus Corporis elementa figuras, &  
naturam suam sæpius deposuerint;  
necesse est ut salia post tam diutur-  
num motum, & per tot sæcula flu-  
ctuationem, angulos & spicula per-  
diderint; ut sulphura discerpta  
sint, & in aquam vel aliud princi-  
pium sint jam mutata; ut aqua in



Art. 13. sulphur vel salem sit conversa. Ita ut quòd tunc sal fuerit, nunc forsam sit aqua, quod fuit olim sulphur, nunc fortasse salis figuram induit, quod terra quondam, nunc aqueæ sit indolis. Nunc igitur videamus quomodo hæ particulæ per totum sic mundum dispersæ, in unum acervum rursus colligi, pristinas figuras rursus assumere, & in Corpus humanum iterum coagmentarii poterunt.

Meum non est ex solidis Scriptorum argumentis, & testimonio, hic loci probare, quòd *Mortui ad vitam verè redituri sint*; sed cùm ab omnibus constanti animo hætenus creditum sit, & à plurimis firma ratione probatum, quòd qui è fatis excesserunt, iterum vivi resurgent; operæ pretium mihi visum est, juxta rationis normam, & juxta *Medicinæ* principia inquirere, quomodo, cum quo Corpore, cum qua Corporis mole, & cum quibus conditionibus iterum renascentur.

Quare:



Quare pro totius rei fundamento *Art. 13.*  
hæc duo in antecessum præmit-  
tere congruum fore existimavi.  
Nempe

Quòd

*Si idem numero Corpus resuscita-  
bitur, ex eadem, qua olim,  
numero materia constare de-  
bet.*

Et quòd

*Si idem numero renascatur homo,  
cum eodem verè numero, quo  
quondam, Corpore reviviscere  
debet.*

Nemo inficiari audebit quòd su-  
premus rerum Conditor, cujus po-  
tentia rebus omnibus insita, cujus  
præsentia ubique diffusa, & cujus  
scientia ad omnia, imo minutissi-  
ma quæque extensa, nullus ascribi  
potest terminus, sciat in quibus po-  
rulis, vel cryptis latitent, in qui-  
bus fluminibus fluctuent, in qui-  
bus atmosphærae partibus natitent,



*Art. 13.* in quibus demùm Mundi plagis,,  
omnes hujus immerfi Corporis par-  
ticularum, imo ipsa particularum frag-  
menta locata sunt. Dubitari quo-  
que non potest quin immensa sum-  
mi Conditoris potentia dispersas  
hujusmodi per Mundum particulass  
in unum acervum accumulare po-  
test. Si verò semel coacervatæ sint  
eædem atomi, non difficilius erit  
ipsas ad pristinam humani Corpo-  
ris formam & statum reducere,,  
quam fuit primum homines ex in-  
formi telluris gleba construere.

Conditio-  
nes quæ  
requirun-  
tur ut i-  
dem homo  
resurgat.

Multæ tamen requiruntur con-  
ditiones ut ex coacervatis hisce cor-  
pusculis idem numero Corpus quod  
olim ante quatuor mille annos vix-  
erat, iterum redintegretur. Debet  
primo esse una eademque numero  
materia, debet esse una eademque  
terræ, aquæ, salis, & sulphuris pro-  
portio, etiamsi necesse non sit ut  
eadem sit, quæ olim, ipsorum quan-  
titas. Debent hæ partes servare  
eundem situm, quem antea habu-  
erunt.



erunt. Opus est præterea ut partes quæ nunc sunt salinæ, sulphuræ, aqueæ, & terreæ eadem sint quæ olim fuerunt salinæ, sulphuræ, aqueæ & terreæ. Ex defectu enim harum conditionum etiam si eadem omninò sit materia, idem numero non erit Corpus. Si nempe partes quæ olim truncum constituerunt, nunc caput & artus efforment; & vicissim si materia capitis & artuum in truncum abeant; vel si materia manuum in pedes, & vicissim pedum in manus convertantur, vel si pes & manus dextra sinistræ manus & pedis locum occupent; & si omnes Corporis partes proprium locum mutent, etiam si sit eadem materia, eadem principiorum proportio, & Corpus Organicum conficiant, idem tamen Corpus non construent, quia nec est eadem manus, nec idem pes, nec caput, neque truncus, ac proinde non erit idem Corpus. Imo etiam si eadem materia quæ olim manum consti-



Art. 13. tuit, nunc etiam manum efformet,, non erit pariter eadem manus, nisi partes eundem omnino situm obtineant, quo olim gaudebant. Si enim particulæ quæ olim extremas manus formarunt, nunc medium manus teneant, & quæ olim erant in medio particulæ, nunc extremas occupent; nec erunt eadem extrema, nec idem medium; ac proinde non erit eadem manus. Nec erunt reliquæ partes sic formatæ eadem quæ olim fuerunt.

Ut redivivus homo sit idem debet constructui ex iisdem principiis.

Præterea, etiamsi eadem atomi eundem omnino locum occupent quem olim occuparunt, si ejusdem non sint naturæ, figuræ inquam, si nempe particulæ quæ olim *salinæ* fuerunt, nunc sint *aqueæ*, quæ olim *sulphureæ* fuerunt, nunc sint *terreæ*, etiamsi eadem sint particulæ quoad materiæ naturam, quia tamen eadem non est earundem figura, eadem non erunt elementa aut principia, sed longè diversa, quia ob diversas figuras diversas habent



bent proprietates & diversos pro-  
ducunt effectus, ac proinde *idem*  
*numero* Corpus constituere non po-  
terunt. Ut enim *Corpus idem nu-*  
*mero* sit, non satis est quod ex *ea-*  
*dem numero materia*, & ex *iisdem*  
*materiæ* particulis denuò confle-  
tur; sed necesse est omnino ut ex  
*iisdem* elementis, seu particulis  
prisca figura donatis componatur.  
Unde advertendum est quòd *aliud*  
*longè est Corpus constare ex eadem*  
*materia*, & *aliud constare ex iisdem*  
*elementis*. Quatuor autem mixto-  
rum Corporum Elementa Terra  
nempe, *Aqua, Sal, & Sulphur*, à se  
invicem non nisi penes figuram tan-  
tùm discrepant, & sola cujusque fi-  
gura peculiaris, *elementi* nomen  
meretur; quare Elementum nun-  
quam potest esse *idem*, nisi eadem  
figura gaudeat, à qua figura peculi-  
aris *elementi* naturam mutuatur. Uti  
autem Elementum non potest esse  
*idem numero*, quod olim, nisi *ea-*  
*dem numero* figura donetur, sic

Figura E-  
lementa  
distinguit.



Art. 13. *Corpus humanum nunquam poterit esse idem numero, nisi iisdem numero elementis constet.* Atque ita ut collecta corrupti Cadaveris miasmata *idem* numero Corpus humanum rursus efforment, non tantum debent esse eadem, quæ olim, numero corpuscula, & eadem primigenia stamina, sed etiam debent habere eandem Elementorum proportionem, eundem omnino respectivum eorundem situm, nec non eandem figuram & proprietates.

Omnes dubioprocul necesse fore fatebuntur quòdeadem numerica materia à dissitis Mundi plagis in organicam formam iterum coacervetur, ut *idem* numero Corpus resurgat. Dicent tamen forsitan quòd non est necesse quòd *idem* numero Corpus resuscitetur, ut *idem numericus* Homo renascatur. Plurimi enim autumant, quòd quoniam omnis materia est ejusdem naturæ, sufficit quòd qualiscunque materia in  
Cor-



Corpus humanum disponatur, ut *Art. 13.*  
*idem* Homo resurgat; modò pri-  
 stina anima huic novo & alieno  
 Corpori uniatur; anima enim, ut  
 ipsi aiunt, sola hominem tanquam  
 forma constituit.

Durum tamen mihi videtur,  
 quòd posset *idem* Homo renasci si-  
 ne eodem Corpore. Si quid enim  
 in redivivo homine resurgit, Cor-  
 pus necessariò esse debet. *Anima*  
 namque *rationalis* resurgere non po-  
 test, quia à Corporis mancipio so-  
 luta, eadem semper, incorrupta,  
 & immutata existit. <sup>d</sup> Resurgit i-  
 gitur quod cecidit, nempe Corpus.  
 Corpus autem ex quavis materia  
 construere, non est extinctum Cor-  
 pus resuscitare, sed novum & alie-  
 num Corpus formare. Quare ut  
*idem* Homo regeneretur, non tan-  
 tùm debet eadem Anima uniri, sed  
 etiam *idem numero* Corpus debet  
 reviviscere. Corpus enim æquè est  
 pars adæquata (ut aiunt) Homi-  
 nis, ac *Anima* seu *spiritus cogitans*.  
 Nec

Corpus est  
 pars homi-  
 nis essenti-  
 alis.



Art. 13. Nec magis Anima potest esse Homo sine Corpore, quàm Corpus erit Homo sine Anima. Si enim *Anima* sola constitueret Hominem,, Anima sine ullo Corpore foret Homo. Ac proinde opus non foret resuscitare pristinum Corpus, neque etiam ex quavis materia novum Corpus construere, ut *idem* Homo renascatur, modo ipsius *Anima* semper existat.

Nec sat erit arguere, quòd omnis materia sit ejusdem naturæ & indolis; ac proinde quòd quodvis Corpus eidem Animæ associatum eundem hominem restituet; nam omnes quoque *Spiritus cogitantes* seu *Animæ rationales*, ut vocant, consimilis sunt substantiæ, ac proinde pari ratione quævis Anima novo Corpore unita constitueret eundem hominem. Sicque, si Ego & Theobaldus meus nunc moriremur,, & post obitum mea statim Anima Theobaldi Corpore denuò animato,, & Theobaldi Anima meo Corpore uni-



uniretur, *Idem* semper Ego forem, *Art. 13.*  
 & Idem foret Theobaldus; quod  
 futile est & ludicrum; nam neque  
 Ego forem idem redivivus, neque  
 foret idem redivivus Theobaldus.  
 Inde adhuc planè sequeretur, quòd  
 ut Darius ante bis mille annos oc-  
 ciscus iterum reviviscat, non necesse  
 foret quod priscum ipsius Corpus  
 aut pristina anima in unum *Indi-*  
*viduum* redeant, sed sat foret quòd  
 nova Anima & novum Corpus cre-  
 arentur; quoniam omnes Animæ  
 rationales seu *Spiritus humani cogi-*  
*tantes* inter se ejusdem sunt naturæ  
 quoad *speciem*; & omnia humana  
 Corpora ejusdem quoque sunt stru-  
 cturæ & speciei. Imo hoc aliud  
 absurdi sequeretur, nempe, quod si  
 quotquot hætenus fuerunt ab Or-  
 be condito Animæ & Corpora hu-  
 mana, nunc in nihilum redigeren-  
 tur, & totidem novæ Animæ &  
 Corpora humana crearentur, invi-  
 cem per paria associarentur, & sibi  
 nuberent: Qui in nihilum redacti  
 sunt

Debet I-  
dem Cor-  
pus & ea-  
dem Ani-  
ma uniri  
ut idem  
Homo re-  
surgat.



Art. 13. sunt homines forent redivivi; quia novæ Animæ & creata Corpora consimilis forent naturæ cum Animabus & Corporibus eorum, qui in nihilum redacti supponuntur. Nova enim Corpora cum simili omninò partium textura, & pari Organorum numero formari possunt. Animæ quoque cum *iisdem* omnino cogitationibus, cum eadem omnino substantia, cum eadem propensione, cum pari conceptuum & cognitionum multitudine & numero, cum *iisdem* prorsus affectibus, reliquisque animi muniis, quoad speciei similitudinem creari possunt.

Anima rationalis non est vita Corporis.

Porro, videbimus inferiùs quòd *Spiritus humanus*, qui *Anima rationalis* perperàm vocitari solet, nulatenus est forma, anima, aut vita Corporis; sed quòd vita Corporis ab ipso Corpore, nempe à mechanica ipsius fabrica, & spontaneis humorum motibus verè & unice dependet sine ullo prorsus *Spiritus humani* influxu aut ope. Corpus enim



enim fœtûs in utero motu vitali *Art. 13.*  
gaudet, antequam Anima rationalis illi cœlitûs infunditur. Unde patebit quòd Corpus humanum est quid per se existens, & vivens sine ulla prorsus à Spiritu cogitante dependentia. Spiritus enim humanus, cùm libero agat arbitrio, vitales seu necessarios Corporis motus non gubernat, sed eos tantùm qui voluntatis imperio subditi sunt; imo hos quoque regit juxta ideas, & affectus, quos ab objectis externis per quinque *Corporis Organa* recipit. Quare tantum abest ut motus Corporis vitales ab humano *Spiritu*, quin imo omnia humani Spiritus munia à Corpore dependent. *Nihil est enim in Intellectu, nisi quod Corporis ministerio per sensus Organa ad callosum cerebri Corpus, tanquam ad sacram Palladis, in qua habitat, arcem advehitur.* Unde quoniam Darii Corpus ante necem substantia fuit ex se existens & vivens, & quoniam  
Darius



*Art. 13.* Darius non potuerat esse Homo sine hoc Corpore, ut *idem* Darius ad vitam revocetur, non satis erit: quòd eadem ipsius Anima redeat, sed necesse erit ut eadem Anima eidem Corpori, pristino nempe probæ suæ vel pravæ voluntatis ministro rursus associetur, ut post longum quasi iter vel exilium in suo iterum domicilio redux mancipetur.

An quodvis Corpus sufficiat ut *idem* homo renascatur.

Qui affirmant quòd, ut mortui reviviscant, satis est quòd Corpus ex quavis materiâ fabricetur, nobis asserunt, ut suam confirment Opinionem, quòd in brevi etiam præsentis vitæ curriculo Corpus nostrum sæpiùs mutatur, & novam ab alimentis indies ingestis accersitur. Continuo enim è toto, inquit, Corpore effluvia foràs exhalant & dissipantur, & novæ particulæ à nutritione suppeditatæ illorum locum replent; unde nutritio, inquit, est continua Corporis nostri regeneratio; ita ut nulla portio-

culæ



cula materiæ, ex qua Corpus me- Art. 13.  
um ante septem annos constabat,  
nunc mecum remaneat. *Idem* ta-  
men sum Homo, etiamsi nunc *idem*  
non sit meum Corpus; ac proinde  
concludunt quòd iidem erunt ho-  
mines è fatis redivivi, etiamsi cum  
pristino corpore non renascantur.

Verùm Ego non video cui fun-  
damento innitatur hæc Opinio; Partes so-  
lidæ non  
dissipantur.  
nulla enim experientia aut ratione  
demonstrari potest, quòd septimo  
quoque anno tota Corporis mei ma-  
teria mutetur aut dissipetur, &  
quòd nova materia ipsius locum oc-  
cupet. Quinimò perspicuè, ni  
fallor, probari potest quòd primi-  
genia infantis stamina ab ortu ad o-  
bitum integra, immutata, & *ea-*  
*dem* perdurant. Fateor equidem  
quòd ab interno jugique fermentes-  
centis sanguinis calore innumera  
corpuscula per habitum Corporis  
continuò evolant, & erumpunt.  
Hinc tamen arguere non licet, quòd  
substantia partium solidiorum in-  
dies



*Art. 13.* dies consumatur; sed quòd volatiles Sanguinis, Spirituum, & aliorum mobilium fluidorum particulae effluant; ac proinde quòd sanguis perenni ab epulis reparatione indigeat, ut transpirantis materiae dispendium ab assumptis quotidie alimentis resarciatur. Quare sedulò observandum est, quòd duplex est praecipue alimentorum usus. Primus, ut humores jugiter exhalantes reparentur, alter ut partes solidae nutriantur. Alimenta in juvenibus hos duos effectus praestant, humores reparant, & partes solidas alunt. Unde Juvenes majorem longe ciborum copiam ingerunt, quàm senes. Dapes verò vix ullatenus senes nutriunt cum mole Corporis non crescant, sed evanescentem tantùm vitæ flammulam pabuli instar oleosi sustentant, & perituram vappescentis sanguinis fermentationem seu calorem foveant. Ut partes solidas, jamdiu satis nutritas, & praë ingruente senectâ flacceffcentes



in debita tantum tensione pro muniis vitæ obeundis conservent. Unde senes tanta ut plurimum non indigent ciborum copia, ac famelici & crescentes in mole Corporis adolescentes.

Etiam si ob æstuosam principorum Sanguinis luctam *Fluida* Corporis, seu humores jugiter evolent, novique humores ab affuso quotidie chylo suppedientur, hisque rursus attritis & evanescentibus, alii novi humores per totum vitæ cursum succedant; solidæ tamen & Organicæ partes eadem semper sunt immutatae; & tantum abest ut substantia ipsarum absumatur, quin imò à nova accedente & adhærente materia ad certum ætatis gradum in molem indies tolluntur majorem. Si enim tanta ipsorum substantia evolaret, quanta accedit, homines viginti annorum molis non forent majoris, quam infantes recens nati. Unde patet quòd non tantum *primæ Organorum fibrillæ* semper persistunt, sed etiam nova materia semper extumescunt. Aut si forte aliquæ paucissimæ particulæ evolarent, illæ potiùs evanescent, quæ post ortum accesserunt, quia laxius adhærent, quàm illæ, quæ in *semine* & in *generatione* delineatas partes constituerunt; quia hæ sibi firmitus

E &



Art. 13. & strictius alligantur. Præterea à circummeunte Sanguine, (nisi acris nimis sit & falsus, uti in phthisicis) tanquam ab irrorante & illinente Balsamo, non tantum aluntur filamenta totius Corporis, sed etiam particulæ ipsorum erupturæ tanquam in visco irretiuntur, & quasi conditæ conglutinantur. Quod manifestum sit ex eo quòd, cessante post orbitum Sanguinis circuitu & reparatione, omnia solidiorum & fluidarum partium principia, *Salina, Sulphurea, Aquea, & Terreæ*, sublato Sanguineo glutine, exalantur, & sui juris facta paulatim exhalant; unde exanime cadaver in putridum quoddam liquamen diffractâ Organorum texturâ resolvitur.

Cæterum, quis crederet quòd solidæ ossa successu temporis mutarentur. Si enim septimo quoque anno materia ipsorum abiret, & nova accederet, ossa adulti viri non tantum forent ejusdem magnitudinis, sed etiam ejusdem mollietiei ac ossa pueri septennis. Videmus adhuc quòd ossa per quædam sæcula post mortem integra & incorrupta perdurant, etiamsi ventis, pluviis, aliisque temporum injuriis, in cœmeteriorum præcinctibus sint exposita; ac proinde multò magis intra carnes & membranas inclusa,



inclusa, & à balsamico cruore irrigata, *Art. 13.*  
per brevem vitæ cursum, nisi virulen-  
ta carie corrosa sint, integra perdura-  
bunt.

Non diffiteor quin tota Corporis no-  
stri moles à Febre ardente, Phthisi, vel  
alio morbo, vel ab aggravante senectute  
sensim extenuetur. Inde tamen in-  
ferre non datur, quòd solidiorum par-  
tium substantia paulatim absumatur. *Quomodo*  
Musculi enim emaciatorum hominum, si *Homines*  
Corporis statura respondeat, non sunt *senio vel*  
minoris molis quàm musculi pinguior- *morbis*  
um. Nam si obesi Hominis Musculi *confecti*  
aqua per vascula injecta lavarentur, & *emacian-*  
à grumoso Sanguine expurgarentur, *tur.*  
graciles evadent. Pingues igitur non  
sunt ideo macilenti quia partium soli-  
diorum substantia consumitur, sed quia  
tota ipsorum pinguedo, quæ in millenis  
folliculis & *vasis adiposis* per totum Cor-  
pus disseminatis continetur, & eadem  
distendit, eliquatur. Unde *vesiculæ adi-*  
*posæ*, quæ ambientes carnes, turgidæ  
ipsæ, tumefecerunt, collapsæ subsi-  
dunt; & cutis in rugas, imò tota Cor-  
poris moles, remanentibus tamen iis-  
dem fibrillis & fibrillarum particulis,  
contrahitur. Cum igitur pateat, quòd  
si non fortè omnes, saltem pleræquæ  
L 2 staminum



Art. 13. staminum Corporis nostri particulae a pueritia ad senectam usque nobiscum persistant, Corpus nostrum toto vitae cursu erit idem immutatum. Ac proinde Homo redivivus ex eodem pristino Corpore, & eadem numero anima rursus constare necessario debet, ut idem, qui fuerat olim, Homo vocitari jure mereatur.

Ut idem  
Corpus re-  
nascatur,  
non neces-  
se est ut  
eadem  
materiae  
quantitas  
resurgat.

Ut autem *idem* numero Corpus humanum denuò redintegretur, non opus est ut tota eadem materiae moles & quantitas, & idem elementarium partium numerus iterum sibi adaptetur & resurgat; sed sufficit ut earundem partium tanta quantitas invicem admisceatur, quanta requiritur Organico Corpori conficiendo; ut enim idem sit Corpus Organicum, non necesse est ut habeat easdem omninò dimensiones, aut molem, aut pondus; sed ut habeat eandem materiam cum eadem *Organorum* fabrica, situ, & numero. Quod ut clariùs elucescat, supponamus amplissimam quandam planitiem in qua ducenta hinc inde hostilis exercitus millia æquo certamine acriùs pugnarunt; esto, quòd post contumax & acre praelium centum mille Homines ex utraque parte perierint. Sepeliantur deinde cada-

vera,



vera, non in uno tumulo, sed per campum passim pro fœcundanda tellure dispergantur; unumquodque cadaver effossâ leviter glebâ cooperiatur. Muro cingatur spatiosum hocce *Cœmeterium*, & in duas partes interpositâ sepe dividatur. Una pars arata fructus & frumenta proferat, altera pascat pecudes; quibus in pascui medio excavabitur fons epotandus. Dubioprocul hic campus humana carne sic saginatus copioso frumento & petulante pecude luxuriabit. Sint plures familiæ quæ per centum aut ducentos annos nullum aliud alimentum fument, nisi quod ex hoc agro desumetur; & quæ præterea solæ totum id alimentum consument, quod ex hoc campo enascetur. Materia seu Elementa corruptorum cadaverum in armenta & vegetantia transibunt, & ex his utrisque in Homines, qui iisdem vescuntur; atque ita substantia, seu Corpora ipsorum, aliqua ex parte ex putrefactis cæcorum Hominum cadaveribus constabit. Supponamus hos omnes post mortem ad vitam redituros. Vel supponamus aliquem *Anthropophagum* humanâ Anthropo-  
phagi. carne toto vitæ cursu pastum, post obitum humi sepultum, & post multa sæcula redacto in pulverem Corpore, ad



*Art. 13.* pristinum vitæ statum rediturum, & reditura pariter Corpora eorum quibuss ipse, & memorati jam antea Homines passi fuerunt. Certum erit quòd velli *Sarcophagorum* Corpora, vel Corpora comestorum Hominum rediviva, aliquid de pristina materia carebunt; ac proinde alterutra cum minori quam olim, materiæ quantitate & mole resurgent. Omnes tamen erunt completi Homines & integris Corporibus donati.

Hucusque probavi satis quòd *Corpus redivivum* ex eadem debet materia constare, ex qua olim constructum fuit; probavi quoque quòd etiamsi ex eadem materia construi debeat, non necesse est quod cum tota eadem materiæ quantitate rursus construatur: Nunc autem paulò altius inquiramus sub qua mole aut magnitudine, *cum qua*, inquam, *materiæ quantitate*, rediturum est. Quod ut solerti indagine conjiciamus, advertendum est quòd alii in utero matris extinguuntur; alii post ortum adhuc infantes pereunt; juvenes alii, alii senes, hi artubus truncati in bello, illi ulceribus & fistulis eliquati; quidam gangrena, carie, lue venerea corrosi; alii tabe emaciati, alii denique internis morbis debellati emoriuntur. Quidam itaque existi-



existimant, quòd Corpora debent re- *Art. 13.*  
viviscere cum eadem mole & cum eadem  
materie quantitate quâcum sepulta sunt.  
Alii verò, imo plerique malunt asserere  
quòd Corpora omnia grandiori & robu-  
stiori mole donata erunt, & cum eadem  
magnitudine & materie quantitate rena-  
scentur, quâcum nos circa trigesimum eta-  
tis annum exturgemus.

Videamus tamen num utraque hæc Corpora  
opinio, aut alterutra, veritatis avidum non resur-  
fatiare valeat. Quoad primam senten- gent cum  
tiam, haud facile quisquam credere po- tota illa  
terit, quòd Corpora nostra resurgent materie  
cum tota eadem materia, aut in eodem qua mori-  
untur.  
statu, cum quibus mortua sunt, & tel-  
luri mandata. Sic enim Anthropophagi  
& comesti Homines cum eadem Corpo-  
rum statura renascerentur, cum qua  
primùm obierunt; quod fieri non po-  
test, ut antea innuimus. Præterea hoc  
modo illi qui artubus erant orbi, &  
quorum substantia ulceribus aut *causti-*  
*cis* humoribus ante obitum erat absump-  
ta, sine quibusdam partibus, aut sine  
tota partium substantia regenerarentur.  
Unde hic sine manibus, ille sine alteru-  
tro pede, alter sine palato, lue venerea  
infecti sine naso, aut ossibus; cæcati  
sine Oculis, & plurimi variis partibus



Art. 13. manci resurgerent; ac proinde ad vitam reduces toto Corpore non forent integri, quod rationi consonum non censebitur.

Secunda quoque opinio rationi arri-  
dere non videtur. Quomodo enim te-  
nelli Infantes, qui cum parvâ Corporis  
mole mortui sunt, cum trigenarii Ho-  
minis statura resurgerent? Magnitudo  
ipforum aut statura augeri nullatenus  
potest, nisi aliena & heterogenea mate-  
ria addatur. Cui autem usui, aut cui  
fini nova materia accerseretur? Ut for-  
san moles Corporis tumescat. Cui au-  
tem usui tanta Corporis moles? Ut  
forsan robustior renascatur Homo. Ad  
quid verò inservit tantum robur & for-  
titudo? Nullum tunc grande opus mo-  
liendum. Nullæ tunc condendæ aut  
muniendæ urbes; nullum bellum ge-  
rendum. Nullæ extruendæ turres.  
Nullæ construendæ ædes aut naves.  
Nulla inaranda tellus. Nullo super-  
ciliorum sudore vivendum. Nulli  
unquam suscipiendi labores. Quid igi-  
tur tam strenuæ prodesse vires?  
Quid opus tanta Corporum redivivo-  
rum statura aut mole? Ut forsán cogi-  
tationes, & reliqua animæ munia meli-  
ùs perficiantur; ut forsán Ratio viva-  
ciùs corroboretur; ut forsán plures

*idea,*

Homines  
non resur-  
gent cum  
trigenarii  
Hominis  
statura.



idea, & rerum conceptus animæ suppetant. Quis verò affirmare audebit, quòd *Animæ vires*, conceptuum nempe, seu cognitionum multitudo, & rationis vivacitas, ex viribus Corporis mensurabuntur? Etii Nani, & Homunciones Gigantibus Corporis viribus, & mole cedant, cognitionum tamen numero non cedunt. Quinimo parvitas Corporis & debilitas exuperante ingenii fecunditate ut plurimum compensatur. Corpus enim nostrum post ortum non extumescit mole, ut Animæ operationes melius peragantur, sed ut debita sit præditum fortitudine; ut arduis, quibus subjacet, laboribus idoneum reddatur. Uti enim *motus quantitas ex quantitate materia*, sic quoque *Corporis robur ex mole Corporis metitur*. Cum igitur redivivum Corpus his non sit amplius obnoxium laboribus, pristina opus non habet staturam aut dimensionem. Cum *Anima* quoque ad Corpus redux, quas novas acquirit ideas aut cognitiones, vel quas olim acquisivit, in rationis normam conjungat, & disponat, easdem sub qualicunque Corporis mole disponere poterit.

Nec urgeat aliquis, quòd *crescente Corporis mole Animæ operationes vividiores sunt*, & conceptuum numerus augetur; non

Art. 13.

Quare  
crescit  
Corpus in  
mole?



*Art. 13.* non ideo enim augetur quia crescit Corpus, sed quia Homo diutius inter Homines versatus est, & Organa sensuum diuturniori tempore objectis externis assuefacta sunt. Quorum objectorum impressiones in quinque Organa, externarum rerum, præcipuè Corporum, imagines Animæ quasi in speculo representant. Cæci enim ab ortu, surdi, & muti, etsi paulatim mole Corporis turgescant, quia tamen sensuum exercitio destituti sunt, nullas rerum ideas concipiunt, aut saltem nullo indicio aut signis sese percipere demonstrant.

Ex his igitur omnibus haud levis conijciendi ansa offertur quòd *παλιγγένετοι* Homines, neque in eodem statu penitus, in quo mortui sunt, neque cum trigennarii Hominis mole aut magnitudine resurgent. Sed judicare fas est, quòd Corpus redivivum omni superflua spoliabitur materie, & tanta duntaxat constabit materiæ copia, quanta requiritur muniis Animæ & Corporis obeundis.

Cum qua  
mole renas-  
cemur.

Hujus igitur ego sum sententiæ quòd mortui renascentur cum eodem Corpore & cum eadem materiæ quantitate cum quâ primò nati sunt, imò forsan & cum quâ in utero generati sunt. Major enim non requiritur materiæ quantitas ut Anima Corpori



Corpori reuniatur, quàm necessaria olim fuit, ut in prima generatione ipsi associetur. Creditur autem ab omnibus ferè sagacioribus viris, quòd *Spiritus*, seu *pars hominis cogitans*, quæ *rationalis Anima* ab ipsis nuncupari solet, *tenello foetus in utero vivescens* Corpori adhuc *pusillo celiùs infunditur*. Si igitur Corpus humanum, sub illa minima mole, in primâ ipsius genesi Animam in sinu suo tanquam in proprio domicilio recipiat & amplectatur, cur non eandem *Animam* Corpus idem redivivum sub pari quoque materiæ quantitate resumat. Unde si Corpora nostra ad vitam reditura sunt, non cum tota illa qua moriuntur materia renascentur, sed tota hac post primum ortum acquisita aliena materie spoliata, cum genuina staminum primigeniorum materia tanquam ex proprio semine iterum formata pululabunt. Quare omnes erunt æqualis magnitudinis, omnes erunt cum iisdem partibus, cum quibus geniti fuerunt, integri Homines, etiam si *Pumiliones* & *μυροσωματα*. Quamvis dixerim, quòd Corpora nostra ex suo semine renascentur; non dico quòd hæc *semina integra & incorrupta* (ut quidam existimarunt) per *plura secula in tehere conserventur*; nul-

lum



Art. 13. lum enim est aliud semen Corporis nostri præter *primaria stamina* in utero matris delineata. Hæc autem omnia stamina & Organa in tellure corrum-puntur; seu quod idem est, in minimas particulas dissolvuntur. Hæ autem particulae sic dissociatae, iterum in pristinum ordinem dispositæ, pristinum Corpus quasi ex proprio semine recondent.

Homo non  
resurget  
cum omni-  
bus parti-  
bus.

Cum ex allatis hactenus argumentis inferre meritò fas sit, quòd *redivivi Corporis* moles minor longè erit quam vulgò fore existimatur; liceat quoque ulteriori scrutinio investigare, an ad minorem adhuc molem redivivum Corpus reducetur. Quare, perpendere necesse erit an cum omnibus partibus, & Organis, quibus nunc constamus, tunc renascemur. Credibile mihi videtur quòd *Corpus nostrum resurget tamùm cum iis partibus quæ ad vitam constituendam & conservandam omninò necessariae sunt*. Hic intra videbimus quòd *vita Hominis in sensu & motu voluntario consistit*, & quòd *vita Corporis humani in respirationis, Cordis, Sanguinis, & fluidi Nervei motu involuntario sita est*. Unde construi iterum debent omnes partes quæ utrique motui, & sensui producendo inserviebant;



bant ; uti quinque *Sensus Organâ, Musculi* omnes, partes quibus Musculi affiguntur, & quæ totam Corporis fabricam fulcri instar sustentabant ; qualia sunt *Ossa & Ligamenta*. Cor quoque, *Arteriæ, Venæ, Nervi, Cerebrum, & Tegumenta* construi iterum debent. Quinque enim Sensuum ministerio Anima debet externarum rerum imagines percipere. Musculorum ope motus omnes, tum ii qui voluntatis arbitrio subditi sunt, tum illi qui voluntatis imperium respuunt, producentur. Necesse est ut Sanguis à redivivo Corde propellatur ; ut propulsus Sanguis in Venis & Arteriis agitetur & circuletur ; ut Spiritus Animales in cerebro secernantur ; ut secreti Spiritus per Nervos ad omnes Corporis partes scaturiant motum & sensum largituri. Ut denique Tegumenta totum Corpus cingendo partes omnes in debito situ, involucris instar, conservent.

Reliqua autem Organa, præter recensitas jam, sine quibus vivere non possumus, partes, in redivivo Corpore superflua forent. Uti sunt partes omnes quæ præparando Chylo, & secernendis à Sanguine humoribus destinatæ sunt. Tunc enim opus non erit alimentis ; unde

Redivivus  
Homo non  
manduca-  
bit.

Art. 13.



*Art. 13.* de opus non erit digestionem aut Sanguinis reparationem; ac proinde nulla fiet humorum recrementitiorum aut excrementitiorum à Sanguine secretio aut filtratio. Cum enim Hominis redivivi Sanguis ab alimentis non reparetur, si fieret humorum ab ipso secretio, tota ipsius massa citò exhauriretur. Hinc sequitur quod non est necesse ut cum Corpore ad vitam reduce *Pharynx, Oesophagus, Stomachus, Intestina, Mesenterium, Pancreas, Fecur, Lien, Renes, Vesica, Partes genitales utriusque Sexus, Thymus, Parotides, Amygdalæ, Glandula Ullæ (præter cerebrum) aut Filira, Adeps, Lymphaductus, aut ulla vasa excretoria, præter Nervos, redintegrentur.* Hæ enim omnes partes in redivivo Corpore nulli omnino inservirent usui.

Redivivus  
Homo non  
respirabit.

Imo neque partibus Respirationi dicatis opus erit, quia regeniti Homines nulla indigebunt respiratione. Ideo enim nos in hac vita respiramus, ut *Spirituum Animalium jugiter evolantium jactura ab aereo pabulo resarciatur, & ut languescens post circuitum Sanguis ab admixto aere attenuetur.* Nullum autem tunc fiet Spirituum aut Sanguinis dispendium, neque partium solidarum à Sanguine nutritio; sed una eademque,



quæ renata est, Sanguinis, Spirituum, *Art. 13.*  
& partium solidarum materiæ quanti-  
tas, incorrupta semper, & in perpetu-  
um immutata *juxta secundam Legis motus*  
*suspensionem*, perdurabit. Quare *La-*  
*rynx, Trachea Arteria, Pulmones, Dia-*  
*phragma, Costæ, Pleura, omnes respiratio-*  
*nis Musculi*, erunt inutilia. Corpus  
itaque redivivum non tantum tota post  
ortum advenâ materiâ, sed etiam ab om-  
nibus sæculentis partibus expurgatum,  
& superfluis Organis, tanquam exuviis,  
spoliatum, ad minimam molem reduce-  
tur & volumen; nec desinet esse totum  
& integrum Corpus humanum, quia  
omnibus partibus in hoc statu ad vitam  
necessariis constabit Homines igitur, qui  
cum<sup>f</sup> *Naturali*, seu ponderoso & crassi-  
ori *Corpore* olim obierunt, cum<sup>g</sup> *Spiri-*  
*tuali* quodam Microsomate seu pulillo  
*Corpusculo*, passerum forsan, imò for-  
san & Muscarum instar, leves maximè,  
agiles, & summè mobiles renascen-  
tur.



## ARTIC. XIV.

*An multiplex potest esse Corporis  
humani Præsentia.*

Art. 14.

Quoniam plurimi hætenus asseruerunt quod Corpus humanum posset esse in pluribus locis in eodem tempore; & alii firmiter affirmarunt quod ne etiam divinitus multiplicari posset ipsius præsentia; haud abs re fore existimavi utrorumque argumenta hîc loci perpendere; ut videamus an cum ratione, aut cum Corporis nostri fabricâ conciliari possent. Quod ut rite peragam, pro fundamento statuo, quod omnia argumenta quæ hætenus allata sunt, ut multiplex Corporis nostri præsentia probetur, non tantum rationi, sed etiam Corporis cujuscvis, præcipue *Organici*, naturæ & structuræ penitus repugnant. Illa autem Argumenta, quæ vulgò solent afferri, ut refellatur ipsius *πολυτομία*, vera & consona esse reperio. Quare juxta modum quo vulgò solet ab utrisque proponi hocce problema, *Corpus humanum in duobus locis nullatenus esse potest.*

Quod



Quod ut clariùs pateat, liceat nobis hic *Art. 14.*  
fusiùs inquirere, quot modis humanum  
Corpus non potest totum esse in pluri-  
bus locis in eodem tempore.

1. *Corpus humanum* sex pedes lon-  
gum, tres pedes in circuitu latum, &  
centum libras grave, nullatenus potest es-  
se cum eodem pondere, cum eadem dimen-  
sione, & cum eadem quantitate materiæ, in  
duobus locis simul. Nec etiam minimum  
Corpus, uti granulum arene, vel auri,  
ex decem atomis vel particulis Elemen-  
taribus constans, potest esse cum iisdem  
particulis integris & indivisis in duobus  
locis in eodem tempore. *Omne enim*  
*Unum, ita Unum est, ita sibi intime præ-*  
*sens est, ita in se indivisum, ita ab omni-*  
*bus aliis verè separatum, ut à seipso re-*  
*moveri, extra se poni, aut à seipso distare*  
*non posset; ac proinde in duobus locis*  
*esse non poterit, nisi successivè, unum*  
*idemque numero Corpus.* Si enim Cor-  
pus centum libras grave fuisset cum eo-  
dem pondere, *dimensione & cum eadem*  
*quantitate materiæ in duobus locis simul,*  
non tantùm idem Corpus foret duo  
Corpora, sed etiam centum libræ forent  
ducentæ. Cum autem pondus Corporum  
ex materiæ quantitate mensuretur, dupli-  
cari aut multiplicari non potest pon-  
M dus,



Art. 14. dus, quin duplicetur, aut multiplicetur materia. Ac proinde centum libræ non possunt fieri ducentæ, nisi materia centum libras gravis addatur.

Fateor equidem quòd Corpus centum libras in uno loco aut tempore pendens, in alio loco aut tempore poterit nihil, aut saltem minùs pendere, (uti in barometris videre est) si à nullâ, aut saltem leviori ambiente materia deorsum prematur. Gravitas enim, aut levitas, aut ullus alius motus non sunt aliquid Corporibus insitum aut innatum, sed exterius tantum ambientium Corporum impulsus; quo impulsu sublato, Corpus nec gravitabit propriè, nec levitabit, sed in inani spatio immobile, & quasi suspensum persistet. Fateor pariter quòd in quodam sensu poterit Corpus esse cum eodem pondere in duobus locis. Si enim Corpus sex pedes longum, & centum libras grave, in duas partes æquales dividatur; & quælibet pars in duobus locis seorsim ponatur; poterit quælibet pars pendere centum libras, si vis deorsum impellens duplò major fiat. Ac proinde illæ duæ partes pendebunt ducentas libras. Unde *Idem* Corpus hoc modo divisum poterit quodammodo esse in duobus locis cum eodem



dem pondere duplicato aut triplicato. *Art. 14.*

Quælibet quoque ejusdem divisi Corporis pars ita expandi potest & rarefieri intus, ut in suo quæque loco sit sex pedes longa, & tres pedes in circuitu lata. Unde idem Corpus poterit quodammodo esse cum eodem pondere & dimensione, nunquam verò cum eadem materiæ quantitate in pluribus locis in eodem temporis momento.

2. Diversæ Corporis nostri partes in pluribus simul Europæ locis seorsim locari possunt. Caput potest esse in Græcia, una manus in Italia, altera in Dania, truncus in Germania, pes unus in Anglia, alter in Gallia; & in diversis hisce locis in debito situ, & in respectiva quâdam distantia extensæ, humani Corporis formam imitari quodammodo possunt. Ex hoc tamen concludi non potest, quòd unum idemque Corpus sit in diversis locis; sed quòd unus ejusdemque Corporis diversæ partes in pluribus locis dispersæ sint. Hic autem non inquirimus utrum Corporis alicujus separatæ partes possunt esse in pluribus locis simul, hoc enim unicuique clarum patet; sed utrum idem Corpus humanum potest esse totum & integrum cum omnibus suis partibus in di-



*Art. 14.* versis locis, & cum omnibus partibus in singulo quoque loco in eodem tempore.

3. Partes Capitis in Græcia, Truncii in Germania, manuum in Italia & in Dania, Pedum in Anglia, & in Gallia, ita expandi & rarefieri possunt, ut in contiguitate quadam respectiva, & symmetrico quodam situ distensæ, unum latè per aera diffusum, rarefactum, invisibile, & quasi umbratile Corpus efformare: quodammodo videantur. Hic quoque Corporis status nostro proposito non respondet. Namque hæ partes sic expansæ neque *Unum*, neque *Organicum*, neque *Vivum Corpus* conficiunt. Ut enim *unum Corpus* efforment, deberent esse unitæ & continuæ; ut *Organicum*, deberent non tantum cohærere, sed etiam in diversas formas & machinulas, Cor nempe, Pulmones, Cerebrum abire; ut *Vivum* denique Corpus construerent, necesse foret, ut non tantum *Organicas texturas* efformarent, sed etiam ut spiritibus & circumeunte Sanguine irrorarentur & moverentur.

4. Pes aut manus Corporis mei in plures minores & adhuc minores partes, quasi in *taleolas*, aut frustula abscindi potest. Unumquodque frustulum  
mutari,



mutari, & disponi potest in Corpus hu-  
manum integrum & vivum. Sicque ex  
uno Corpore humano construi possunt  
plusquam centies centum mille Corpo-  
ra humana integra (etsi *seminei* inftar  
*germinis* exigua forent *μικροσπέρματα*) &  
in centies centum mille Mundi locis lo-  
cari possunt in eodem tempore. Quo-  
rum unumquodque *integrum* erit, & *vi-  
vum* Corpus humanum; & si nova *Ani-  
ma* rationalis addatur, novus erit atque  
integer Homo. Hoc quoque modo non  
concepitur quod Corpus *meum totum* &  
integrum sit in pluribus locis in eodem  
tempore; etiamsi in singulis hisce lo-  
cis integrum sit Corpus Organicum ex  
Corporis mei materia constructum. Si  
enim digitus meus in Corpus Organi-  
cum integrum & vivum mutetur, me-  
um Corpus non erit integrum, sed tan-  
tum pars mei Corporis in diversas tex-  
turas mutato particularum situ conver-  
sa. Nam neque est meum Caput, ne-  
que meum Cor, neque Stomachus, ne-  
que Truncus, neque Artus. Ut enim  
hæ partes sint *meæ*, deberent confici ex  
eadem numerica materia in eundem or-  
dinem disposita, ex qua meum Caput,  
Cor, Ventriculus, Truncus, & Mem-  
bra jam constructa sunt.



Art. 14. §. Plurimi contendunt quòd *Meum* vel *Theobaldi Corpus* potest esse in pluribus locis in eodem momento per *Reproductionem*, ut ipsi loquuntur. Dicunt enim quòd caro, vel *Panis*, in pluribus, imò millenis locis à *Theobaldo* vivente diffitissimis, *converti possunt in verum & integrum Theobaldi Corpus*; ita ut minima carnis alicujus Animalis, aut panis portiuncula, etiamsi pondus unius grani non superet, non tantum convertatur in substantiam Corporis *Theobaldi*, uti solet alimentum vulgare; sed etiam ipsa fiat tota ipsius substantia. Et millenæ aliæ carnis vel panis portiunculæ fiant quoque tota ipsius substantia in millenis Mundi locis à se invicem remotissimis in eodem tempore.

Hoc autem mentem humanam superat, & Corporis viventis naturam evertere videtur. Fateor quidem quòd portiuncula Carnis, panis, imò ligni, aut saxi converti potest in integrum, Organicum, & vivum Corpus humanum; non concedam tamen quòd fieri posset integrum meum Corpus, dum ipse vivo. Nihil enim potest fieri totum meum Corpus, quia totum meum Corpus efformatum est, & vivit. Minima porro, illa carnis, vel *Panis* portiuncula  
tan-



tantam materiæ quantitatem continere *Art. 14.*  
non potest, quantam continet solita Cor-  
poris nostri moles; Unde ut totum me-  
um Corpus efformet, nisi sub minimâ  
mole contineri valeat, nova materia su-  
peraddi debet, ut *creati Corporis moles*  
extumescat. Præterea, si tot *Panis* por-  
tiunculæ, & tanta panis vel alterius ma-  
teriæ massa in tam dissitis, & in tam in-  
numeris Mundi locis in meum Corpus  
converti possent, omnia totius Universi  
Corpora in meum Corpus mutari pos-  
sent, ac proinde totus ipse *Universus*  
meum Corpus fieri posset; quod vix  
quisquam credere poterit.

Cæterum, ille *Panis*, aut caro, non  
potest evadere tota Corporis mei sub-  
stantia, nisi ipsa facta fuisset prius ex  
totâ Corporis mei materiâ; quod fieri  
non potuit, quia Corpus meum cum to-  
ta sua materia adhuc integrum & vi-  
vum est. *Conversio igitur carnis, vel pa-*  
*nis, in Corpus humanum, est potius novi*  
*& alieni Corporis Creatio, quàm vera Cor-*  
*poris mei Reproductio.* Corpus enim il-  
lud ex portiuncula panis constructum,  
non magis potest esse meum Corpus,  
quàm Corpus infantis hodie vel heri na-  
ti potest esse meum Corpus. Ac pro-  
inde meum Corpus in pluribus locis per



*Art. 14.* hujusmodi reproductionem multiplicari nunquam poterit.

6. Demum, Mater, quæ peperit plures Infantes, qui vita fruuntur, non dicetur habere saum Corpus in pluribus locis in eodem tempore; quia quilibet infans non est totum ipsius Corpus, sed *pars tantum*; imò *pars* ritè dici non debet, quia neque Infans, neque *Germe* aut *Semen*, ex quo infans formatur, ulli inservit usui in Corpore Muliebri; sed alienum quodammodo est Corpus propagandæ speciei propriè destinatum.

Etiam si quoque Corporis virilis <sup>a</sup> *Costa* in Corpus Muliebri totum & integrum convertatur, Corpus tamen virile non dicetur esse in duobus locis, quia Corpus Muliebri ex viri *Latere* extractum, etiam si in se totum & integrum sit, est tamen pars tantum Corporis virilis. Præterea, Corpus *Muliebri* novâ Animâ gubernatur, cujus Animæ nutu & imperio, omnes saltem voluntarii motus peraguntur. Unde Corpus Muliebri simul cum suo *Spiritu cogitante* non tantum differt à Corpore virili, sed etiam distinctam personam efformat. Corpus enim Muliebri Animæ suæ nutui subditum, omne viri jus & imperium respuit, nisi quantum connubii Lege obstringitur.

Quum



Quum ante quosdam Annos mecum *Art. 14.*  
 feriò perpenderem, quòd in Humano  
 Corpore nihil reverà sit præter *materi-*  
*am* diversâ figurâ & mole donatam, exi-  
 stimavi, quòd nullus posset esse ipsius  
*Status super naturam*, qui mente concipi  
 non posset. Conciperetamen haud po-  
 tui ullatenus, quòd *idem numero Corpus*  
 humanum cum tota sua materia aut  
 mole posset esse in pluribus locis in eo-  
 dem tempore. Nec etiam ullo alio mo-  
 do hætenus allato multiplicem posse  
 esse ipsius præsentiam reperi. Post-  
 quam autem in *Medicina Principiis* ver-  
 satus, *Materiei naturam*, differentias,  
 & figuras perpenderim; postquam  
*Chymia* ope *Elementares* Corporis hu-  
 mani *particulas*, *Terra* nempe, *Aqua*,  
*Salis*, & *Sulphuris Atomos* inspicerem;  
 postquam *Anatomes* auxilio Corporis  
 humani fabricam ex vasculis & *fibris*  
 vascularibus totam contextam esse re-  
 perirem, postquam in Humorum tex-  
 turam, circuitum, & effervescentiam  
 inquirerem, nec non mirum ipsius ex  
 pulillo *Germine* ortum explorarem, post  
 diuturnum, inquam, per devias Natu-  
 ræ salebras scrutinium, dum fortè de  
 exilibus *Embryonis* staminibus, & de  
 diversis nutritionis gradibus cogitarem,  
 clarè



Art. 14. clarè tandem & perspicuè concepi, quòd  
*Meum vel Theobaldi Corpus, operante Nu-*  
*minis potentiâ, novo quodam, sed unico*  
*tantummodo, & in peculiari quodam sen-*  
*su, ita verè multiplicari posset, ut integrum*  
*& vivum posset esse in pluribus dissitissi-*  
*mis locis in eodem temporis momento, non ta-*  
*men cum solitâ magnitudine. Quam-*  
*vis tamen conciperem quòd Theobaldi*  
*Corpus posset esse in pluribus locis in*  
*eodem tempore vivum & integrum,*  
*concipere haud potui quòd Anima ipsi-*  
*us seu Spiritus cogitans, quòd inquam*  
*ipsum persona, seu totus ipse Theobal-*  
*dus posset esse in duobus locis in eodem*  
*tempore; quin imò reperi quòd unus*  
*Homo non potest esse totus simul in duobus*  
*locis in eodem instanti. Deinde mei dif-*  
*fidens iudicii Opinione hancce pluri-*  
*mis ingenuis, probis, & eruditis viris*  
*patefeci, qui, re penitus discussa, idem*  
*mecum senserunt. Quidam autem ex*  
*illis, qui perspicaciori trutinâ hanc sen-*  
*tentiam perpenderunt, qui eandem cum*  
*stabilitis jam Opinionibus compara-*  
*runt, & ad minutissima quæque ipsam*  
*latius extenderunt, cum à reliquorum*  
*omnium sententia ipsam penitus discre-*  
*pantem reperirent, existimarunt, quòd*  
*novis inter Literatos litibus, bellis in-*  
*te-*



testinis, & nescio, quibus non forsan *Art. 14.*  
*tumultuosis Erroribus* originem daret;  
quare suaserunt & obsecrarunt ut ipsam  
publici juris non facerem; ut itaque  
pacificis ipsorum votis, pacis ipse a-  
mans, responderem, nec tutum aliis,  
nec congruum mihi fore visum est eno-  
datum hocce problema promulgare.

## ARTIC. XV.

*De Statu Animæ secundum  
Naturam.*

**H**Omo non tantum ex *Materia*, seu *Art. 15.*  
*Corpore*, in multiplicem Organo-  
rum seriem disposita, sed etiam ex *Spi-*  
*ritu*, seu substantia quadam cogitante,  
*Anima rationali* dicta, simul unitis com-  
ponitur. Miracula quoque non in hu-  
mano solum Corpore, sed etiam in *Ani-*  
*ma rationali* producta sunt. Quare, ex-  
plicatis Corporis *Miraculis*, *Status Ani-*  
*mæ super naturam* quanta possumus per-  
spiciam illustrare pariter necesse erit.  
Quemadmodum autem necesse fuit sa-  
num & morbosum Corporis humani sta-  
tum prælibare, ut status ipsius super  
naturam elucescat, sic quoque *Status*  
*Animæ*



Art. 15. *Anima secundum Naturam* præmittere hic oportebit, ut clarius innotescant ea,, quæ de *Miraculo* ipsius statu dicturum sum.

Omnes hodie sanioris iudicii Philosophi, ipsa rei veritate convicti, faterii coguntur, quod *Spiritus Hominis*, seu *Anima Cogitans*, ab ejusdem materiâ,, quoad substantiæ speciem, longè discrepat. Concipi enim non potest, quod materia huic nostræ similis *Ideas* seu Rerum corporearum *Imagines* sibi formet, quod *Ideas* easdem simplices in *Rationis* formam conjungat, quod præteritarum rerum recordetur, quod de absentibus cogitet, quod de futuris judicet, quod de abstractis & *Metaphysicis* rerum conceptibus disputet, & de supremi sui Authoris attributis differat. Quare *Spiritus humanus* sublimioris longè indolis, & quasi *Divine Naturæ* particula credenda est. Quid autem *Spiritus* reverà sit, non patet. Sub nostros enim sensus non cadit; illum neque longum, neque latum, neque profundum, neque figura ulla aut loco circumscriptum, neque divisilem, neque ullis partibus instructum, neque ulli sensili materiæ ullatenus similem reperimus.

Anima describi non potest.



Si quis diceret quòd *Spiritus est substantia immaterialis & indivisibilis*, idem est ac si diceret *Spiritus non est materia*; hoc autem veritatis avidum non satia-  
ret, quia denotat tantum quid non sit, non autem quid verè sit ipsius natura. Si enim percontanti alicui, *quid sit materia*, responderetur, quòd est *substantia non cogitans*, dubio procul non foret hoc responso satisfactus, quia genuinam *materiæ naturam* non describit. Quis præterea audebit asserere quòd *Spiritus humanus* non sit sui generis *Υλη*, seu *Materia*? Fatentur enim omnes quòd est *Substantia*, seu *quid per se existens*; Substantia autem omnis debet necessariò habere aliquam suæ naturæ *materiam*, seu ex aliqua re constare; quia nihil potest ex nihilo fieri. Atque uti *Aqua Mineralia & Vegetantia*, *Spiritus vini Aquam*, *Aer ipsum Spiritum*, *Æther aerem*, *Materie subtilitate longe excedit*, sic *Anima forsan rationalis*, *materiæ suæ tenuitate, subtilitate, levitate, mobilitate, agilitate, & pluribus aliis proprietatibus ætherem ipsum longe superare censebitur ab iis*, qui *Materiæ Naturam* in crasso & vulgari sensu non intelligent.

Quidam affirmant quòd *Spiritus humanus* nihil aliud est quam *Cogitatio* seu  
Sub-

Art. 15.

Anima rationalis est sui generis Materia.



Art. 15.

Anima  
non est  
Cogitatio.

Anima  
semper  
non cogi-  
tat.

*Substantia actu Cogitans.* Perperam tamen; quia *Spiritus* semper non cogitat; fœtus enim, infantes recens nati, apoplexiâ correpti, crapulâ sopiti, vel sponte suâ dormientes nullatenus cogitare videntur; nulla namque ratione, nullo indicio, nulla experientia, & quod majus est, nullo ipsorum testimonio cogitare illos probari potest. Quin imo multis argumentis probari potest, quod ab omni cogitatione in somno feriantur. Si enim aliquis in somno vel verno cogitaret, non dormiret propriè, sed suæ cogitationis foret conscius, & vigilaret, (ideò enim homines vigilare dicuntur, quia cogitant) aut saltem ex somno excitatus, cogitationis suæ reminisceretur, uti plerique recordantur somnia. Qui verò ex Apoplexia fortiter reviviscunt, etiamsi caro ipsorum forcipibus fuerit vellicata, & tantum non dilaniata; etsi candente ferro cutis fuerit combusta, pili divulsi, scapulæ cum cucurbitulis incisæ, & etiamsi mille modis fuerint cruciati, nihil tamen aliquando se sensisse affirmant, nec de ulla alia re se cogitasse recordantur. Quare obvium cuique patet quod *Spiritus* hinc semper non cogitat; ac proinde natura ipsius non est *Cogitatio*; sic enim cessante *Cogitatione* periret. Fa-



Fateor tamen quodd præcipua *Spiritus* *Art. 13.*  
*proprietas est Cogitatio*, uti præcipua *Animæ*  
*Corporis* *proprietas est motus*. Quem- *proprietas*  
*admodum* autem *Corpus* aliquando po- *est Cogi-*  
*test esse sine motu*, sic etiam *Spiritus* po- *tatio.*  
*test nonnunquam esse sine Cogitatione*. At-  
 que uti omnes *Corporis* effectus à solo mo-  
 tu, sic omnes *Spiritus* effectus à sola *Cogi-*  
*tatione* peraguntur. Uti quoque supra  
 afferuimus, quodd omnis motus à supre-  
 mo rerum Conditore unicè & immedi-  
 atè, concurrente tamen *Corporum* con-  
 tactu & impulsu, producitur; sic om-  
 nes *cogitationes* & *conceptus* ab eodem  
*Supremo Numine*, adjuvante quidem sen-  
 suum & organorum ministerio, in *Spi-*  
*ritu* excitantur; & diversæ *Anima* *co-*  
*gitationes* sunt totidem ejusdem *Modi*,  
 uti diversæ *motus* species sunt diversi  
*Corporum modi*. Ac proinde non mi-  
 nus absurdum est dicere quodd *Anima* sit  
*Cogitatio*, quàm quodd *Corpus* sit *Mo-*  
*tus*; cum *Cogitatio* & *Motus* pa-  
 ri respectu sint peculiare utriusque  
*Modi*.

Cum itaque *Spiritus* propriè *Cogi-*  
*tatio* non sit, sed *Cogitationis* *author*, se-  
 des, vel subjectum, instituti nostri ra-  
 tio hîc loci postulare ut naturam il-  
 lius ulterius investigemus. Quoniam  
 autem



Art. 15. autem τὸ πνεῦμα nostrum, sive *Spiritus* quinque sensuum, imò sui ipsius scrutinio subijci non potest, sui ipsius captum superat; sicque *Spiritus* ille, qui reliqua omnia capit & describit, sui ipsius naturam describere non potest. Id tantum de Animæ natura scimus, quod

Si non natura Animæ, saltem usus describendus est.

sciamus de ipsa nos nihil scire. Scimus quidem quòd cogitamus, & conscii sumus quòd Cogitatio hæc nobis intus in cerebro insit; quid verò Cogitatio ipsa verè sit, aut quænam sit vera substantiæ cogitantis natura, id penitus nescimus. Cum itaque nullo rationis lumine, aut ingenii acie *Spiritus* Cogitantis naturam detegere valeamus, liceat saltem effectus ipsius, officium, & genuinum usum quanta possumus solertia indagare, ut mutuum Corpus inter & animam commercium clariùs explicemus.

Advertere tamen obiter liceat, quòd cum *Spiritus* nullas supponatur habere partes, molem, aut magnitudinem, nullo unquam loco aut ambiente concava superficie circumscribi posse censetur, sed alicui Mundi puncto immobili & indivisibili, quod mente concipitur, ita intimè præsens esse potest, ut nulli alii Mundi puncto in eodem tempore respondere.



respondeat. *Locus itaque Spiritus erit tantum ipsius præsentia.* Multiplex autem non potest esse ipsius in eodem tempore præsentia. Uti enim hic supra diximus quòd una eademque materiæ particula indivisa, & cum eadem mole non potest esse in duobus locis in eodem instanti, sic quoque idem indivisibilis Spiritus nullatenus potest esse extra se positus, aut à seipso remotus in pluribus locis in eodem momento. Affirmare enim quòd meus Spiritus sit Londini, & Viennæ in eodem tempore, idem est addicere quòd neq; Viennæ est neq; Londini. Viennæ enim esse non potest, quia hic supponitur esse Londini. Londini pariter ratione non existit, quia Viennæ in eodem instanti esse supponitur; aut si in utroque loco in eodem tempore existeret, foret dubioprocul duo Spiritus, & haberet duas liberas & forsan contrarias cogitationes in eodem tempore. Hic enim Spiritus Londini (scæviente nunc Francorum bello) libere posset cogitare de bello gerendo, & alter Viennæ de fanciendâ pace. Unus autem idemque Spiritus non potest unquam esse duo Spiritus, nec potest unquam habere nisi unam semel cogitationem, & non potest cogitare nisi de unica tantum re in eodem temporis instanti; ac proinde

Art. 15.

Anima non potest esse in duobus locis in eodem tempore.

Anima non potest habere duas simul cogitationes.

N

fieri



*Art. 15.* fieri non potest quod de duabus rebus oppositis in eodem momento cogitet. Nec proderit dicere, quod dum hic de Viena cogito, hic & Viennæ sit mea cogitatio; aliud enim est cogitare de Viena, & aliud cogitare Viennæ; aliter enim si nunc de Bello Punico cogitarem, cogitatio mea nunc existeret, & eadem extitisse deberet tempore Hannibalis.

Ut itaque jam tandem *Animationalis* in humano Corpore effectus & Officium ritè detegamus, *duplicem in nobis vitam* observare prius oportebit, *vitam nempe hominis, & vitam Corporis humani.* Vita hominis est mutus influxus Spiritus cogitantis in Corpus, & Corporis in Spiritum; cujus influxus beneficio sensus perficitur, & motus voluntarius. Vita autem Corporis est motus involuntarius Cordis, respirationis, nec non fluidorum perennis circuitus. Omnes huiusmodi motus vitales spontaneos à Spiritu humano, qui anima perperam vocitari solet, produci, hæcenus creditum est. Existimarunt enim quod hic Spiritus cogitans, ut suas operationes efficacius perficeret, fuisset totus in toto Corpore, & totus in qualibet Corporis parte. Jam autem demonstravimus quod Spiritus non potest esse in duobus locis,

Duplex est  
in nobis  
vita, vita  
Hominis  
& vita  
Corporis  
humani.

Anima  
non potest  
esse tota in  
toto Corpore  
& in  
qualibet  
Corporis  
parte.



cis, nec propriè in ullo loco; ac proinde non potest esse totus in quâlibet Corporis parte; forent enim totidem Spiritus, seu, ut malunt, *Animæ* quot sunt Corporis partes. Uni igitur Corporis parti, callosæ nempe cerebri medullæ, seu origini nervorum præsens est Spiritus hicce rationis iudex. Nobis enim ipsis conscii, videmus, quod neque Pes, neque Manus, neque Cor, neque Os, Nasus, Oculus, neque Auris, neque ullam aliud Organum cogitat, sed in nobis verè sentimus quod Cogitationes nostræ, perceptiones, memoria, somnia, deliria, reliquæque Animi Operationes cerebro insunt.

Anima in solo cerebro sita est.

Nunc igitur perpendamus utrum Spiritus hicce cerebri meditullio sic insitus, *Anima Hominis*, vel *Corporis humani*, vel utriusque *Anima* dici ritè mereatur: Humani quidem Corporis Animæ officium aut munus præstare nullatenus potest: concedunt enim omnes quod quicquid hicce Spiritus præstat, sua cogitatione, & ex libero suæ voluntatis arbitrio peragit. Quot autem, amabò, motus in Corpore nostro sine ullo Animæ imperio ex necessitate quadam mechanica peraguntur. In ipso somno, nedum cogitante, mukò minus

Anima rationalis non animat Corpus.



*Art. 15.* imperante Anima, cibi sponte sua in Ventriculo eliquantur. Chylus formicante τὸν ἐντέγων motu per vasa lactea ad Cor propellitur, & in Sanguinem convertitur; Cor ipsum perenni & æquali motu cietur; Pulmones jugi respiratione dilatantur; Sanguis debito fermentationis conflictu atteritur & circulatur; Spiritus Animales in debita copia in corticalibus cerebri filtris secreti. per nervorum canaliculos distribuntur. Brevi, omnes vitales motus in alto sopore ritè perficiuntur. Porro, dum etiam vigilamus, motum Cordis, respirationis, pulsum, & alios naturales motus ex imperio Animæ neque accelerare, neque retardare, multò minus suppressere valemus. Cum igitur non tantum invitâ, sed etiam nedum conscia Anima à *vita Corporis* propagatur, indicium est. tanè luculentum quoddam nutui vel imperio *Spiritus cogitantis* nullatenus subicitur; sed à mechanica organorum structura, & fluidorum motu unicè conservatur. Omnes enim iidem motus vitales in Brutis sine ullo Spiritu cogitante perficiuntur. Tenellam quoque Embryonis humani Corpus in utero Matris vivit, antequam Anima ipsi coelitus immissa est; quia non nisi post quos-

Anima rationalis non est causa motuum vitalium in visceribus.

Vera Corporis vita.



quosdam à conceptione menses ipsi in- *Art. 15.*  
funditur; & tamen ipsum per hocce tem-  
pus vixisse patet, quia Cordis, seu *pun-*  
*cti salientis*, & Sanguinis motus vige-  
bat. Præterea, si infans sine artibus  
cum capite tantum & trunco nascere-  
tur, cæcus, surdus, mutus, & in tota  
cute paralyticus, modo Cordis motus  
& respiratio supersint, vita fruetur, e-  
tiam si *Anima rationalis* nullas exercere  
videatur functiones.

Cum nuper Anno 1694. Varsaviæ in  
aula Johannis Sobiesci defuncti jam Re-  
gis Poloniæ aliquandiu versatus fuero,  
in nemoribus ad Lithuaniam & Russiæ  
confinia sitis à venantibus Sylviculis  
captus fuit inter gregem urforum juve-  
nis Sylvaticus, decem circiter annos na-  
tus, aspectu horridus, & pilis hirsutus;  
qui neque rationis, neque loquelæ, imò  
neque vocis humanæ usu gaudebat: pe- *Stupendus*  
dibus & manibus instar quadrupedis in- *casus in*  
cedebat: nihil cum homine commune *Polonia.*  
habebat præter externam nudæ Corpo-  
ris figuram. Cum autem vultu saltem  
hominem imitaretur, lavacri fonte fuit  
iniiciatus; & à brutorum grege semo-  
tus, humanæ societatis ipsum primò  
tædere videbatur; inquietus enim,  
anxius, & ad fugam propensus erat,



*Art. 15.* quasi in carcere seipsum detineri crediderit : Donec, levatis contra murum manibus, pedibus tandem stare, uti infantes vel catuli solent, edoctus, & dapibus humanis paulatim assuefactus, post longum tempus cicuratur ; & verba quædam raucâ & inhumanâ voce proferre incepit. Interrogatus autem de Sylvestris vitæ cursu non magis recordatus erat, quàm nos meminimus eorum, quæ acta sunt, quando in incubulis vagivimus. Rex ipse, Plurimi Senatores, & multi horum locorum fidei digni Indigenæ, mihi certò asseruerunt, & publica est & indubitata fama in tota Polonia, quòd nonnunquam infantes ab urfis aluntur. Dicunt enim quòd si infans ante fores, vel prope sepem, vel in agro ab incautis parentibus relictus à famelico urso in vicinia pascua summente corripere, in frustula statim discerptus devoratur ; si verò à lactante ursa captatus fuerit, ad urfile vehitur, & inter ursulos, tanquam inter germanos fraterculos, materno quodam amore porrectis uberibus nutritur ; & post aliquot annos à venantibus rusticis aliquando capitur ; uti anno 1669. casus alter huic nostro similis contigit, quem tunc temporis Varfaviæ se vidisse mihi

Puer inter  
ursos altus  
& captus.



mihi hic Londini jam asserit Excellen-  
tissimus Vir Joannes Petrus van den  
Brande Dominus de Cleverskerk ad  
Aulam nostram nunc Legatus Batavus.  
Quem casum fusiùs describam in tractatu  
de Regimine Regni Poloniæ quem brevè  
in lucem sum in vernaculo nostro ser-  
mone editurus.

Nunc quæso cui usui inserviebat Spi-  
ritus huic homini vitam inter urfos de-  
genti inditus. Nullo rationis exercitio  
ipsum gaudere constat, quia sui miseri  
status foret conscius, & ad humanum  
confortium fugeret, aut saltem inter  
homines degens, non foret pristinæ syl-  
vestris vitæ cupidus. Hinc arguere fas  
est quòd hominis sylvatici vita aut ani-  
ma non fuerit ipsius Spiritus, sed quòd  
more Infantis recens nati, more apo-  
plectici hominis vel dormientis, & more  
brutorum vita ipsius à spontaneo Cor-  
dis, & intestino fluidorum motu unicè  
dependebat. Neque alia verè est in  
humano Corpore anima præter illam  
quæ ipsi communis est cum reliquis ani-  
mantibus, imò forsan & cum plantis ;  
*Animantia enim sunt progressiva quadam  
vegetantia. Anima igitur, seu vita Cor-  
poris humani est involuntarius solidarum  
& fluidarum partium motus.* Qui motus

Art. 15.

Quid vita.



Art. 15. non à *Spiritu cogitante*, sed à mutuo utrorumque influxu procedit. Solidæ enim partes à *fluidis* seu à Sanguine, & nerveo fluido moventur; Sanguis vicissim & Spiritus animales à Cordis, aliorumque Organorum impulsu in motum cientur vitalem. Qui motus turbatus, auctus nempe nimis, vel diminutus, morbus vocatur; suppressus autem penitus, *Mors* ritè nuncupatur. Non ideo igitur vivit Corpus, quia ipsi cœlitus demissus est Spiritus cogitans, neque ideo moritur, quia eadem substantia cogitans ab ipso recedit; sed ideo vivit, quia partes solidæ sponte sua & juxta necessarias Naturæ Leges, sine ullo *Animæ* imperio, à fluidis, & fluida vicissim à solidis moventur: Et ideo extinguitur, quia utrorumque motus à veneno, morbo interno, vulnere, aut aliquo casu externo supprimitur. Quo semel suppresso *Spiritus cogitans* suas operationes perficere amplius non potest, ac proinde ab exanimi cadavere, ruptis quasi carceris repagulis recedit. Necessum quoque maximè erat, ut vita nostra ex libero fragilis & ventosæ voluntatis arbitrio non dependeat, ne præ timore aliquando, ira, furore aliove violento Animi affectu, vitales

Quid  
morbus.

Quid  
Mors.



tales Cordis & Sanguinis motus mentis imperio suppressere vellemus, mortemque nobismet ipsis ferocientes inferamus. Sicque *statutas Naturæ Leges* in nostra foret potentia pro arbitrio violare. Quare providus Rerum Conditor pro nostra tutela longæ melius statuit, ut vita Corporis ab ipso Corporis motu, non verò ab inconstanti vindicis voluntatis nutu dependeat.

Non ideo creatus est homo ut vivat, sed ut vivus in reliqua non tantum animantia, sed etiam, quod longè difficilius est, in seipsum imperium exerceat; & ut sui Authoris imperio & legibus sese totum subjiciat. Bruta omnia ex sola materia in plurimas machinulas & elateres disposita componuntur. Homo verò solus non tantum ex materia, sed etiam ex Spiritu, & materia in Organicas quoque texturas formata coalescit. Quoniam itaque jam demonstravi quod materia Hominis seu Corpus ipsius vitam non mutuatur ab influentia *Animæ cogitantis*, sed à proprio & insito motu, operæ pretium videtur hic ulterius investigare quinam verè sit *Animæ rationalis* in humano Corpore usus & Officium.

Duplex



Art. 15.

Duo sunt  
usus Ani-  
mæ in  
Corpore  
Humano.

Duplex est in nobis *Spiritus* cogitan-  
tis usus, *primus*, ut sit *sensûs Author*; ;  
*alter*, ut sit *liberi motus arbiter*; ut in-  
quam ideas habeat & conceptus de suo  
Corpore, & de omnibus ambientibuss  
corporibus tam nocivis quam salubri-  
bus; & ut Corpus in motum agat, ut  
noxia Corpora fugiat, & proficua am-  
plectatur; ut, brevi, Corpus nostrum  
juxta rationis normam gubernet & con-  
servet. Nunc itaque obiter videamus  
quomodo juxta *Oeconomie Animalis* Le-  
ges sensus & motus perficiuntur.

Tria sunt  
instru-  
menta A-  
nimæ.

Ut *Spiritus* rationalis Corpora ex-  
terna percipiat, suumque Corpus li-  
berè moveat, *tres illi subserviunt mini-  
stri*, *Spiritus* nempe *Animales*, quinque  
*sensuum Organa*, & *Musculi* qui habent  
*Antagonistas*. Cor enim, Diaphragma,  
*Musculi* Respirationis, & cæteri, qui  
non habent *Antagonistas*, imperio *Spi-  
ritûs* non subjiciuntur. *Spiritus Ani-  
males* & quinque *Organa* simul, soli  
sensui sunt destinata. *Spiritus anima-  
les* & *Musculi* motui voluntario inser-  
viunt. *Spiritus animales* aërei sunt &  
invisibilis quædam aura vitalis, qui in  
Cerebri glandulis à Sanguine secernun-  
tur, & per nerveos canaliculos per to-  
tum Corpus motum & sensum largituri  
dispen-



dispensantur, & sese habent seduli instar *Art. 15.*

& officiosi nuncii inter Animam, quinque Organa, & Musculos. Animæ enim denunciant, quæ aguntur in Organis; & in Musculis excitant motus quos imperat Anima. Duo autem hic nobis præcipue incumbit inquirere, *quomodo nempe primò Spiritus animales subministrant animæ ideas Corporum externorum,* quæ vel sono suo nervos aurium feriunt, vel colore & lumine Nervos Opticos percutiunt, vel odore Nervos nasales Membranæ pituitariæ vibrant, vel sapore nerveas linguæ papillulas titillant aut vellicant, vel contactu Nervos cutis premunt. Et *secundò, qua Lege iidem Spiritus animales ita nutui Animæ subjiciantur,* ut juxta conceptas rerum ideas voluntarios in Musculis motus ex mentis arbitrio producant.

Prolixum nimis hic foret abditam Spirituum animalium Naturam, diversam quinque Organorum structuram, & genuinam Musculorum texturam describere. Quare satis erit obiter observare, quòd quinque Organa & Musculi omnes, præter Cor, innumeras nervulorum propaggines à cerebro recipiunt; quòd per eosdem nervulos continuo depluunt roris instar à cerebro insensiles



*Art. 15.* insensiles Spirituum animalium rivuli,, sensus in Organis, & motus in Musculis parentes. Ut itaque sensatio fiat,, Spiritus animales ab Organo sensorio ad cerebrum resfluere debent, ut illuc objecti externi imaginem animæ advehant; ut autem motus peragatur, iidem Spiritus animales à cerebro cursu contrario ad musculos in majori, quàm sponte sua solent, copia, ex animæ imperio mandari debent. Nunc igitur breviter videamus qua mechanisimi lege sensus & motus in nobis producuntur.

Quomodo  
fit sensatio  
in quin-  
que Orga-  
nis.

Auditus.

Visio.

Sensatio, *primò*, seu *objecti perceptio*, necessaria quadam *Motus Lege* in quinque Sensuum Organis perficitur. Quoad *Auditum*; *Sonus*, seu aer undulatione quadam vibratus, ab *Aure externa*, tanquam à concava quadam concha collectus, in *Tympanum* irruit, illudque retrò pellit: Tympanum autem sic retrò pulsum appensa ossicula, *malleum* nempe, *incudem*, *stapedem*, & *Os Orbiculare* retrorsum contra nervulum auditorium ponè in *labyrintho* & *ductibus semicircularibus* ad vestibulum *fenestrae ovalis & rotundae* situm, urget, eundemque premit, quam pressionem sequitur perceptio soni. Quoad *Visionem*; co-  
lores,



lores, seu radii luminis ab objecto reflexi *Art. 15.*  
membranam oculi corneam, aqueum, cry-  
stallinum, & vitreum humorem refracti  
permeant, donec ad *retinam*, seu nervum  
opticum in fundo Oculi situm perveni-  
unt, illumque leviter concutiant & pre-  
munt; hæc pressio visionis causa est Quo-  
ad *Olfactum*, ab odoriferis Corporibus *Olfactus.*  
salina exhalant miasmata, quæ nerveas  
naris fibrillas irritant, & comprimunt,  
cujus compressionis effectus est Olfactus  
seu perceptio Odoris. Salia quoque  
vel salina Corporum principia lanugi- *Gustus.*  
nosos nervulorum lingualium villos  
pungendo & comprimendo saporem ad  
cerebrum transmittunt. Corpora quo-  
que cutaneos nervos premendo, solidi- *Tactus.*  
tatem suam vel fluiditatem, asperita-  
tem vel lævitatem, calorem vel frigus,  
figuram, aliasque sensiles qualitates A-  
nimo repræsentant. Omnes igitur *Sen-* *Modus*  
*sationes* fiunt à nervorum contactu & *sensationis.*  
compressione, hoc modo: omnes nervi  
canaliculo exilissimo pervii sunt, per  
quem tubulum Spiritus Animales ad  
omnes Corporis partes jugiter vehunt.  
Quando igitur aliquis nervus compri-  
mitur, meatus ipsius coarctatur, vel  
penitus occluditur; unde *Spiritus Ani-*  
*males* à cerebro defluentes per coarcta-  
tum



Art. 15. tum ductulum iter pergere non possunt, ac proinde undulatione quadam refluere coguntur, & in cerebrum quodammodo respui, ibique sui nervi originem concutientes Animam eorum, quæ in Organo acta sunt, certiore & consciam efficiunt.

Textura  
Musculi.

Quomo-  
do fit mo-  
tus Muscu-  
laris.

Motus quoque *Muscularis* necessario causarum mechanismo producitur. Omnis nempe musculus multis staminibus seu fibrillis cavis constat; omnes hæ fibræ si non in tota sua longitudine, saltem versus medium laxæ, raræ & dilatabiles sunt; per cavitatem cujusque fibræ sanguis jugiter affluens circulatur; & ad quamlibet fibræ fluidum nervorum à cerebro continuo depluit per apertos nervos. Unde fibræ omnes Musculares Sanguine & Spiritibus semper turgidæ, tensæ sunt, & quasi contractæ; contractis autem pari virium robore fibris antagonisticis, pars cui affiguntur, uti malus nautica oppositis rudentibus distracta, flecti, extendi, aut aliqua- versus moveri non poterit, sed in constanti quodam contractionis æquilibrio immota retinebitur. Si autem jussu Animæ major fluidi nervei copia à cerebro demittatur ad unum musculum quàm ad alium, ad extensorem nempe muscu-



musculum, quàm ad flexorem, exten- Art. 15.  
sor geminato contractionis impetu re-  
nitentiam antagonistæ superabit, &  
partem extendet.

Hucusque igitur quanta potui brevi-  
tate perpendi quantum quinque Orga-  
na, Musculi, & Spiritus Animales in-  
ternuncii, sensationi, & motui muscu-  
lari producendis conferunt. Clare  
enim patet, quòd compressis nervis,  
fluitantes in ipsis Spiritus Animales ad  
cerebrum refluere coguntur; & quòd  
demissis iisdem Spiritibus à Cerebro in  
majori quantitate ad unum musculum  
quàm ad alium, musculus qui iisdem est  
magis saturatus & turgidus partem ap-  
pensam ad se contrahere debet. Quo- Imperium  
Animæ in  
Corpus, &  
influxus  
Corporis  
in Ani-  
mam.  
modo autem Spiritus Animales Cor-  
porei ad cerebrum refluentes, rerum  
corporearum imagines *Anima cogitanti*  
*incorporea* communicant, & quomodo  
eadem Anima cogitans ex voluntatis  
sue arbitrio Animales Spiritus ad unum  
musculum potius quàm ad alium in ma-  
jori copia determinet, neque experi-  
mentis Chymicis, aut Anatomicis, ne-  
que ex ullo *Medicinæ* aut *Rationis* prin-  
cipio, neque ulla *Spiritus* cum *Corpore*,  
aut *Corporis* cum *Spiritu* affinitate, ne-  
que ex efficaci ulla alterutrius virtu-  
te,



*Art. 15.* te, neque ex ulla prorsus *Natura* vel *Motûs Lege* mechanicâ deducere possumus.

Ad solam igitur *Supremi Numinis* potentiam & voluntatem recurrere necesse est, ut non tantum motum à Corpore in Corpus transmissum, sed etiam mutuum *Animæ* in Corpus, & Corporis in Animam influxum explicemus. Statuere itaque meritò licet, quòd quoniam Deus *Animam* Corpori, diversas naturâ substantias, connubio quodam simul associavit, *Leges* quasdam, & quasi *pacta conventa* inter utrumque sancivit, quibus *eterno sui decreti sigillo munitis*, in sese mutuo operarentur, uti ex statutis *Motûs* Legibus Corpora omnia reciproco quodam impulsu sese movent. Leges autem Animam inter & Corpus stabilitæ, duæ tantum hæ recenseri possunt.

Nimirum quòd

- 1<sup>o</sup>. *Juxta peculiare in Humano Corpore Motus, peculiare in Anima excitabuntur idæ.*

Et:



Et quòd

2°. *Juxta diversas Anima Cogitationes, & Affectus, peculiare in Corpore motus vicissim producentur.*

Hi autem reciproci affectus & effectus ab Anima ipsa, aut à Corpore, verè non producuntur, sed ab *Illo* solum qui Leges has inter utrumque pepigit. Illius enim solius est Legum tenorem conservare, & Legum mandata exequi, qui *Leges* condidit; ac proinde Supremus Legislator non erit duntaxat *Motus Corporum* & effectuum eorundem causa unica, sed etiam Cogitationum Animæ, saltem primigeniarum, Perceptionum, & Sensationum omnium immediatus Author. Primæ, inquam, Rerum Ideæ, nobis ad præsentiam Rerum ipsarum per quinque sensuum Organa cælitus infusæ sunt. Quando enim primò vidi Elephantem, Anima mea non potuit esse hujus visionis causa, quia sic Anima, cum libero semper agat arbitrio, Elephantem aperto oculo posset non vidisse; motus quoque *fluidi nervei*, aut ipsorum oculi nervorum *vibratio* non potuit in Anima mea primam Elephantis

Uti Deus est Motus immediatus causa, sic & Cogitationis est unicus Author.



*Art. 15.* imaginem natura sua verè depingere, quia cum motus unius Corporis, ut supra innui, non potest esse vera causa cur aliud Corpus moveatur, multò minùs motus fluidi Corporei in re incorporea effectus ullos producat. Unde sequitur quòd motus Spirituum Animalium est tantum *Occasio* cur Anima Cogitet; & Voluntas Animæ est tantum *Occasio* cur Corpus humanum, aut aliqua ipsius Musculea pars à supremo *Motûs* Authore juxta statutæ Legis tenorem in motum liberè cieatur.

Quamvis autem Spiritus noster *primarias Rerum Ideas* sibi ipsi, insita quavis vi, aut virtute propria, formare non valeat, sed illas tantum ex *statutæ Lege* aliunde advenas passiva recipiat; receptas tamen semel ideas simul associare, à se disjungere, in *Rationis* formam illas connectere, unam ideam ex alia inferre, unum velle, aliud nolle, hanc propositionem admittere, illam rejicere, aliasque complexas *Animi operationes*, juxta, imò aliquando contra, recta *Rationis principia*, nunc sibi consonus, nunc interæstuosas *Cogitationum* procellas sibi dissonus & quasi naufragus cum libero *Voluntatis* exercitio producere potest.



ARTIC. XVI.

*De Statu Animæ super naturam.*

**E**Xtra præfixos Instituti, imo Ingenii *Art. 16.*  
mei limites foret, de *Animâ* ab  
extincto Corpore separatâ sermonem  
habere. Quare de cælesti ejusdem, vi-  
vo adhuc Corpori unitæ, supra *Unio-*  
*nis* suæ *Leges* elevatæ statu, propositæ  
*Methodi* Ratio hic tantum tractare po-  
tulat. Cum itaque Corporum status  
super naturam, & *Animæ* Cogitantis sta-  
tum secundum naturam quantâ potui  
perspicaciâ & brevitate illustrare ten-  
naverim; congruum quoque erit *Mi-*  
*raculosos* *Animæ* *Status* pari rationis *Miracula*  
scrutinio in Operis complementum ex-  
plorare; ut uterque *Materia* & *Spiritus*  
status innotescat, & immensa summi  
Conditoris potentia plenius eluce-  
cat.

Hic superius observavi sedulo, quod  
ti Motus Corpori, sic Cogitatio Ani-  
mæ inditur; Atque ita quoniam Cor-  
pus quodvis ex alterius irruentis Cor-  
poris occasione movetur; Anima pari-



Art. 16. ter ex Objectorum externorum quinque: sensuum Organa ferientium, & sui imagine afficientium præsentis occasione cogitabit. Cogitabit igitur Anima de iis tantum objectis, aut saltem ea tantum objecta clarâ Mente concipiet, quæ Sensus Organa percutiunt. Sola autem Corpora Sensus Organa feriunt; ac proinde sola Corpora, non verò Spiritus, claram sui imaginem seu ideam per Sensus nervulos ad commune Cerebri Sensorium transmittent, & Animæ imprimant. Potest quidem Anima de multis Rebus cogitare, imò potest certior esse de multarum Rerum existentia; quarum Naturam, utpote abditam, penitus ignorat, imò non potest non ignorare. Nihil autem perspicue concipere potest, nisi quod mole sua, utcumque exigua, aut materiæ contactu Sensus Organa immediatè afficit. Unde quò diutius Sensus nostri Objectis externis assuefacti fuerunt, eò luculentiori *Conceptuum* seu *Idearum* numero & serie sapiemus. Quare mirum non est quòd Infantes recens nati nullos habent, aut saltem paucissimos *Rerum Conceptus*: Senes verò innumeris Ideis sint cogitabundi. Hæ autem Ideæ non exhibentur Animæ ex innata ulla aut insita

Anima nostra non  
nisi sola  
Corpora  
verè concipit.



sita Organis virtute, sed ex sancitis, *Art. 16.*  
quas suprâ recensui, Sensus inter & A-  
nimam Legibus. Nunc igitur videamus  
utrum everso vel suspenso harum *Le-*  
*gum* ordine, status Animæ super natu-  
ram concipere valeamus.

Dubitandum non est quin Deus, uti  
*Motûs Leges*, sic quoque Animæ & Cor-  
poris Leges, quas ipse liberè stabilivit,  
pro arbitrio, & prout necessitas postu-  
labit, suspendere valeat. Suspensis  
autem semel his Legibus, æquè clarè  
miraculosi Animæ status explicabuntur,  
ac status ipsius secundum naturam jux-  
tas statutas jam ipsius Leges explicari  
possunt. Cum autem hæ Leges præci-  
puè sint quòd affectus Corporis animo  
advehantur, Affectus Animi in Corpus  
influant, & quod Cogitationes Animi  
ab Organis Sensuum dependeant; su-  
spensa duplici modo harum Legum vir-  
tute & tenore patebit,

Quòd,

1<sup>o</sup>. *Anima poterit cogitare sine ulla facta*  
*in Organis Sensuum impressione.*

Leges Ani-  
mæ dupli-  
ci modo  
suspend-  
untur.



## Et quòd

2<sup>o</sup>. *Factâ in Organis Sensuum Impressione,  
Anima poterit non cogitare.*

Quoad primam suspensæ Legis Regulam obvium cuique patet, quòd quoniam Anima, ut suprà probavi, objecta externa non percipit ex efficaci ulla aut insita ipsorum virtute, sed quia ex eorundem præsentium, & Sensûs Organa ferientium *Occasione*, ut in Corporum motu diximus, supremus Motor solâ voluntatis suæ efficaciam objectorum imagines passivæ menti immediate infundit; poterit summus Opifex, uti unum Corpus movere potest sine occasione alterius Corporis impellentis, sine ulla objectorum impressione, imò nè quidem eorundem præsentia, *Rerum Species* Animæ repræsentare.

Unde planè sequitur quòd<sup>a</sup> Homo quivis sine ullo studio, sine ullis præceptis, & sine ullo prorsus Animi labore, poterit, etiam post<sup>b</sup> ortum rerum adhuc omnium penitus ignarus, clario-  
ri



ri longè ingenii lumine multò plura sci- Art. 16.

re, quàm nos innumeris experimentis, fervido rationis scrutinio, diuturno cum hominibus commercio, & continuis lucubrationibus post longam annorum seriem & experientiam addiscimus.

Nec tantùm veram, uti in se est, Rerum

<sup>c</sup> *Naturam* & *Esse* clarâ mente ipse concipere, sed etiam eandem aliis sub aptis diversorum sonorum seu <sup>d</sup> linguarum vocabulis exprimere poterit.

Poterit quoque non tantùm immutabilem Rerum

*Essentiam*, sed etiam mutabiles fluxilium & caducarum Rerum <sup>e</sup> *Effectus*,

& dubios <sup>f</sup> *Eventus* in veraci & apertâ mentis areâ insculptos, & tanquam in fido speculo sine larvâ aut fuce expressos cernere.

Ex eadem Lege poterit quæ ante multa sæcula evenerunt certò <sup>g</sup> dijudicare, & quæ post multa sæcula e-

ventura sunt, certo vaticinio <sup>h</sup> prædicere.

Ex eadem *Suspensa Lege* latentem <sup>i</sup> somniorum, aliarumque <sup>k</sup> *Mysticarum*

Rerum Sensum cæco caliginis velo obductum explicare, & in apertam lucem proferre valebit.

<sup>l</sup> *Spectrorum*, *Lemurum*, aliorumque *Umbratilium*

*Phantasmaton* *Imagines* *Mentis* aciei objici possunt contemplandæ, etsi sen-

Miracula  
primæ Le-  
gis suspen-  
sæ.



Art. 16. suum Organa verè non afficiant. Brevi omnes Rerum<sup>m</sup> Conceptus, qui officioso quinque sensuum Ministerio juxta Statutas Unionis Leges paulatim instillantur, sine ullo prorsus sensuum auxilio suspensis iisdem Legibus à Supremo Legislatore subito infundi possunt.

Miracula  
secundæ  
Legis sus-  
pensionæ.

Quoad secundæ Legis suspensionem patet, quòd uti Anima poterit objectorum Imagines persentire sine ullâ factâ in Organis sensuum impressione; sic factâ in iisdem impressione poterit pari ratione nihil percipere. Unde sequitur quòd, etsi toto Corpore sim sanus, & nullo somno, veterno, aut Apoplexia correptus, possem in clarâ meridie<sup>n</sup> adstantes Homines, aut aliud<sup>o</sup> obvium Corpus apertis Oculis non videre; etsi Aër Tormentorum bellicorum tonitruis totus personet, possem nihil audire; etiamsi Corpus meum unguibus, hamis, forcipibus dilanietur, etsi spinas, aciculas, clavos acutissimos manibus tractarem, & manum in aquam fervidissimam, in Aquas Stygias, imò in medias ardentissimas flammâs comburendam immitterem, possem, quasi in Extasi vel Catalepsi, mente captus<sup>p</sup> nihil



hil omninò persentire. Cum enim, *Art. 16.*  
ut jam supra innui, *Spiritus noster cogi-*  
*tans* objecta non percipiat ex eo verè  
quòd Sensuum Organa percutiant, sed  
quia ex occasione hujus percussione in  
Organis factæ summus ipse Archetypus  
in Anima ideam eorundem excitare dig-  
natur, poterit, suspenso aliquandiu  
voluntatis suæ decreto, nullam ideam,  
aut saltem non nisi peculiarem, Ani-  
mæ infundere: Etiam si mille objectis  
omnia Corporis Organa in eodem tem-  
pore afficiantur. Nec hoc ita stupendum  
est cum ex summa Animi rei alicui ap-  
plicatione, homines aliquando sine sen-  
su & motu, membris rigidi, apertis o-  
culis, tanquam vivæ statuæ, in Cاتا-  
lapsim incidant; uti Philiatro cuidam,  
dum monspeliî moratus fuerim, ex ni-  
mio studio contigit, cujus Affectum ca-  
talepticum in Tractatu meo de *Antris*  
*Lethiferis* obiter recensui. Certum e-  
nim est, quòd, cum Anima non potest  
ullatenus cogitare nisi de unica tantum  
re in eodem temporis instanti, si de  
hac unica re summa cum attentione co-  
gitaret, non poterit ullatenus aliorum  
objectorum Organa ferientium imagi-  
nes in eodem momento percipere.

In



Art. 16. In angusto hujus Opusculi gyro quantâ potui brevitate & solertiâ conatus sum, utrumque *Materiae & Spiritûs*, seu Corporis & Animæ, statum, *Naturalem* nempe & *super Naturam*, non observare duntaxat, sed etiam quanto potui ingenii Acumine concipere, & ad *Vigentes, vel suspensas Legum Motûs Regulas* aptè reducere; ut pateat, quantum vera Medicinæ Principia, firmis *Experientiæ & Rationis* fundamentis, *Chymia*, inquam, & *Anatomia*, tanquam duplici fulcro innitencia, non tantum abditis Rerum naturalium Causis detegendis, verum etiam miraculosis Causarum Supernaturalium Effectibus illustrandis inservire valent. Mihi autem non vacat, nec convenit, ulteriùs progredi; meum enim non est *Motûs Leges cum Morum Legibus comparare*; nec quantum illæ his confirmandis conferunt indagare. Quare, quæ de Naturali & Miraculoso Rerum Statu hætenus proposui, maturo Eruditiorum judicio emendanda subijicio; nec non probis & sagacibus Rerum Sacrarum Præconibus Fidei Mysteriis, patefacto itinere, applicanda relinquo.




linquo. Uti enim *Ipsi* conservandæ  
Animæ Saluti totos se consecrant,  
sic *Ego* restaurandæ tantum Corporis  
Humani Valetudini totum me devo-  
veo.

---

FINIS.

---





Loc

2

v

L

9

Page

2

3

8

11

62

63

69



Loca hæc ex *Bibliis* collecta in  
*Appendicis* modum hic subungi  
volui, ut ad *Notas* per totum  
Librum passim dispersas, suo  
quæque ordine, apte referantur.

Pag.		
2	a	<b>R</b> Om. 2. 14, 15.
	b	Exod. 20. 2 Tim. 3. 15, 16, 17.
	c	Gal. 1. 11, 12, 1 Cor. 11. 23.
		Matt. 28. 19. 19, 20. 1 Cor. 9. 16.
3	e	{ Marc. 16. 20. Heb. 2. 4.
	g	
	f	
	g	{ Heb. 12. 18, 19, &c. Exod. 19. 20.
4	h	Luc. 24. 37, 39.
11	a	1 Thess. 5. 23.
62	a	Pfalm. 72. 18.
	b	Joan. 3. 2. 9. 30, 32, 33, 10. 21.
63	c	Act. 15. 12.
69	a	{ Gen. 1.
	b	

Gen.



Pag.

- c Gen. 5. 24. 2 Reg. 2. 11. Marc. 16. 19.  
Act. 1. 9.
- 70 d Matt. 27. 51.  
e Exod. 14. 21, 22.  
f Gen. 7. 11.  
g Exod. 10. 21,  
h Matt. 27. 52.
- 71 i Joh. 20. 19.  
k Joh. 11. 39, 44.  
l 2 Reg. 5. 14, 27.  
m }  
n }  
o } Luc. 7. 22. Matt. 15. 30, 31. Act. 8. 7.  
p }  
q }
- 72 r Luc. 1. 20, 22. Act. 8. 18.  
f Num. 16. 46.  
t Lev. 13. 3.
- 73 u Luc. 22. 44.
- 77 x Joh. 2. 9.  
y Exod. 7. 20.  
z Joh. 6.  
1 2 Reg. 4. 4, 5.  
2 Exod. 7. 10.  
3 Exod. 8. 16.  
4 Gen. 2. 7.  
5 Gen. 19. 26.
- 82 a Dan. 6. 22.  
b Joh. 1. 17.

Dan.



Pag.		
83	c	Dan. 3.
	d	Exod. 3. 3.
84	e	} Exod. 34. 28.
85	f	
	g	
87	a	Jos. 3. 16.
88	b	Jos. 10. 13.
	c	Act. 5.
	d	Exod. 14. 22.
89	e	Matt. 14. 25. 29.
	f	2 Reg. 6. 6.
91	g	} Act. 1. 9.
	h	
	i	
107	a	Matt. 1. 18.
109	b	Luc. 2. 6.
113	a	Gen. 2. 7.
123	b	} Gen. 2. 21, 22.
	c	
124	d	} Gen. 1. 12, 129.
	e	
125	a	Matt. 28. 6.
128	b	} Matt. 27. 52.
130	c	
137	d	} 1 Cor. 15. 42, &c.
155	e	
159	f	
	g	
168	a	Gen. 2. 22.

Exod.



Pag.

198

a Exod. 35. à v. 30. ad fin. cap.

b 2 Genes. 19. 20.

199

c } 1 Reg. 4. à v. 28. ad fin. Marc. 16. 17.

d } Act. 2. à v. 4. ad v. 12. Act. 19. 5.

e } 1 Cor 12. à v. 4. ad v. 12.

f } 2 Reg. 6. à v. 8. ad 13.

g 2 Tim. 3. 16.

h } Is. 44. 28. Dan cap. 7. 8, 9, 10, 11.

i } Joel 2. 28. Act. 2. 17, 18.

j } Gen. cap. 37. 40, 41. Num. 12. 6.

k } 1 Reg. 3. 5. Dan. cap. 2. &amp; 4. Matt.

l } 1. 20. Joel 2. 28. Act. 2. 17, 18.

m Dan. 5. 25, &amp;c.

n Act. 10. à v. 10. ad 18. Act. 22. 17, 18.

o } Joh. 14. 26. Act. 9. 1 Cor. 12. 9. Heb.

p } 11. Matt. 17. 20. Gen. 22. Exod. 3. 20.

q } 1 Reg. 19. 12. Matt. 3. 17. 9. 35. Joh.

r } 12. 28. Act. 9. 7, 10. 2 Pet. 1. 17.

s } 2 Reg. 6. 18, &amp;c.

t Dan. 3.

201 q Luc. 24. 16.

F I N I S.



Nobili Viro

D. EDVARDO SOUTHWEL

Cl. ROBERTI SOUTHWEL,

Equitis Aurati, sæpius antehac Societatis Regiæ *Lond.* Præsidis,

FILIO, Ejusdem Societatis SOCIO;

Tentamen suum Epistolare

De Secretione Animalis,

BERNARDUS CONNOR.

**T**IBI, Vir ornatè, notum factis est, quod inter varias corporis nostri Partes vix ulla occurrunt Organa, quorum textura & munia ancipites Eruditionum animos magis torqueant, quam *Glandula*. Quoniam itaque plurimi varia, & pauci vera de illis judicia protulerunt, liceat mihi hic, Vir meritif-

A a                      fime,



sime, Tibi, tanti Parentis vestigia frequenti, in meæ erga Te, Patremque, observantiæ testimonium, quanta possum brevitate, proponere, quid de glandularum usu, & de humorum Secretione, post diuturniorem indaginem verissimillimum videtur.

Quid vita  
& quomodo  
conser-  
vatur.

Corporis Humani *vita est mutuus Partium solidarum in fluidas, & fluidarum in solidas partes influxus*; qui influxus a jugi sanguinis circuitu & fermentatione reliquorumque humorum motu conservatur. Sanguis ipse à cordis, tanquam ab hydraulicæ machinæ, motu, in orbem agitur, & agitur motorem suum in motum vicissim concitat. Fermentatio sanguinis ab intestino principiorum ejusdem certamine fovetur. Ex perenni autem hacce particularum sanguinis lucta & conflictu, Elementa ejusdem, salina præsertim, atteruntur nimis, & eorundem paulatim abraduntur anguli, donec fermentationi tandem & calori vitali fovendo inepta redduntur. Quare novæ indies & dissimiles particulæ ab ingestis alimentis in

Necessariæ  
sunt glandulæ  
in corpore  
humano.

ventriculo extractæ admisceri debent. Ne autem à diuturno Chyli accessu vasa sanguifera nimis turgeant, aut disrumpantur, sanguinis ramenta, seu effœta cor-



corpuscula à sanguine secedere debent, ut adventanti *Chylo*, & *fermentationem* inituro, locum cedant; unde innumeræ hinc inde per totum corpus diffusæ sunt *Glandule* seu filtra, in quibus debellati hujusmodi & vappescentes latices secernuntur, hinc foras extra corpus confestim amandandi. Ulti in Renibus copiosa *Urina*, in Glandulis cutis milliaribus *Sudor* & *transpirationis materia*, in utero *menstrua*, necnon in Testiculis *fermentum Viri seminale*, filtrantur. Nec tantum excrementitii, sed etiam utiles humores e sanguine, in sanguinem redituri, colantur. In Glandulis oculorum *Innominatis* *Lachrymæ*, in membrana nasi pituitaria *mucus narium*, in Parotidibus & buccarum glandulis *saliva*, in ventriculo fermentaceus *succus*, in Hepate *bilis*, in Pancreate & Glandulis Intestinorum *Lymphaticus liquor*, cribrantur. Qui omnes humores cum *Chylo* ad sanguinem, tanquam ad primi, ex quo orti sunt, Parentis gremium revertuntur. In variis Corporis partibus pellucidus quidam liquor, qui *Lympha* vocitari solet, secernitur, ad sanguinem pariter rediturus. In glanduloso Cerebri Cortice, & in Medulla Spinali, tenuissimum & invisibile

Diversi  
succu qui  
in glandu-  
lis secer-  
nuntur.



fluidum percolatur, per nervos ad sanguinem, ex quo derivatur, refluxurum, quod *Spiritus Animales* vulgo nuncupari solet.

Coccinei igitur Laticis massa, Oceani instar, qui varios rivulos per ambigiosos *Telluris* meatus ad superficiem ejusdem emittit, eosdemque denuo peracto circulo in suum sinum ebibit, diversos Humores in plurimis colatoriis deponit, eosdem rursus in sui Torrentis gremium absorpturus. Quamvis tamen omnia hæc fluida ex eodem fonte, nempe ex purpurea massa sint oriunda, natura tamen longe diversa sunt; *Silis* enim à *Lympha*, *Urina* à *Semine*, *Spiritus Animales* à saliva, Sudor à Lachrymis, Cerumen aurium ab humore Pericardii & ab Adipe, non tantum juxta sensuum testimonium & scrutinium, sed etiam juxta rationis indaginem, in muniis & usibus longe discrepare videntur. Hic autem animus est quanta possum solertia breviter investigare, quomodo fit filtratio Humorum in glandulis, & quomodo diversi Humores in diversis Colis discernuntur; quod ut rite peragatur, Glandularum structura prius erit obiter delineanda.

Secreti  
humores  
natura di-  
versi sunt.

Plu-



Plurimi hætenus existimarunt quod *Glandula* nihil aliud fuerint quam *vena*, *arteria*, *nervi*, & *alia vascula in nodum vel glomum complicata*. Hæc autem *Opinio* non tantum nullo experimento fulcitur, sed etiam *filtrationis* naturæ repugnat. *Filtratio enim est peculiaris cuiusdam Fluidi à sanguine per Glandulas, quasi per cribra, Secretio*. Concipi autem non potest, quod *vasa*, quæ sanguinem vehunt, utut contorta, ipsa eadem aliquem liquorem à sanguine separant. Sanguis enim ab arteriolæ pilosæ extremo, per mediam *intercapedinem*, in hians adstantis venulæ ostiolum transmissus, nihil sui, aut à se, deponere potest, nisi quamdiu adhuc in arteriola fluit, vel dum in venula gliscit, vel quando ab extremo unius in osculum alterius per medium intervallum præterlabitur. Nullus autem Humor à sanguine adhuc in arteriola contento, aut à venula absorpto, secerni potest. Unde in solo interjacente spaciolo percolari debet. Ibidem quoque filtrari non potest, nisi bibulum & cribriforme occurrat colum seu *Glandula*, per cuius hiantes porulos transire valeat. Innumeræ igitur *Glandularum*, seu *vesicularum*, ut vult *Cl. Malpighius*, multis

*Glandulæ non sunt vasa complicata.*

*Quid filtratio.*



Glandulæ  
congloba-  
tæ & con-  
glomeratæ

tis foraminulis perviarum Myriades, per totam passim Corporis Humanī machinam disseminatæ reperiuntur. Quædam *conglobatis acinis* haud dissimiles, cavarum Partium parietibus *solitaria* adhærent; uti observari potest in membrana Narium *pituitaria*, in membrana internas fauces & tracheam arteriam investiente, in œsophago, in tunica villosa Ventriculi, Intestinorum, in Utero, in basi Cordis, in Cute pro sudore filtrando, & in Carne musculosâ pro fecernenda lymphâ. Aliæ vero Glandulæ in cumulum *conglomeratæ* sunt, & pluribus furculis uni caudici insertis racemorum instar implantatæ adhærent. Uti *Cortex Cerebri, meditullium Medullæ Spinalis, Glandula Pituitaria, Glandulæ Lachrymales, Parotides, Thyroides Glandulæ, Amygdalæ faucium, Thy-mus, Hepar, Pancreas, Renes, Testes, Glandulæ inguinales, Axillares, Mesentericæ Asellii, & Renes Succenturiati*. Omnes Glandulæ extus convexæ sunt, intus concavæ & vesiculares præter Testes; qui soli, ut mihi Romæ, memini, innuit paulo ante obitum sagacissimus Glandularum Scrutator *Malpighius*, vasculares, tubulosi, & in tota longitudine, tibiz instar musicæ, perforati sunt; ut



ut feminale Viri fermentum in contor-  
tis hisce, & quasi serpentinis ductibus  
rectius elaboratum, grande Genera-  
tionis opus efficacius moliatur.

Unaquæque igitur *Glandula est mem-* Quid Glandula.  
*branula cava foraminulis pertusa*, arteria,

vena, nervo, & excretorio vasculo sti-  
pata. Ab arteria sanguinem recipit,  
non tantum ut nutriatur, sed etiam ut  
à sanguine per foraminulas, cribri in-  
stet, peculiarem quendam succum se-  
cernat, & per excretorium ductulum

ad destinatum locum amandet; Vena

residuum sanguinem ad cor revehit,

nervus autem spirituosum fluidum à

cerebro advehit, qui foraminularum

Sphincteres, seu circulares pororum fi-

brillas subiens, eosdem ad debitum to-

num contrahit & angustiam, ut pro-

prius humor non tantum in ea, in qua

par est, quantitate, sed etiam ut sine

aliorum liquorum consortio à cruore

impermixtus, secernatur. Si enim præ

Spirituum Animalium inopia laxata ni-

mis sint Glandularum ostiola, filtran-

us succus purus non erit, sed aliis

fluidis comitatus inquinabitur; unde

effectus evadet, & destinato usui mi-

nus idoneus. Uti in teneris infanti-

bus, & in vietic senibus observare li-

cet;

Uusus spiri-  
tuum ani-  
malium in  
glandulis.



Quare in-  
fantes &  
senes debi-  
les sunt.

cet; quibus, præ virium, seu fluidi ner-  
vei defectu, Glandularum fores nimis  
apertæ sunt & tensiles; unde serum &  
reliqui sanguinis liquores cum fecer-  
nendo succo promiscue præterfluent;  
sicque omnia corporis infantilis & se-  
nilis fermenta longe debiliora erunt,  
& multo segnius operabuntur, quam  
fermenta juvenum; qui vividiori san-  
guinis motu incalescunt, & uberiori  
Spirituum Animalium proventu luxu-  
riant. Hinc digestio, motus progres-  
sivus, & reliqua corporis atq; animi  
munia in senibus paulatim elangue-  
scunt, donec laxata tandem, & ener-  
vata colatoriorum compage, sanguis  
neq; laudabili *Chylo* reparatus, neq; de-  
bita filtratione depuratus, vappescit  
indies; & cessante demum ipsius cir-  
cuitu & fermentatione, mors natura-  
lis, nullis forsan aliunde morbis accele-  
rata, sponte sua furtim obrepit, &  
vitæ terminum præcludit.

Ætas ca-  
duca &  
mors natu-  
ralis.

Quilibet itaq; acinus glandulosus à  
circumeunte sanguine peculiarem suc-  
cum per apertas *laminule interioris* fora-  
minulas in cavitatem suam exugit; quem  
hinc aliorum per appensum & hian-  
tem canaliculum transmittit; cana-  
liculi autem ab omnibus *Glandule con-*  
*glomeratae*



glomerata globulis cavis & cribrosis, tanquam totidem radicali, in unum truncum abeunt, ut sese fortius sustineant, & ut *Atinos glandulosos*, qui aliunde fluxiles forent, in constanti situ alligatos, frænulorum instar, cohibeant. Ubi autem tubuli hujusmodi excretorii strictius sibi cohærent, & transversis aut decussantibus staminibus carneis, & contractilibus, tanquam in retiformibus intervallis, implicantur, & corroborantur; textura Glandulæ firmior longe & robustior erit; hinc est quod *Renes Hepate, Parotides Testibus, Pancreas, Thymus, & reliquæ Glandulæ lymphaticæ glandulosa Cerebri* substantia compactiora sunt.

Textura  
Glandularum.

Ex his itaq; clare percipitur quomodo Humores à sanguine per glandulosa hujusmodi filtra secernuntur; mirum enim non est quod, appellente ad bibulos Glandularum porulos sanguine, Humores quidam per eosdem, tanquam per setaceum, aut per manicam Hippocratis, transcolentur. Stupendum autem videbitur, quod peculiaris quidam humor in qualibet glandula constanter filtretur, quod, inquam, Bili in solo semper Jecore, Urina in Renibus, Semen in Testibus, Lympha

Quomodo  
fit filtra-  
tio.

Quomodo  
peculiaris  
humor in  
qualibet  
glandula  
secernitur.



in Glandulis Lymphaticis, Spiritus Animales in Cerebro tantum, & reliqui Humores in proprio quisq; loco seorsim impermixti fecernantur. Mirum censetur quod Urina, seu *Serum sanguinis*, quæ fluida maxime est, per Hepatis acinos non transeat, cum easdem Bilis, quæ crassior longe est, pervadat. Quare Lympha, quæ tenuis satis est & limpida, vasculares Testiculorum Glandulas non permeet, cum spermaticus succus, qui viscosus est & consistentia crassus in iisdem filtretur; & quare Spiritus Animales, his omnibus longe tenuiores, per Glandulas Salivales, Stomachicas, Intestinales, Nasales, & reliqua totius Corporis filtra pleno alveo non separentur, cum ipsi invisiles per insensiles Corticis Cerebri glandulas & nervulos fluant. Ut itaq; nubilam harum Difficultatum caliginem novo quodam Rationis & Experientiæ lumine abigere valeam, aliorum Sententias circa easdem prius hic obiter recensere necessum est.

An sint  
fermenta  
in glandu-  
lis.

Plurimi asseruerunt *Anatomici*, cum alias rem explicare non valuerint, quod in omnibus Corporis Glandulis diversa hospitantur fermenta; quorum beneficio quælibet Glandula peculiarem fecernit



cernit Humorem. Verum, amabo, ubinam situm erit hoc fermentum? An in cavitate Glandulæ, vel in foraminulis ejusdem? In foraminulis dubio-procul non censebitur habitare, quia vel easdem obturaret, & transituro humori aditum præcluderet, vel appellentis humoris impulsui cedens, in cavitatem Glandulæ retro pelleretur; sicq; Humor à tergo secuturus fermento destitueretur. Præterea undenam hocce fermentum præ Glandulæ foribus sic adstans procederet? Quo filtro à sanguine separaretur? Non potuit à Glandula ipsa secerni, quia nondum cavitatem ipsius intravit; unde manifestum est quod in Glandulæ ostioliis stare non potest hocce fermentum. Nec etiam in Glandulæ cavitate habitare poterit, quia sic secretioni non interviret; foret enim à præterfluente sanguine & secernendo latice remotum; & antequam filtrandus Humor latitans in Glandulæ cavitate fermentum attingeret, foret jam secretus; à sanguine enim per ostiola Glandulæ in cavitatem ejusdem foret prius transmissus, ac proinde post secretionem foret inutile hocce Fermentum.



Fermen-  
tum non  
potest esse  
in cavitate  
ullius glan-  
dulæ.

Præterea in Glandulæ cavitate sistere se non potest hoc Fermentum, quia à Secreto jugiter humore in apertum vasis excretorii ductulum confestim volveretur; sicque liquor pone secernendus fermento privaretur. Porro, quæ via fermentum ad cavitatem Glandulæ primum appulit? Per foraminulas respondebitur? Peculiare autem Fermentum non posset filtrari in una Glandula potius quam in alia, juxta horum medicorum rationem, nisi aliud fermentum peculiare ibidem præextitisset, sicque Fermentum foret seipso prius, ac suæ foret Secretionis Fermentum.

Cæterum, si Fermentum Glandulæ cujusvis in porulis ipsius filtraretur, vel foret ejusdem naturæ cum Humore cui secernendo inservit, vel discrepantis prorsus indolis. Ejusdem naturæ nequit esse; quia Fermentum in Chymia à fermentando corpore ubiq; diversum est; nullum enim fermentum cum seipso fermentationem init, sed cum dissimili Corpore luctatur. Si vero diversæ indolis foret, diversi Humores per eosdem Glandulæ porulos transirent, quod ipsi *Fermenti Glandularis* Fautores asserere non audebunt. Unde plane sequitur quod decantatum  
nunc



nunc in toto Orbe Medico Secretionis Animalis Fermentum neque Experimento ullo detegi, neque ratione concipi potest; cum neque ante Glandularum fores, neq; in Glandularum foraminulis, neq; in cavitate earundem filtrari, neq; residere valeat.

Alii igitur, ut Secretionem Animalem clarius explicent, non opus est, asserunt, ad Fermentum ullum in Glandulis latitans recurrere; sed malunt secernendi liquoris & secernentis poruli conformes figuras statuere; supponunt enim quod aliæ Glandularum foraminulæ triangulares sunt, aliæ pentagonæ, aliæ polygonæ, & juxta multiplicem figurarum varietatem varios quoque Humores secernunt. Partes nempe sanguinis triangulares per foraminulam trigonam, cubicæ per cubicam, quadrangulares per tetragonam, & reliquæ sanguinis particulæ per eos Glandularum porulos, quibus figuræ eorundum adaptari possunt, percolantur. Sicque Bilis in Hepate, Urina in Renibus, Lympha in Glandulis Lymphaticis, Fluidum Nervinum in cinereo Cerebri & Cerebelli Cortice, & reliqua Corporis Fluida ex sancita hacce particularum & porulorum insensibilium affinitate

An conformis sit figura porulorum & humoris in illis secernendi.



nitare & correspondentia in propriis Colatoriis deponuntur.

Hæc pariter Opinio nullo Experimento confirmari, & nulla cum ratione conciliari potest; quin imo utriq; repugnare videtur. Observamus enim quod per quemlibet Glandulæ porulum omnes sanguinis diversarum figurarum particulae permeant. Urina enim, Bilis, Saliva, Semen, Lympha, & reliqui Humores ex peculiari particularum, *Aquæ, Terræ, Salis, & Sulphuris* connubio sub diversa tamen proportionem coalescunt; ac proinde quælibet Jecoris, Renis, & aliorum filtrorum vel minima conglobata Glandula particulas multiplici & discrepanti figura donatas fecernit. Dissimiles enim esse Terræ, Aquæ, Salis, & Sulphuris figuras diversus eorundem Sapor, & discrepantes effectus apprime demonstrant. Si respondeatur forsan quod Bilis, v. g. Elementa Terræ nempe, Aqua, Sal, & Sulphur diversis quidem figuris à se discrepant singula, unita tamen sub certa & peculiari proportionem in peculiarem abeunt figuram à singulorum figura discrepantem & Glandularum figuræ conformem. Verum hæc non arridebit responsio, quia quælibet Bilis molecula,



ex Terræ, Aquæ, Salis, & Sulphuris  
proportione orta, fluida est, ac pro-  
inde in omnes figuras formari potest;  
atq; ita Bilis cum fluxilis sit, non tan-  
tum foraminulis Glandularum Hepatis,  
sed etiam porulorum aliarum omnium  
Glandularum figuris adaptari poterit.  
Unde promiscua fieret omnium Humo-  
rum in qualibet Glandula sine ullo di-  
scrimine Secretio. Præterea fit ali-  
quando quod, obstructo aliquo filtro  
glanduloso, Humor per aliam Glandu-  
lam transit. Sic obstructis in Nephri-  
tide Renibus Urinam sæpe per stoma-  
chum & per os excretam observavi.  
Obstructo Hepate Bilis flavescente co-  
lore Corporis habitum tingit; Me-  
lancholici, qui multum expuunt, pau-  
cam Urinam excernunt. Unde patet  
quod dissimilis adeo non est diverso-  
rum humorum & filtrorum figura, nec  
tam dispar eorundem proportio, quin  
aliquando pro data occasione sibi ada-  
ptari valeant.

Cum igitur indubitatum sit quod in  
diversis Corporis Animantis ( imo Ve-  
getantis ) colis diversi succi secernan-  
tur, & cum hujus discrepantis secre-  
tionis causa supponi non potest fer-  
mentum ullum aut conformis Humoris  
&



Similes fi-  
guræ fumi-  
libus gau-  
dent figu-  
ris.

& Filtri figura, alia nobis excogitanda est ratio, cur tam constans & stupendus effectus producat. Observare igitur liceat quod Fluidi alicujus Corporis Particulæ, si similis sint figuræ & superficiei, sibi associari ambiunt. Sic fluxiles Mercurii globuli in plana superficie rotati, quando sibi occurrunt, sese amplectuntur: Sic aqua per siccum pannum in globulis pariter aspersa, panno non adhæret, sed fluitat, & obviis aliis globulis sese immiscet. Sic Sal Cornu Cervi, Cranii Humani, Viperarum, aut alius sal Animalium volatilis, ex spiritu eorundem in *Vasis Sublimatoriis* igni impositis in altum elevatur, & concavo *Capitelli* vertici in sicca forma affigitur. Sal quoque cuiusvis mixti corporis fixus per lixivium extractus, facta aliqua decocti evaporatione ad parietes vasis in aere frigido in peculiaris figuræ crystallos abit. Sic quando corrosivi sanguinis nostri sales in aliqua corporis parte sistere se, & nidulari coeperunt, uti in Gangrena, Carbunculo, Cancro mammarum videre est, reliqui virulenti sales huc confluent, & crudelius ferocientes tanto ægrotos tormine cruciant, ut si forte, amputata mamma vel



vel parte Sphacelo corrosa, affluxus eorundem impediatur, in sanguine detenti, ad internos Corporis recessus non sine Vitæ periculo nonnunquam recurrunt. In Podagra acidi sanguinis sales ad articulos, iisdem antea aggravatos, à sanguine, in quo aliter forsan morbos foverent, exonerantur. In Febre maligna, aut in Peste, ferale sanguinis Fermentum ad applicatas cucurbitulas aut vesicatoria ex congeneris figuræ suæ similitudine amandatur. Et quemadmodum quædam particulæ sibi adjunguntur ex conformi superficiecularum figura, sic aliæ sibi, ex dispari earundem proportionem, uti *Oleum Aquæ*, associari nullatenus possunt.

Cum itaq; experientia doceat quod consimiles Corporum figuræ eadem conjungant, & dissimiles eadem dissocient, & cum Humorum in diversis Corporis nostri filtris secretorum diversa sit indoles, ac proinde dissimilis particularum earundem figura, diversa earundem textura, & dispar omnino proportio, haud levis conjiciendi ansa offertur, quod *vera ratio cur bilis, v. g. in Hepate, aut alius quivis humor in sua potius Glandula quam in alia filtretur, non est quia similis est pori & humoris figura,*

Vera ratio cur humores peculiares in singulis Glandulis secretantur.

Cc

sed



*sed quia integrantes succi biliosi Partes, seu moleculæ ex peculiari suorum Elementorum proportionē, atque ex consimili textura & figura sibi ipsis facilius uniri possunt, quam moleculis Lymphae, Urinae, aut alterius liquoris; ac proinde per glandulosos Hepatis acinos, quoniam per ipsos primo post fœtus conceptionem in utero filtrari cœpit, ad Vitæ terminum cribrari perseverabit.*

Hoc illustrare facile est Experimento vulgari cum Oleo, Aqua, & Charta Chymicorum emporetica seu bibula celebrato. Oleum Aquæ limpidæ nullo sale aculeatæ affundatur, & spatula, quantum potest, agitatum eidem intime admisceatur. Si animus est Aquam ab Oleo separare, sumatur charta in aquam prius immersa, & in hanc chartam vasi impositam Oleum & Aqua affundantur; tota Aqua per chartæ porulos aqueis particulis jam repletos, relicto pone oleo, transibit. Si vero quis vellet Oleum prius ab Aqua secer-  
nere, charta in oleum immergatur; & nihil præter oleum per poros illius oleo prius gravidos percolari poterit. Eodem modo concipi facile potest quod omnes Corporis nostri Glandulæ, etiam dum adhuc in exiguo pusilli ger-  
minis



minis gyro inclusæ sunt, peculiari li-  
quore saturatæ consimiles tantum huic  
lati succos secernent. Sicque Cere-  
brum Animales tantum Spiritus, Renes  
urinam, Testes Fermentum feminale,  
Jecur bilem, Parotides Glandulæ sali-  
vam, Glandulæ cutis milliares sudo-  
rem, aliæ Glandulæ Lympham, singulæ  
demum, peculiari & diverso destinatæ  
officio, fluida utilia & noxia, ob con-  
formes secreti jam, & jam à tergo sta-  
tim secernendi *Fluidi* figuras, necnon  
ob parem Elementorum ejusdem pro-  
portionem, & contextum, à præter-  
fluente Cruoris massa, tanquam ab in-  
exhausto torrente, per totum Vitæ  
cursum jugiter percolabunt.

Si tamen fortassè purpurei torrentis  
massa peculiari aliquo liquore, uti uri-  
na, vel bile, nimis sit imprægnata &  
diluta, conformes hujusmodi moleculæ  
à luxuriante hocce latice ita à se invi-  
cem divulsæ erunt & remotæ, ut sibi  
immediate per filtrum succedere non  
valeant, sed aliæ redundantis succi in-  
terjacentes particulæ cum iisdem pro-  
miscue transibunt. Sic obstructis in  
*Nephritide* Renibus, & suppresso Urinæ  
profluvio, serum sanguinis per Venti-  
culi & Intestinorum Glandulas, aut per

Ratio cur  
Glandulæ  
aliquando  
alienos hu-  
mores se-  
cernant.



Morbi glandularum sunt Tumores tantum tres.

Quare glandulae non fecernunt Spiritus Animales.

alia Colatoria filtrabitur; unde *Vomit*  
*us*, vel *Alvi Fluxus* forsan sequetur.  
Obstructo Hepate, Bilis flavo *Icteri* co-  
lore Corporis habitum tingit. Sup-  
pressis menstruis, sputum cruentum per  
certas periodos aliquando recurrit.  
Obstructis autem penitus Glandularum  
cavitatibus, vel excretoriis earundem  
ductibus, cavitas à stagnante vel reten-  
ta materia præter modum aliquando  
ampliabitur, & ad molem nonnunquam  
enormem extumebit; uti Parisiis olim ob-  
servavi in Vidua quadam ex *immani Hy-*  
*pogastrii Sarcomate* mortua, in cujus Solo  
utero *Carneam Excrescentiam* duas &  
quadraginta libras gravem reperi. Si  
vero materia in Glandularum cavitate  
detenta, fluida remaneat, *Hydatides*,  
seu *Cystides Vesiculares* liquore repletas  
efformabit. Si spissa fiat, Schirros pro-  
ducet. Si demum obstructas Glandu-  
las nutriat, & nutriendo paulatim di-  
stendat, Sarcomata creabit. Unde om-  
nes Glandularum Tumores ad Hyda-  
tides, Schirros, & Sarcomata, tan-  
quam ad tres tantum Classes reduci pos-  
sunt.

Si quis forte miraretur cur Spiri-  
tus saltem Animales, qui tenuissimi  
sunt, & oculorum, imo mentis aciem  
fu-



fugiunt, per omnes Glandulas sine ullo discrimine cum reliquis fluidis non filtrentur, mirari desinet, quando secum perpendet, quod omnes Glandularum foraminulæ ita suo, vel alieno liquore semper sunt saturatæ & repletæ, quod ne quidem invisili Spirituum Animalium auræ aditum largiri valeant; ac proinde in glanduloso tantum Cerebri Cortice secerni poterunt. Etiam si autem *aereum hocce Nervorum Fluidum* in solo Cerebro, & in appensa Medulla Spinali pleno alveo filtretur, in aliqua tamen, sed pauciori, copia cum reliquis Humoribus, in loculis eorundem & in Principiorum interstitiis fluitantes, per omnes alias Glandulas pertranseunt. Unde fit quod in majori, quam par est, Humorū excretionē, in contumaciori Vomitu, in violentiori Purgatione, in Alvi Fluxu colliquante, in copioso Urinæ Profluvio, in nimio Sudore, in diuturniori salivatione, in immodico Fluore albo, in immoderato Menstruorum Fluxu, in Gonorrhœa tabida, ex nimio Fluidi Nervei & volatiliū sanguinis Principiorum dispendio Vires elanguescunt, &, non sine Vitæ periculo, nonnunquam prosternuntur.

Quare nimia evacuationes debilitant.

F I N I S.



---

## LECTORI Admonitio.

**H**asce duas, quæ sequuntur, Epistolas ex Anglico Idiomate ab eruditis D. G. B. & J. W. Studios. Oxon. in Latinum conversas huic Operi Appendere hisce de causis visum est. Quoniam scilicet isti, quæ mox subjicietur, novo Oeconomiae Animalis Exemplari, tanquam fundamento, tota hujus Libri ratio immititur; & ut etiam Tabula isthæc, utpote compendiosa admodum, aliis, in Disquisitionibus suis habendis veluti norma præsto sit, quicumque hujusmodi posthac Exercitationes instituent.

---

Epistola



# Epistola à Literato

Quodam *Cantabrigiensi* data ad

BERNARDUM CONNOR, M.D.

*Londin.* de Prælectionibus suis

*Chymicis & Anatomicis*

Oxonii habitis Ann. 1695.

VIR DIGNISSIME,

Quanto cum applausu, quantaque  
omnium comprobatione Anato-  
micas tuas, Chymicasq; Prælecti-  
ones *Oxonii* nuper habuisti, hic audi-  
tum est. Ut etiam vota omnium &  
communimos explevisti, cum nonnullas hu-  
iusmodi Exercitationes *Parisiis* aliquot  
abhinc annis instituisti, ab oculatis qui-  
busdam testibus, qui & ipsi quoq; per-  
scrutandæ Naturæ non inanem dede-  
runt operam, mihi insuper innotuit;  
ex quo Te, quippe cui Germaniam,  
Ita-



Italiam, Poloniam, Belgiumque peragranti cum Malpighio, Bellino, Redo aliisque; celeberrimis ibi gentium Medicis familiaritas intercessit, recondita Medicæ Artis Arcana penitus indagasse nullus dubito. Illas etiam *Dissertationes* tuas *Medico-Physicas*, ubique referentes Autoris Ingenium, *Oxonii* nuper excusas de *Antris nempe Lethiferis, noxiis Exhalationibus, Venenis Subterraneis, De montis Vesuvii Incendio*, aliisque stupendis Naturæ Phænomenis summa cum delectatione perlegi. Hisce de causis mihi met ipse persuasi Te non modo *Chymiam Anatomiamque*, feliciter excoluisse, sed Rationem porro quandam excogitasse, qua potius es alios etiam has Artes multo citius, quam usu venire solet, edocere; quam mihi hac in parte persuasionem confirmarunt. Amici cujusdam *Oxonienfis* Literæ. Non ipse quidem hic loci unicus is sum, cui maxime in votis est, ut aliquot saltem Menses apud nos etiam agas, modo continuæ tuæ hoc à Te impetrari sinant Occupationes: Turba mehercule sumus, qui nobismet, ut primum æstate jam nunc elapsa de tuo ab *Oxonio* discessu percrebuit fama, præpropere tuum ad nos adventum gratulabamur.

Cum



cum autem tua Te Praxis *Londini* occupatiorem habeat, quam ut pari beneficio *Academiam* quoque nostram obstringas, *Schedulam* saltem de instituta *Exercitationum* tuarum *Methodo* à Te exorare fas sit. Lubens etiam rescirem, siqui Te prælegentem audire cupiant, an Te *Londini* publicis hisce *Studiis* vacare sinant Res tuæ. Hanc à Te *Gratiam* plurimi petunt, at præcæteris,

*Tui Observantissimus,*

*Cantabrigia,*  
id. Octob.  
1695.

C. P.

---

Dd

CON.



---



---

# CONNORI Responsio

In qua Novum suum

*Oeconomiae Animalis*

Exemplar Exhibet.

**Q**uicquid, Vir eximie, propter nimiam tuam in me Benevolentiam, in meas aut Libelli mei laudes prædicare libuit, id prorsus humanitati tuæ dandum est, nec aliud quicquam Tibi reponam quàm quod pro virili mea semper enitar ut non de ingrato bene meruisse videaris. Oxoniensi Amico tuo plurimum debeo, quod de me adeo honorifice loquutus est, & nullam usquam Academiam me magis humaniter accepisse gratissimo quidem animo fatendum est.

Ut vero non ea Te lateat Methodus, qua rerum harum cupidos ad interiorem Humanæ fabricæ, temperamen-



mentorū, morborūq; notitiā rite  
perducendos suscepi, en! Tibi totius  
instituti rationem.

Hominem inprimis considerare libet,  
veluti quiddam à Spiritu & Materia  
compositum: cum autem circa hanc  
tantum versetur Ars Medica, Corpus  
Humanum propius intueri visum est,  
ejusque fabricam ab aliorum Animā-  
tium constructione haud absimilem esse  
expertus novi. Ut vero nihil prorsus  
Hominis nos fugiat, non solum exami-  
ni subjicienda sunt illa quibus extructus  
est Membra, sed ipsa circum ubiq; cor-  
pora, quotquot eum quoquo modo af-  
ficiunt, aut quicquam ei conservando  
subministrant, accurate perscrutanda  
sunt. Cum igitur Animalia, Tellus,  
Aer, Planetæ, Sol & Stellæ sint suo  
quæque modo ad vitam humanam op-  
pido necessaria, in totum ideo Mundi  
Systema & Elementa, easque præser-  
tim Qualitates, quæ Sāluti humanæ of-  
ficere vel prodesse possunt, penitus  
inquirendum est. Trium etiam mix-  
torum, Animalium nempe, Vegetan-  
tium & Mineralium, Natura diligen-  
tissime prius est excutienda, quam po-  
terimus Generationis, Nutritionis, fa-  
ni morbosique status, & Mortis de-



mum causas aliqua saltem tenuis investigare, aut, sic uti par est, explicare miram illam fabricam, Mechanicos Hydraulicosque motus, Præparationes Chymicas, aliaque non innumera minus quam stupenda Corporis Humani Phænomena.

Methodus igitur ea mihi videtur optima, quæ à prævia majoris Mundi disquisitione ad hujusce minoris examen analytice progreditur. Ut rite igitur hoc Opus ordiamur, per Experimenta Chymica Elementa rerum inprimis sunt indaganda, præsertim vero particularum istarum figuræ qualitatesque, quæ Corporum omnium mixtorum, & ipsius præcipue Sanguinis, sunt Principia. Medicorum hac in parte incuriam (nec adeo tamen alte latent isthæc Principia, ut erui nequeant) novos Philosophiæ Naturalis & Artis Medicæ progressus impediisse nemo inficias ibit. Hoc enim ita mihi persuasum est ac quod maxime, neminem usquam fore, modo rem secum recte perpenderit, omnesque corporum operationes ad Naturales tantum Causas absque Miraculorum ope retulerit, qui non mecum illico sentiet, posse nimirum morborum causas atque



atque remedia non incassum ad examen  
vocari; adeoque protinus evanescet  
decantatum isthoc Axioma, *Medicina*  
scilicet *nihil inesse Certitudinis.*

Etsi non adeo sim amans mei, ut exi-  
stimem memet unum integram eam &  
perfectam omni ex parte Methodum  
excogitasse, quam apprime necessariam  
duco ad recludenda magis recondita  
Naturæ arcana; at sperare tamen fas  
sit *Tabulam* mox subjiciendam, juxta  
quam meas Oxonii Prælectiones insti-  
tuebam non prorsus inutilem fore.

---

Nova



Nova Tabula  
Oeconomiae Animalis  
Demonstratae

OXONII primum, Ann. 1695, dein  
LONDINI, & tandem CANTABRIGIÆ Ann. 1696.

1. **D**E Elementis, Fabrica & Systemate Mundi, & de mutuo partium ejus nexu & dependentia.
2. De Corporum terrestrium Elementis, ubi (post Chymica quaedam Experimenta) ad Examen vocantur Natura, Proprietates, Figura & Effectus Terra, Aquae, Salis & Sulphuris, uti & Animantium, Vegetabilium & Mineralium Ortus.
3. De Corporis Humani fabrica, ejusque in partes solidas & fluidas divisione, ubi de solidarum praecipue Partium Natura & contextu.
4. De Fluidis Corporis Humani Partibus; de Natura, Principiis, Fermentatione, & Circultu Sanguinis, de Febre, de Nutritione;



tionem ; de Temperamentis ; de variis Humoribus in Sanguine contentis ; ubi etiam de Juventute, Senectute & Morte.

5. De Sanguinis reparatione ; de Chylo, Vasis Lacteis & Ductu Chylifero ; de Masticatione, Digestione, & Fermento Ventriculi ; de Precipitatione seu Separatione Excrementorum a Chylo ; ubi de Oesophagi seu Gula, Ventriculi, & Intestinorum structura ; de Motu Peristaltico & Antiperistaltico ; de Glandulis ; de Mesenterio ; de Lympha, Vasisque Lymphaticis.

6. De Cordis Fabrica, Motu & Usu ; ubi de variis Pulsuum generibus ; de Polypo & Deliquio ; Nova item affertur Hypothesis de Cordis Motu, & de Sanguificatione.

7. De Arteria Trachea, Pulmonumque structura ; ubi de Respirationis Usu & Causa ; de Pleuritide, Phthisi, Asthmate ; Natura etiam Aeris, Nitri, & Spirituum Animalium, aliter quam hactenus, explicatur.

8. De Præcordiis seu Vasis Sanguiferis Cordi appensis ; ubi de Venarum ac Arteriarum Structura, Motu, & Differentia.

9. De variis Venæ Portæ, & utriusque Cavae, Propagininibus.

10. De utriusque Aortæ per totum Corpus propagatione.

11. De



11. De Cerebro & Cerebello; ubi de Generatione ac Motu Spirituum Animalium; de Perceptione, Somno, & Vigilia; de Deliriis, Mania, Phrenitide; de Anima in Corpus Influxu & Effectu; ubi de Sensatione & quinque Sensuum Organis.

12. De Oculo, Lachrymis, Ductibus Aqueis & Nasalibus; de Visione, Luce, Coloribus, Cacitate, & praesertim de peracuto quorundam Animantium Visu.

13. De Nasi Fabrica; de Membrana Pituitaria; de Muco, Olfactu, & Sternutatione; de mutuo Nasi & Linguae Consensu.

14. De Lingua, Palato, & Gingivis; de Motu & Musculis Linguae; de Gustu & Voce.

15. De Larynge, de Mutis, Pharynge, & Osse Hyoide; de Amygdalis, Salivatione & Saliva; de Parotidibus, Gargareone, siti, deglutitione, &c.

16. De Taetu, Cuticula, Cute, Pilis, Glandulis Milliaribus; de Corpore Reticulari & Mucoso; de Pinguedine, Transpiratione, Sudore, Scabie, &c.

17. De Aure, Aquaductu, Auditu, Surditate, &c.

18. De Fabrica, Numero, & Usu Nervorum; de Motu & Sensatione; de Pari Vago, & Nervis Intercostalibus per tota

Pecto-



*Pectoris & Abdominis Viscera diffusis.*

19. De Structurâ, variisque Musculorum figuris; de Fibris Vascularibus; ubi de Motu Musculari, Naturali & Spontaneo; de Pandiculatione, Oscitatione, Saltatione, Natatione, & Volatu; de Motu Convulsivo, Tonico, Systolico, Epileptico, &c.

20. De Hepate, Bile, & Pancreate; ubi de Bilis & succi Pancreatici Secretione, & Motu, eorundemque cum Chylo mixtione. De colico dolore.

21. De Glandularum omnium Naturâ & Differentiis; de variis Humoribus, qui Excrementitii & Recrementitii nuncupantur, Filtrationibus.

22. De Lienis Usu & Structurâ; ubi de Melancholiâ, de obstructionibus, &c.

23. De Renibus, Glandulis Atrabilaribus, Tubulis Urinariis & Vesicâ; ubi de Sero Sanguinis, de Urina Colore ejusque Contentis; de Calculo, Arenis, &c.

24. De Corporis Fulcris, sive de Ossium structura, Lamellis, Fibris, Cavitate, Medulla, de Ossificatione, de Apophysibus, de Ligamentis, Articulis, Podagra, Rheumatismo, Rachitide, &c.

25. De Partibus Viri Genitalibus; de Naturâ & formatione Seminis; ubi de

E c

E f



*Effectibus ejus in Utero Muliebri, de Eunuchis, Gonorrhæa, Lue venerea, &c.*

26. *De Partibus Genitalibus Mulieris; de Ovis & Ovario; de Generatione, Conceptione, Prægnatione, Fluxu Menstruo, Partu, Monstris. Quomodo Mulier Lue venerea inficitur & inficit. De Sterilitate.*

27. *De situ, Nutritione & Involucris Embryonis in Utero; de Vasis Umbilicatis, Secundinis, de Vi Maternæ Imaginationis, & de Modo peculiari Circuitûs Sanguinis in Fœtû.*

28. *Animadversa quedam de Anima & Corporis Unione.*

In hæcce Tabula, Vir Erudite, post varias Mundi Partes suis quasque locis explicatas, ipsaque Corporum Principia ad Chymix examen vocata, Corpus denique Humanum in solidas fluidasque Partes distinctum vides. Prius autem quàm solidas singulatim Partes perscrutarer; me neutiquam abs re facturum existimavi, si ope Chymix Humores omnes, præsertim verò Principia Motusque Sanguinis, qui quidem totius Corporis est quasi *Primum Mobile*, diligentius explorarem. Quam ob rem scire necessum est, quâ ratione cibus

Con-



concoctus in Chylum, & Chylus itidem in Sanguinem abit; quo etiam modo, Sanguine in Ossa & Carnem indurescente, perpetuis Alimentis reparanda sunt ejus dispendia; quo impetu Cor micat, assiduumque in Sanguine motum ciet, qua vi Sanguis iste è Corde mox expulsus, & Pulmonum tandem Aëre rarefactus, per Arteriarum ductus in omnes Corporis partes derivatur, & ab iisdem ad Cor tanquam ad Vitæ fontem per Venarum denuò gyros recurrit. Ut autem pro certo habeamus quo Modo Sanguis in omnes Corporis partes usquequaque diffluit, quasque longo tandem Circuitu formas subit, ipsis oportet oculis variam omnium Corporis partium fabricam perlustrare, Sanguinisque ad Cerebrum usque Canales investigare, ubi Spiritus Animales eliciuntur, qui jugi Motu Ideas, cerebro prius impressas, Animæ subministrant, & inde per Nervos in omnia Corporis Membra sese dispergentes, in Musculis motum, in quinque Organis sensationem excitant, quibus ad Animam transfertur cujusvis externi Corporis Species. Hunc inde Sanguinem in Glandulas omnes insector, ubicunque superflui Humores exonerantur; in



Jecur, ubi Succus Biliolosus fecernitur ; in Lienem, ubi motus ejus tantisper retardatur ; in Renes, ubi Particulas quasdam serosas deponit ; in Testes, per quos percolatur glutinosus quidam, & oleaceus Liquor, quem *Semen* cum vulgo nuncupare fas est. At ipso tandem Homine satis perspecto, placuit accuratius expendere isthoc providæ Naturæ Artificium, quo speciem suam procreare solet, & alterum sui similem generare.

Homo, quod nunc iterum dico, è duabus Substantiis, Animâ scilicet, & Corpore, conflatur. Anima Rationis ope Corpus conservat, idemque per Motus Voluntarios dirigit. At Corpus vicissim Animæ subministrat Rerum Corporearum Ideas. Vita Hominis est Convenientia quædam, ac mutua Corporis Animæque Necessitudo. Vita verò Corporis est Naturalis Spirituum & Sanguinis Motus, quo paulatim deficiente Mors tandem obrepit. Quicquid habent vitæ motûsque solidiores Corporis Humani partes, totum hoc Sanguini & Spiritibus acceptum ferunt ; nec sanè Sanguis & Spiritus ullum sibi motum proprio jure vindicant, nisi quem iis summus rerum Opifex juxta san-



fancitas Naturæ Leges indidit. Ut verò conservetur mutuum hoc Corporis Animæque commercium, omnes Corporis Humores & Organa rectè se habeant necesse est; non enim Animæ dissociatio, quæ tamen opinio apud plerosque invaluit, sed eversa Organorum Humorumque Dispositio Corpori mortem accersit. Prius enim moritur Corpus, quàm avolaverit Anima; cujus excessus non aliud quidquam est quàm intimi sui mutuique cum Corpore consortii dissolutio, quippe quod omnis inibi Motus planè defecerit. Integram hanc Corporis habitudinem lædunt labefactantque Morbi, qui, Sanguini primùm insiti, sensim in solidas sese partes insinuant, eæque contagio inquinatæ, novâ vicissim peste Sanguinem inficiunt. Etiam si verò nihil unquam Contagii tibi Sanguinem polluat, nec ullis unquam morbis intabescas, nihilo tamen minus, Partibus tandem solidis à diuturno jugique Humorum circuitu relaxatis nimium, & attritis, (qui Corporis habitus sibi *Senectutis* nomen asciscit) juxta Naturæ Leges moriendum est.

Non telatet, Vir Egregie, diffusum hoc & sublime Argumentum universam quodammodo Mundi molem complecti.

Nec



Nec te nescire vellem, esse mihi in animo, in Eruditorum eorum gratiam, quibus curæ sint Medicæ Disquisitiones hyeme jam instante publicas iterum *Prælectiones* hic Londini habere : in quibus, post prima Rerum Principia, secundum *Tabula* meæ Rationem, Chymicè investigata, Cultro deinde Anatomico totam Humani Corporis fabricam ipsis oculis subjiciam. Cave igitur expectes me in omnes singulatim partes hîc fusiùs expatiaturum. Fas sit hoc Operis missum facere, donec Res hasce novis Experimentis accuratiùs exploravero, ac tum forte Tibi quædam aut nondum, aut minus Observata in manus dabo, quæ Tibi oblectamentum, Arti Medicæ lucem forsan afferant, ad quam promovendam omnes perpetuò Nervos Curasque intendet

Lond. 4<sup>o</sup> Non.  
Nov. 1695.

Tui Studiosissimus,

*Bernardus Connor.*

F I N I S.

---

Rerum



## Rerum Elenchus.

### ART. I. De Statu Corporis, præcipuè Organici, secundum Naturam,

<b>D</b> uæ Naturæ Leges, Leges Motûs & Morum,	p. 1.
Natura Materiæ,	p. 2.
Materiæ Species,	p. 4.
Materia est solida, unde impenetrabilis,	p. 5.
Quid Corpus Inorganicum,	ibid.
Quid Corpus Organicum,	p. 6.
Tres Corporis Humani Status,	ibid.
	p. 8.

### ART. II. De Statu Corporis Humani secundum Naturam,

Tres Hominis partes,	p. 11.
Spiritus non est Anima,	p. 11.
Animæ Natura & Officium,	ibid.
Corporis humani duæ partes,	p. 12.
Elementares Corporis Humani partes,	ibid.
Partes Organicæ,	p. 13.
Textura Corporis Humani,	p. 14.
Partes fluidæ & Organicæ,	ibid.
Tres Motus Sanguinis,	p. 15.
Digestio & Chylus,	p. 16.
Chyli processus,	p. 17.
Sanguificatio,	p. 18.
Refus Sanguinis,	ibid.
Circulus Sanguinis,	p. 19.
	p. 20.
Secretio	



## Rerum Elenchus.

Secretio Animalis,	p. 21.
Motus Muscularis,	p. 23.
Structura Corporis Humani,	p. 24.
Quid Sanitas,	p. 25.
Diversi Corporis Humani Affectus,	ibid.

ART. III. <i>De Statu Corporis Humani præter</i>	
<i>Naturam,</i>	p. 27.
Quid Sanitas, quid Morbus,	p. 28.
Sedes Morborum,	p. 29.
Tres Morborum Classes,	p. 30.
Morbi Chirurgici,	ibid.
Morbi Sanguinis,	p. 31.
Sanguis spissus,	p. 32.
Sanguis falsus,	p. 33.
Dolores unde,	ibid.
Morbi Spirituum,	p. 34.

ART. IV. <i>De Statu Corporis Humani super</i>	
<i>Naturam,</i>	p. 36.
Status supernaturalis Corporis,	p. 36.
Discrimen inter mixtum & mixti particulas,	p. 39.
Effectus naturales verè supernaturales sunt, &	
vice versa,	p. 40.

ART. V. <i>De vigentibus Motus Legibus,</i>	
<i>De Naturâ Motûs,</i>	p. 42.
Motus in se nihil est,	p. 45.
Motus diversi à diversis Corporum motorum	
conditionibus,	p. 47.
Nullæ sunt veræ Causæ Naturales,	p. 49.

ART. VI. <i>De suspensis Motus Legibus,</i>	
<i>Leges Naturæ suspendi possunt,</i>	p. 52.
Duo Motus,	p. 54.
Motus solidi,	ibid.
Motus	



## Rerum Elenchus.

Motus fluidi,	p. 54.
Quid fermentatio,	p. 55.
Modus Miraculorum inquirendus.	ibid.
Tres Motûs Leges,	p. 57.
Quid Miraculum,	p. 58.
Vulgaris Miraculi definitio,	p. 60.
Vera Miraculi Natura,	p. 62.
Tres Motûs Legum suspensiones,	p. 64.
Animadversio,	p. 66.

### ART. VII. *De Prima Motus Lege suspensâ.*

Ubi ostenditur quod Corpus moveri poterit sine occasione motûs alterius Corporis irru- entis,	p. 68.
Tres modi primæ suspensionis,	p. 69.
Primus movendi modus,	p. 69.
Secundus movendi modus,	p. 70.
Sudor Sanguineus,	p. 73.
Tertius movendi modus,	p. 74.
Quælibet materiæ figura in omnes alias figuras potest mutari,	p. 75.
Conversio unius substantiæ in aliam secundum Naturam,	p. 78.
Alimenta acido redundant.	ibid.
Aqua in terram conversa,	p. 79.

### ART. VIII. *De secundâ Motûs Lege suspensa,*

ubi probatur quod, datâ Corporis irruentis occasione, Corpus poterit non moveri,	p. 81.
Quomodo homo potest fieri invulnerabilis,	p. 81.
Feritas belluarum refrænata,	p. 82.
Potest flamma non comburere,	p. 83.
Quomodo quis potest vivere in æternum,	p. 84.



## Rerum Elenchus.

ART. IX. *De Tertiâ Motûs Lege suspensâ.*  
Ubi cernitur quod Corpus in motu positum,  
motum suum subito deperdere poterit, non  
communicato eodem alteri Corpori ambienti,  
p. 87.

ART. X. *De Humani Corporis genesi ex Mare  
& Fœminâ,* p. 93.  
Partes generationis Viri, p. 94.  
Partes genitates fœminæ, p. 95.  
Semen continet omnes partes, p. 96.  
Quomodo generatio perficitur, ibid.  
Punctum saliens est Cor, primum vivens ut ulti-  
mum moriens, p. 98.  
Diversi ætatis gradus, p. 99.  
Partus quomodo fit, p. 100.  
Prærogativa Matrum præ Patribus, p. 104.  
Fœminæ non sunt verè Matres sed Matrices,  
p. 106

ART. XI. *De Corporis Humani genesi ex Fæ-  
minâ sine Mare,* p. 107.  
Quid generatio, p. 107.

ART. XII. *De Corporis Humani ortu sine  
Mare & Fœminâ,* p. 112.  
Corporis Humani Analysis Chymica, p. 114.  
Stupenda instrumenta humanâ arte confecta,  
p. 118.  
Corpora stupendo Naturæ artificio constructa,  
p. 119.

ART.



## Rerum Elenchus.

### ART. XIII. *De Humano Corpore redivivo,*

- Diversæ mortis species, p. 125.  
Diversæ mortis causæ, p. 125.  
Diversi modi quibus mortui ad vitam possunt  
revocari, ibid.  
Conditiones quæ requiruntur ut idem Homo re-  
surgat, p. 132.  
Ut redivivus Homo sit idem debet constitui ex  
iisdem principiis, p. 134.  
Figura distinguit Elementa, p. 135.  
Corpus est pars hominis essentialis, p. 137.  
Debet idem Corpus & eadem Anima uniri ut i-  
dem Homo resurgat, p. 139.  
Anima rationalis non est vita Corporis, p. 140.  
An quodvis Corpus sufficiat ut idem Homo re-  
nascatur? p. 142.  
Partes solidæ Corporis non dissipantur, p. 143.  
Quomodo Homines senio vel morbis confecti  
emaciantur, p. 147.  
Ut idem Corpus renascatur, non necesse est ut  
eadem Materię quantitas resurgat, p. 148.  
Anthropophagi, p. 149.  
Corpora non resurgent cum totâ illâ materiâ  
quâ moriuntur, p. 151.  
Quare crescit Corpus in mole, p. 153.  
Cum quâ mole renascemur, p. 154.  
Homo non resurget cum omnibus partibus, p. 156.  
Redivivus homo non manducabit, p. 157.  
Redivivus Homo non respirabit, p. 158.

### ART. XIV. *An multiplex potest esse Corporis Humani Præsentia,* p. 160



## Rerum Elenchus.

ART. XV. <i>De Statu Animæ secundum Naturam,</i>	p. 171.
Anima describi non potest,	p. 172.
Anima rationalis est sui generis Materia,	p. 173.
Anima non est Cogitatio,	p. 174.
Anima semper non cogitat,	ibid.
Animæ proprietas est Cogitatio,	p. 175.
Si non natura Animæ, saltem usus describendus est,	p. 176.
Anima non potest esse in duobus locis in eodem tempore,	p. 177.
Anima non potest habere duas simul Cogitationes,	ibid.
Duplex est in nobis vita, vita Hominis & vita Corporis humani,	p. 178.
Anima non potest esse tota in toto Corpore, & in qualibet Corporis parte,	ibid.
Anima in solo Cerebro sita est,	p. 179.
Anima Rationalis non est causa motuum vitalium in visceribus,	p. 180.
Vera Corporis vita,	ibid.
Stupendus casus pueri inter urfos alti & capti in Polonia,	p. 181, 182.
Quid vita,	p. 183.
Quid Mors,	p. 184.
Duo sunt usus Animæ Rationalis in Corpore humano,	p. 186.
Tria sunt instrumenta Animæ,	ibid.
Quomodo fit sensatio in quinque <i>Organis,</i>	p. 188.
Auditus,	ibid.
Visio,	ibid.
Olfactus,	p. 189.
Gustus,	ibid.
Tactus,	ibid.
	Modus



## Rerum Elenchus.

Modus sensationis,	p.189.
Textura Musculi,	p.190.
Quomodo sit motus Muscularis,	ibid.
Imperium Animæ in Corpus, & influxus Corporis in Animam,	p.192.
Uti Deus est Motus immediata Causa, sic & Cogitationis est unicus Author,	p.194.
Liberum arbitrium Animæ in quo consistit,	p.195.

### ART. XVI. *De Statu Animæ secundum Naturam,*

Miracula Animæ,	ibid.
Anima nostra non nisi sola Corpora verè concipit,	p.197.
Leges Animæ duplici modo suspenduntur,	p.199.
Miracula primæ Legis suspensæ,	p.200.
Miracula secundæ Legis suspensæ,	p.201.

*De*



## Elenchus Alter.

### *De Secretione Animalī,*

p.1.

**Q**uid Vita, & quomodo conservatur, p.2.  
Necessariæ sunt glandulæ in Corpore hu-  
mano, ibid.

Diversi succi qui in Glandulis secernuntur, p.3.

Secreti Humores natura diversi sunt, p.4.

Glandulæ non sunt Vasa complicata, p.5.

Quid filtratio, ibid.

Glandulæ conglobatæ & conglomeratæ, p.6.

Quid Glandula, p.7.

Uusus Spirituum Animalium in glandulis, ibid.

Quare Infantes & senes debiles sunt, p.8.

Ætas caduca & Mors Naturalis, ibid.

Textura Glandularum, p.9.

Quomodo fit filtratio, ibid.

Quomodo peculiaris humor in qualibet glandu-  
la secernitur, ibid.

An sint fermenta in Glandulis? p.10.

Fermentum non potest esse in cavitate ullius  
glandulæ, p.12.

An conformis sit figura porulorum & humoris  
in illis secernendi, p.13.

Similes figuræ similibus gaudent figuris, p.16.

Vera ratio cur humores peculiares in singulis  
glandulis secernantur, p.17.

Ratio cur glandulæ alienos humores secernant,  
p.19.  
Morbi



### Elenchus Alter.

Morbi glandularum sunt Tumores tantum tres,

p.20.

Quare glandulae non secernunt Spiritus Anima-  
les,

ibid.

Quare nimiae Evacuationes debilitant,

p.21.

*Novum Oeconomiae Animalis Exemplar*, p.24.

**N**ova Oeconomiae Animalis Tabula, p.27.

---

FINIS.

---



## E R R A T A.

**P**Ag. 25. lin. 6. pro fluidas lege fluidas. Ibid. l. 11. pro vicissim l. vicissim. p. 44. l. 21. pro spacio l. spatio. p. 48. l. 24. pro tanum l. tautum. p. 59. l. 23. pro census l. sensus. p. 70. l. 3. pro removeri l. diffindi. p. 82. l. 7. pro divellantur l. distrahantur. p. 83. in Not. Marg. pro combuere l. comburere. Ibid. l. ult. pro impetu l. impetuss. p. 95. l. 24. pro væsculæ l. vesiculæ. p. 111. l. 111. pro effectum l. effectum. p. 117. l. 19. pro perpendebit l. perpennerit. Ibid. l. 21. pro constuere l. construere. p. 125. l. 2. pro indagere l. indagare. p. 133. l. 12. pro abeant l. abeat. Ibid. l. 14. pro convertantur l. convertatur. p. 138. l. 23. pro moriremur l. moreremur. p. 139. l. 10. pro aut l. &c. p. 145. l. 6. pro principorum l. principiorum. p. 185. l. 7. pro longæ l. longè. p. 159. l. 4. pro juxra l. juxta.

In Epistolâ de *Secretione Animalis*.

**P**Ag. 5. lin. 24. pro spaciolo lege spatiolo, p. 17. l. 25. pro earundum l. earundem.



ge frida. *Thid.*  
m. p. 111.13 pro  
amur l. tinnu  
170. 13 pro re  
dividit l. 16  
pro confuere l.  
gen l. supple.  
miz. p. 111.13  
17. 119 pro per  
11. pro confuere  
gere l. indagne.  
*Thid.* l. 14 pro  
138.123. pro mo  
116. pro an l. 86  
l. p. 111.13  
p. 111.14 pro

1871

3:40 p.m.  
Mesa



